

JITA YAYINENE VAZUNGILE LYEHI



Ngwamisakwilila, Ndumbu walunga Orman. Ou Mwata amikisule enu.

² Chimene chamwaza, masepa. Kuwahilila kupwa hano cheka chimene chino, kusoloka kupwa chindende nge chakuhona kulizanga, Ngwashinganyeka, kuli yami lyavene, kaha Ngunakunyuka nachipwa na kuliuka nawa. Kaha Ngwapwanga nakutanga kaha...Ngwasakwilila, ndumbu wapwevo. Kaha Mwata chinasoloka nge kuhaka chuma chachindende ha muchima wami, kuneha echi ku Liuka, kaha Ngwashinganyekele nge elu hilolwa lwakulinga echi. Kaha jino echi...

³ Omwo Ngwahetele, kaha jino kuhona kutachikiza nge etu tuya nakupwa hano Chalumingo chino, Ngunavilika nge Nguli na—na Mujimbu wa Liuka. Kaha Ngwatondo ku, kachi Kalunga netavila, kuneha ou Mujimbu Chalumingo nachizaho. Kaha nakuya nakupwa na lwola lwalusuku, shikaho, kacheshi pamo kuya nakukuma shimbu kanda twende seti, ola yimwe, pamo, kachi hali luzu lwola. Echi chinapunga ha muchima wami lwola lwalusuku, kaha Ngwashinganyeka Nguli namukuli kulikungumbuwa kukumbulula mwomwoika Ngunahonene kupwa wakuzangajala nakuya muwande. Kaha Ngunanangula kwosena, oloze Ngunakunyuka echi kachejile kanawako kwiza oku chatela kupwa. Shikaho Ngwashinganyeka, nge Mwata netavila, Sondo nachizaho, Ngwatondo kuunda kanawa na kuchala kanawa, mulonga kaha mwomwoika, kaha echa mutachikize, kuhichila Muvisoneka, chuma muka chili nakuya, talenu, mwomwoika echi chili ngana. Mwomwo, Nanguya pamo nakuya kusali yatulungalwiji mokomoko kumwe vene. Nguli nakuvandamina jino kumona jila muka Ikiye mwaya nakungusanyika nguyenga. Makumishilo...

⁴ Pamo mwahichi maufuku atatu kunyima, mokomoko maufuku avali, ngwapwile namutambi wa hakapeza mukachi kaufuku; kaha chapwile kulombelela mapwevo vamwe vaze vapwile muchipatela. Kaha vakiko vangusanyikile, kaha ngwavo, “Lomba.” Kaha Ngwavulyamine lijina lize vakiko vanguhanyine, nge...Ngwenyi apwile sepa kuli Pwevo. Iya James Bell, ndumbwetu wapwevo muno muliuka, ndumbu wapwevo wamulatu, wakushishika, pwevo wamwaza. Ngwafwelela lijina lyenyi apwile Shepherd, likiko anghanyine. Shikaho Ngwafumine mumuhela kaha kufukama hamavu, kaha—kaha kulweka pwevo lyami. Uze kapeza alilile, kumutonesa. Kaha Ngwambile ngwami, “Etu twatela kulombelela Pwevo. Iya Shepherd, ndumbu wapwevo vavuluka, uze alisepa Iya Pwevo. James Bell.” Shikaho etu twamulombelele ikiye, kuhiluka cheka mukahela.

⁵ Kaha jino mulwola lwa teni mokomoko leveni koloko, likumbi likwavo, Vangusanyikile cheka. Apwile Billy. Kaha ikiye ngweny, kapwanga Pwevo. Iya Shepherd ko, ngwenyi apwanga Pwevo. Iya Bell, Iyavene, keshi sepa Iya Pwevo. Iya Bells ko. “Apwile Pwevo. Iya Bell, kaha ikiye ali muchipatela, ali nakukola chikuma.” Kaha kulahila muchipatela, kuwana ikiye nayilyehi. Mwata namusanyika lyehi Pwevo. Iya Bell, Kwimbo.

⁶ Pwevo. Iya Bell napunga mukakukunguluka wakushishika nayetu hano ha liuka, myaka yayivulu. Lunga Iyenyi, Jammes, na Yami, twazachilenga hamwe, na tata yami, myaka yayivulu kunyima, kuze, kulaha... Etu twapwile nyeni spurs, kufuma ku Pennsylvania, namu Colgate hano, myaka yayivulu kunyima okwo, Ngwashingtonyeka pamo myaka seti okwo, mokomoko kuhambakanaho. Kaha etu twazanga Ndumbu wapwevo Bell. Ikiye apwile muthu wakumyaka.

⁷ Kaha Ngwevwushishile ikiye apwile kutuluka chawashiwashi cha ukalu wa nyangwa, kaha vakiko... Chimbanda chenyi, uze atachikijile uze ukalu wenyi kanawa, afumine muno mumbongi lwola kana. Kaha chimbanda wamuhya ikiye ejile nakumutala, kaha—kaha alwekele vamupule washishi, kaha ikiye kayoyeleko. Kaha—kaha ikiye apwile... Ngwashingtonyeka... mujila ngwevushisa, nge uze chimbanda chenyi keshi kavulukile—kumupulako, mwomwo ikiye wamunene kaha nyangwa yenyi yapwile tela nyinapihi lyehi. Kaha ikiye apwile na malolwa, Ngwashingtonyeka, mokomoko chumachimwe muli chize, kaha—kaha Mwata napunga wakeke. Ikiye apwilenga chize kutuluka shimbu kanda kaha Mwata namukafwenga, lwola lwaluvulu. Oloze chasolokanga kupwa muze... Chamwaza, kachi etu natuneha kukuzalilila, etu natuhanjika echi: Kalunga nasanyika Ndumbu wapwevo Bell, kaha omu mukiko mujila atela kumbata, munamono.

⁸ Kaha omwo Ikiye najimbalisa... nanehe echi kuli yami, kaha Ngwashingtonyewekele nge apwile Pwevo wakusomboka... Mujike Shepherd. Ngwahonene kutachikiza Mujike Shepherd. Uze pwevo wakalemesa pamo ali hano, chimene chino, kaha pamo Ngumutachikize nge Nangutala kumeso eyi. Oloze, vambile ngwavo apwile Pwevo. Shepherd. Kaha chipwetuhu nge chakulingika lyehi ngachize, shikaho kachi chili ngocho... Kachi Ngwatachikiza nge Pwevo. Iya Bell apwanga museteko kana, Kachi ngwayileko kuze nakwimana mulipwata haze vene. Kahajino, talenu, nge, Kalunga kazangile etu kulinga chizeko, pamo. Shikaho, “Etu tunatachikiza vyuma vyosena vyeji kuzachilanga hamwe nakuneha kuwaha kuli vaze vamuzanga Kalunga.”

⁹ Kaha Ngunakunyuka nge Ndumbu wapwevo Bell azangile Mwata wetu. Ikiye apwile pwevo wamwaza. Jino, ikiye apwile umwe wetu. Muno, etu katweshi namiseto ya ulomboko. Echi

chisaka cha Kalunga kachatwama namifunda ya ulomboko. Chipwethuhu etu tuli vachila, uchiluluka, valava, mokomoko wausungwa, kacheshi nachumako, kutoma. Kala mwosena omwo, etu tuli vandumbu vamaunga na mapwevo muli Kulishitu. Kaha shikaho etu—etu twamuzanga ikiye. Kaha etu natuya nakushimbalisa, eyi mbalaka. Mujila muka Nanguya nakumujimbalisa mujike, Ndumbu wapwevo Bell, vase vavanene, wamunene, lilolwa “jize jiamena” kunyima kuze muze mumbango. Kaha kumumbata ikiye kwimbo, ikiye ahanjikile hali Mwata Yesu.

¹⁰ Kaha kachi Nangwivwushisa echi chakwoloka, kavachitachikijileko palanga tando yayindende kunyima okwo, oloze Ngwashinganyeka chililo chenye chili haze vene muno muliuka. [Ndumbu walunga Neville ngwenyi, “Echi chakwoloka.”—Muka.] Chivali echi chili nakwiza ha [“Wani koloko.”] wani koloko. Kaha Ngwashinyeka enu Nguli na kumingisa muufwishi [“Echi chakwoloka.”] muli echi kutanga cha chililo.

¹¹ Oloze, muli chikungulwilo kaha, nge tuli umwe wakuzeya chimene chino, mukalemesa ka Ndumbwetu wapwevo Bell, echa twimane namahinji etu chindende, shimbu etu natunongama mitwe yetu.

¹² Kalunga wa kuyoya, Ou eji kuhananga na kumbata kuyoya, nge omu Yopa wamwaka ngwenyi, “Ou Mwata eji kuhananga kaha Mwata eji kumbatanga; kukisula chipwenga ku Lijina lya Mwata.” Myaka yimwe okwo, Enu mwamutumina Ndumbu wapwevo Bell mukachi ketu, kupwa mukwetu mwenyembo nayetu, wamunene wa mweyembo wa Kalunga. Kaha etu twamisakwilila Enu ha kuhwimina chosena chize ikiye apwile nacho kumeso etu, omwo ikiye azangile kwimba na kwambulula, kaha mwaya nakupwa wakuzala na Shipilitu palanga ikiye ahételanga naha kutetumuka na kutambakana. Kaha ikiye kapwile nasonyiko ya mujimbu wa Yesu Kulishitu, mwomwo, kuli ikiye, Echi chapwilenga Ngolo ja Kalunga kutwala ku ulwilo. Kumona myaka yenye kupwa yakulava lyehi, kaha lolwa luneza omwo etu twatela kukumbulula. Kaha Ove unamufumisa muli etu, chimene chino, nakupwa Kumeso Ove. Mwomwo, echi chili vene muchano, omwo etu natuya nakuseza kuno, etu tuli Kumeso a Kalunga.

¹³ Ove Kalunga, etu twakusakwilila Ove hali vyosena evi. Etu twalombo nge Ove unyenga na kukisula lunga lyenyi, sepa lyami, James; mwaneyi walunga, mwaneyi wapwevo, navosena vase. Etu tunevwushisa nge uze kanyike walunga ali nakutuka kufuma ku Germany, kufuma mulizavu lya ngolo ja maswalale, kwiza kwimbo, nakuhana kalemesa nahase kuhana, ha mavu, kuli naye namuseze. Omwo uze muchima wauze mukweze uli nakuliveta chimene chino. Ngwamulombelela ikiye, Mwata. Kalunga, amukisule ikiye. Kisula Jimmy, kaha omwo ikiye

ali . . . Talenu ikiye ali nakuzata kuze, kaha kukumisa maola, mangana awane chiyoyelo cha chisaka. Ngwalombo ngana nge chisaka chachinene nachiya nakuhandunuka, oloze chisaka nachiya nakupwa chakuzeneka kuhokoka Mulifuchi kusali yikwavo.

¹⁴ Pamo etu, Mwata, jino kashisa chitwa na kukashisa, kukashisa chikuma, kaha yako jino mujita jino, kuzungisa umwe namukwavo chindende kupwa na mulungu okwo. Etu twalombo nge Enu namuya nakutulama na kutuzamisa, kaha tukafweko etu tutwalileho, kaha likumbi limwe echa etu vosena tukunguluke hamwe cheka kusali ikwavo. Etu twalombo echi mu Lijina Iya Yesu. Amena.

¹⁵ Jino echa mwono wa ndumbwetu wapwevo natuseze kunoka mukuunda. Ngwakutonda kuhanjika echi nge ikiye—chililo chenye vali na kuchinanagula hano Chalumingo, mokomoko Chivali, kaha etu natuya . . . Kalamuthu ali wakwitavila kwiza uze nahase kwiza. Ngwashingtonyeka Ndumbu Neville hano ali na kwala chosena. [Ndumbu walunga Neville etavilile—Muka.] Kaha enu muli nechki kwala. Jino, lelo, Nguli kaha . . .

¹⁶ Talenu, kakweshi vyavivulu chikumako. Kachi nge nakupwa chitwamo kumwe navanehela Ndumbu walunga na wa Pwevo Slaughter kuno kunyima. Ngukwechi kusanyika chove, Ndumbu wapwevo Slaughter, kaha twayile nakulombelela wove . . . mukwavo wa Ndumbu wapwevo Slaughter, Ndumbu wapwevo Jean Slaughter na chize chishika chakufuma kutumbatwa, vavauluka ngwavo tularema. Ikiye punduvene muli ikiye unatoho, oloze etu tunakufwelela Kalunga nge ikiye mwaya nakupwa kanawa.

¹⁷ Jino etu twatondo kutanga Chisoneka chimwe. Kaha Ngunatondo kunangula chimene chino, kuunda na lwola lwami, 'mwomwo hakupwa Ngunakinduluka kufuma kuweluka, ku Arizona, chamwaza, hamuliu wami unominyina chindende.

¹⁸ Kaha jino, Sondo nachizaho, kanda kuvulyama, kaha Ngwashingtonyeka Billy natumu Iyehi chize—chize kuvilika. Kaha echi nachiya nakupwa kutanga chachisuku, etu twafwelela, shikaho kalivangenu nge omwo mwahashila. Etu twatondo kuputuka, haze vene ha naine seti, mokomoko Ngwatwale mu, teni koloko. Kaha pamo, anuka, pamo imwe mokomoko imwe- . . . pamo, mokomoko twolufu seti, wani koloko, chuma chimwe ngocho, atatu mokomoko maola awana, mokomoko kuhambakana, Nguli nakutonda kumbata, kaha Visoneka. Mbatenu sonekeso yamakala na lipapilo, kaha Iyale kaha. Kuliko kala chihula, enu hulenu—hulenu echi, mwamono, kaha pamo etu tunahase kulumbununa echi, kuli mwosena etu natuhasa kukafwa.

¹⁹ Jino echa tutange Visoneka vimwe, chatete, jino. Nguli navihela vitatu mu Mbimbiliya, evi Nguli nakutonda kutanga.

Kaha chimwe chatete mujikiko, kachi enu munazange kusoneka echi, kaha kachi enu mukwechi sonekeso yamakala, Ngwatondo kutwala kuli, chimene echi, kuli kutanga chachivulu echi Ngunatondo. . . mokomoko Visoneka vyavivulu, eyo, evi Ngunatondo kutwalako. Eyi pungu yatete nayipwa Petulu Watete 5:8-10, Efwesu 6:10-17, kaha Ndanyele 12:1-14. Jino, mukutanga, kulama lwola lwetu.

²⁰ Kaha kala muthu jino natwame. Shikaho, vavandende kaha vanema, kuze kunyima kaha na kusali. Oloze etu tuli nakuya nakuhita muli evi washiwashi nge natuhasa kaha nakumwecha, kahajino etu natuya nakulombelela vakakuviza.

²¹ Tukwechi pwevo wakalemesa wamundende nasavala hano chimene chino, ou ali nakuviza chikuma. Ngunevushisa nge apwanga nakuviza chikuma, zau. Kaha Ngwa—Ngwatondanga kaha ikiye evulile, chimene chino, chatete, shimbu kanda Ngumulombelele ikiye. Kaha Ngunatachikiza seteko ya ou pwevo wakalemesa wamundende. Kaha ikiye ali nakuviza chikuma, oloze etu tukwechi Tata wa Mwilu wamunene Ou nahambakana chikuma kufungulula misongo yosena. Kaha Ngukwechi ka—ka kakandende. . .

²² Ngwahulile Pwevo. Iya Woods kachi ikiye mwahasa kutanga, oloze ikiye—ikiye apwile wakuzeya chindende ku—kulinga ngocho. Kusoneka chimwe, kuze ndotolo wavitumbo apwile wakulikomokela vene. Omwo, ikiye apwile mukakutoleka ha kuka Chaukalunga kaha kahashile numba kwecha kala muthu kuchihanjika muufwishi wenyiko; na nasi yenyiko, nawa. Shikaho, kaha chasolokele, apwile na mukakuviza apwile na ukalu wa kansa, kansa yayinene. Ikiye atondele nge namwakulingila mwauchi naechi, shikaho ikiye amutumine kuchipatela cheka chikwavo. Vakiko vatondele nge namwakulinga mwauchi nachize nakuze nawa, shikaho vakiko vamukindulwishile. Shikaho vakiko. . . Mamalelo, yapwile halivele, kaha yapwile museteko yayikalu. Kaha chikova chosena vachilileho. Kaha ize kansa, yayile nakushikumuka swi namulivele, swi na mujipachi. Ngwashingtonyeka enu munevushisa omwo Ngwatwale.

²³ Vakiko vapwile na ndotolo wamundende apwile sepa wakufuma ku Norway atwamine natwame nayetu chimene chino.

²⁴ Kaha ikiye lizangile na vingwanja ngwaja vyenyi, ikiye ngwenyi atachikijile chize—chize ikiye atondele ikiye kumupula na nakufumisa lize livele. Kaha wapwile mulimo wamanyinga. Kaha—kaha ikiye apwile na viuva, vyosena. Uze nasi ambachile uze pwevo wakalemesa nakumuwahisa na kumuneha mukapete kakupulila, kaha jino ikiye akindulukile nakumbata vinuma. . . vize vatelele kuzachisa kuli ndotolo na mukakumukafwako,

kufumisa lize livele. Kaha shikaho vakiko vapwile malitwayi na vyuma vyakwala hali ikiye. Kaha shikaho vakiko vaputukile. . .

²⁵ Omwo ikiye aputukile kwalumuna, lunga lyenyi atondele kutachikiza kachi nahase kutwama kusongo yauze kapete na kulomba. Ikiye apwile mukakunangula wa holiness. Kaha ikiye atwamine kusali yalihinji lya uze kahela na kulomba. Mukikovene, uze ndotolo kasuwulukileko nachize, munatachikiza, ikiye kupwa muze. Oloze chikalu ikiye katalileko hali chize, kaha kachamukoleseleko, mwowmoika, “Ngwashinganyeka chize chapwile chakwoloka; katelele—katelele kulezumukako.”

²⁶ Shikaho shimbu ikiye atwamine, nakulomba, muze mwejile nge zungo muze mukapete. Kaha uze ndotolo alumukile mangana ayenga ku. . .vinuma vyenyi, mangana aputuke kufumisa lize livele. Ikiye afumishile vize chiuva hanyima ya chiuva chikwavo. Kaha kuze kakwapwile numba chiveza halize liveleko; numbatuhu chiveza. Ikiye ngwenyi, “Kumana—kumana. . .kumana yeji kutambuka?” Kaha ikiye aputukile. . . Kaha uze nasi ahanyine unjiho wenyi. Vosena vavali vayile nakupwa va pendokosita, vakuzala na Shipilitu Wajila, kuzachila Mwata. Kahapwile numba chivezako!

²⁷ Ou Ndotolo Holbrook ambulwile, lyavene, ngwenyi, “Umwe munyutu shimbu kanda chize, kuze kwapwile uze—uze pwevo nasavala haze, kaha uze nasi, kaha ize kansa yayinene yalovokele kufuma muze mulivele lyenyi. Kaha umwe munyutu hanyima yachize, kakwapwile numba chiveza haze chapwile chafumine.” Uze umwe wetu kuluwa ndotolo wavitumbo muno mu America. Ikiye ngwenyi apwile wakukunyuka haze vene. Kaha ikiye, ohonyi, ikiye apwile mukakuzata muliuka. Talenu?

²⁸ Talenu, ava vathu valinakushinganyeka liuka chumachimwe chize ove muyako kaha, kaha echi chili, “Mamalelo, enu namuya nakulinangula kupwa wamwaza, mokomoko chumachimwe nge ngana.” Echi kacheshiko, sepa. Nduma. Kalunga apwa Kalunga. Ikiye ali kaha wamunene lelo nge omu Ikiye apwile, mukiko apwa. Kaha Ikiye lwola lwosena apwa mwomumwe. Kaha Ikiye apwa. . .Etu twamuzanga Ikiye kaha.

²⁹ Jino, etu twatondo kutanga jino kufuma mu Petulu Watete, kapetulu 5, na vasi 8 na 10, ha kuputuka.

*pwenunga muvakuunda mumeso, . . .tonenunga;
mukakole wenu liyavolo, . . .eji kukulijizanga nge
ndumba, wakutahwoka, nakutonda wose mwawana
amulye:*

*Mwimanyinenunga muzame mu. . .lufwelelo,
hakutachikiza ngwenu, vihuli vyovyvo vimwe veji
kuyitesangamo muli vandumbwenu vali hano hamavu.*

*Oloze Kalunga mweya likoiji lyosena, ou amisanyikile
muli Yesu Kulishitu kuupahu wenyi wahaya myaka*

yosena, omu namukalinga enu himunayande lyehi katando, kaha ivene mwakamikupwisa mwosena, mwakamizamisa mbe, kaha mwakamijikijisa.

³⁰ Omwo Kalunga vatela kumwalisa! Jino mu Mukanda wa Efwesu. Etu jino tunatondo tufukununu hano mu Mukanda wa Efwesu, kapetulu 6, kaha tunatondo kutanga ha vasi 10 nakutwala ku 17, Ngunasoneka hano.

Hakukumisa, enu vandumbwami, zamikenunga na ngolo muli Mwata, namutwima jaundume wenyi.

Vwalenu vyuma vya jita vya kuli Kalunga vyosena, mangana muhase muhasenga kwimanyina kulunguluka cha liyavolo.

Mwomwo kulipika chetu katweshi na kulipika navakwechi nyama na manyingako, oloze na mawangana, na vaka ngolo, na vaka kwononona na vaka mavu—vaka mavu vamumilima yino, nava shipilitu vakuhuka vali mumelu.

Shikangaho litambwilenu enuvavene vyuma vya jita vya kuli Kalunga vyosena, mangana mukahase kuvemanyina halikumbi lyalipi, . . . kaha omu munalingi lyehi vyosena, hikwimana mbe.

Shikaho imanenunga, mwalijichika lyehi muhya wa muchano, . . . mwavwala lyehi chipwiko chachikungo chikiko kwoloka hajitulo jenu;

Kaha mwavwala lyehi mendelo akutwala mujimbu wamwaza wakuunda kumahinji enu.

Kaha muvyuma vyosena, . . . mbatenu lukepwe lwakufvelela, namuhasa kujimisa matongo ayauze wamupi akakahya osena.

Tambulenu nawa litepa lyachikungo lya ulwilo, na poko ya Shipilitu yamukwale, akiko mazu a Kalunga:

³¹ Jino mu Mukanda wa Ndanye, Ngunatondo kutangamo vikwavo. Jino, Ndanye kapetulu 12. Ngwatondo kuputuka ha 1, kaha kutanga vene cha—cha chisuku chihanda cha echi, mavasi fwoteni.

Hamyaka yize . . . nakukemana Mikaye, ou wakulitulaho wamunene uze eji kwimananga kuli vana vavathu vakwenu: kaha nakukapwa . . . myaka yaluyando, kakwapwile lyehi lwangachize kufumisomu kwapwile vakalifuchi nakuheta ku myaka yizeko: ha myaka yize vathu vakwenu navakavayovola, vosena vase navakawana vavasoneka lyehi mu mukanda.

Kaha kuli vase vanasavala tulo mulukungu lwahamavu nakukatona vavavulu, ava navakatonena

kukuyoya chahaya myaka yosena, . . . ava navakatonena kukuvatombanga na kuvasaulanga haya myaka yosena.

Kaha vakakuzangama navakavyakuma nge cha utangatanga walilu; kaha ava nava kalumwina—nava kalumwina vavavulu ku kwoloka nge vatanganyika haya myaka na myaka.

Oloze ove, Ove Ndanyele, jika awa—jika awa . . . mukanda, uwalamike katachikijilo ha mukanda ou palanga na haya myaka yakusongo: nakukayevangila vavavulu, kaha chinyingi nachikavula.

Kaha ngocho Ami Ndanyele ngwatalile, kaha, kumana, kwemanyine vakwavo veka vavali, . . . ou kungenge ya kalwiji musali muno, kaha umwe kuze . . . kusali kungenge ya kalwiji musali muze.

Kaha umwe amwihwile muthu uze wakuvwala mahina alinyu, uze apwile helu lya meya amukalwiji ngwenyi, Kusongo ya vyuma vya kukomwesa evi . . . nakukatwala palanga nakumwaka uka?

Kaha Ngwevwile uze muthu wakuvwala mahina alinyu, uze apwile helu lya meya amukalwiji, omwo azundwile livoko lyenyi lyachilyo nalivoko lyehi lya chimoswe kuwatalisa kwilu, na kulishinga Uze ayoya haya myaka yosena ngwenyi nayikapwa hatando, hatando, na chimbwa chatando; kaha ngwenyi omu navakakumisa kupuzumuna ngolo ja vathu vajila, . . . numba vyuma vyosena evi vikakume.

³² Ngwafwelela Nangwimanyina hano vene. Ngwatondo kumbata mutwe wachihande, kachi kuusanyika mutwe wachihande kuufumisa muze, kufuma muli chize, kufumisamo kukulula: *Jita Yayinene Vazungile Lyehi*. Ou ukiko Ngunatondo kuzachisa kupwa mutwe wachihande.

³³ Jino, omu Ngwezanga nakupwa nou mutwe wachihande chimene chino: Etu tunakinduluka cheka; lizavu lya vakakufwelela muliuka, hano ha liuka, na yami lyavene, ngwapwile ku Arizona. Kaha etu twayile, vene, nakupwa nakuliwana kuze ku Phoenix, na Ndumba walunga Sharrit, hali ino mbalaka. Oloze omwo Nanguwana nge—nge ndumbu walunga apwile mu mbaka, kupwa kutangisa mu mbalaka, chamwaza, kahajino Ngwevwile kuzeya chindende ha kupwa na kuliwana. Ngwashingtonyeka pamo Ngunatondo kupwa nacho Chalumingo namusana, shikaho kakwechi umwe mwanengetela mumauka avo. Oloze, kuwana, nge ikiye na kutangisa cha Chalumingo na musana, nawa. Kaha Ngwapwile na—na kulizakamina chindende ha kupwa na kutangisa.

³⁴ Kaha shikaho etu vandumbwenu, kachi kuya nakuhita mulikumbi, nge twapwanga na kuya muuyanga, etu twayile mumbongi, kuya na kupwa vakulizanga, na kuya kukutanga

cha Ndumbu walunga Allen. Ndumbu A. A. Allen apwile na kutangisa. Shikaho etu twayile kukutangisa, na Ndumbu Allen kaha atangishile mujimbu waunene. Etu twapwile na—na lwola, lwola lwamwaza, lwa kwivwulila Ndumbu walunga Allen, kwivwulila va—va kakwimba, na vya ngocho, omwo vakiko vembilenga, na kutambakana, kaha vapwile na kutanga chachinene.

³⁵ Kaha jino twamwene, shimbu yosena mujila, livoko lya Mwata. Kwosena etu twayile, ou Mwata Yesu apwilenga nakutuwana. Kaha kuli chuma chimwe hakupwa kuli etu vavene, muze mupambo. Kuli chuma chimwe hali echi, chize kachi enu muli lwola lwosena ukawove mujila, kuze kuli chuma chimwe chize nachikukoka ove. Echi chili, Ngwashinganyeka, umwe mulonga Ngwazanga vize vihela vya kweka. Enu mwafumanga mu ngolo ja mukakole, shikaho chikuma nge omu tuli najo hano.

³⁶ Ou liyavolo ali wakuzeneka ulembe kuvangila apwenga nachuma chimwe mwazachilamo. Ikiye akwechi. . .Enu anukenu vaze vali liyavolo vaze vafumishile muli uze Liyongomena? Vakiko vapwile. . . vakiko vali nakutonda kulinga kwenyeka chachinene, shikaho vakiko vatondele kuya muli va ngulu. Shikaho, ma liyavolo vatela kupwa nachuma chimwe mwakuzachilamo, muthu umwe vatela kuzachila.

³⁷ Kaha omu mukiko mujila Kalunga eji kulinganga, nawa. Ikiye atela kupwa nayetu nawa. Ikiye akundamina hali etu, mangana azachilemo.

³⁸ Kaha vavavulu vejile shimbu etu twapwile hamushipili, na vilota. Kaha Mwata Yesu kanda lyehi ahone oloze eji kuhana kulumbununa chakwoloka, kaha pwako kaha muze, mujila kana vene.

³⁹ Kaha jino Ikiye apwile wamwaza kuli etu, kututwaminyina kuchihemo na kutulweka okwo chili. Kaha, munatachikiza, kupwa kaha nakumujinguluka nge ngachize, chili chamwaza. Kutwama nakujinguluka, ufuku uze, kulijiko, kwakusuku kufuma kuli kala muthu, ji mailosi na jimailosi na jimailosi, na kutala chize—chize kuwesuka cha kakahya kujinguluka aze malolwa. Kaha, mamalelo, chize chapwile chamwaza!

⁴⁰ Umwe ndumbu walunga kuze, uze apwile na ukalu na pwevo lyenyi, uze apwile. . .Myaka kunyima okwo, ikiye andwile mutwe wenyi mulikuliwana, kuze Ngwapwile nakutangisa. Kaha Ngwahulile vakiko kunongama mitwe yavo; kwapwile shipilitu wamupi alikangile kufuma muli uze—uze pwevo, kuze kukamenga. Kaha uze pwevo wakalemesa, kupwa kaha chakuzeneka kalemesa, andwile mutwe wenyi. Kaha uze shipilitu asele uze pwevo, haze hakamenga, nakuya muli ikiye. Kaha chili jino mwahichi myaka fwoteni, kaha uze pwevo wakalemesa napunga museteko yayikalu chikuma; shikaho

chikuma, na muwongo, palanga ikiye eji kulinga vyuma vize keshi numba vyakwolokako. Pamo, asele na lunga lyenyi ivene, ayile na kusomboka na kuli lunga weka mukwavo shimbu ikiye ali nakuyoya na lunga lyenyi; kuhanjika nge katachikijileko nge achilingile. Kaha shikaho vakiko—vakiko vesekele kumupima hali echi. . . Mweji kusanyika enu chize ngwenu ika, omwo enu. . . Amnesia? Cheji. . . Yami, kala lijina lyapwa. Ngwashinganyeka echi chakwoloka, ndotolo. Oloze kawapwile uzeko. Uze apwile shipilitu. Kaha ikiye. . . Kaha uze pwevo wakalemesa apwile kanawa apwa sepa lyami. Oloze kufuma uze ufuku, nakutwalilaho, ikiye angujinjile yami. Eyovene, enu munahase kumona mwomwo ika chapwile.

⁴¹ Oloze jino omwo lunga lyenyi ejile, kaha etu twafukamine mukapete nakulomba, kahajino uze Shipilitu Wajila ejile nakusuluka. Muze mukiko vene. Kahajino Ikiye asolokele kuli lunga lyenyi uze ufuku, mu chilota. Ikiye akindulukile na chize chilota, ikiye ashinganyekele nge lyepe. Ejile nakuwana, chize chapwile chikiko kukumbulula chivene kupwa kuka cha pwevo lyenyi. Omwo Shipilitu Wajila alingile chize!

⁴² Kutwalilaho mbwe na mu Tucson, na Ndumbu walunga Norman na veka, kaha muze mukiko Mwata aputukile kuzata cheka na unene, vyuma vya ngolo na kusolola vyuma.

⁴³ Umwe ufuku, changukokele yami kwiza kuli echi kukukulula hano, Ngwapwile ngunemana na Ndumbu walunga Wood na Ndumbu walunga Sothmann. Kaha etu twapwile. . . Echi chapwile pamo teni koloko ya ufuku, kaha Ngwapwile nakutala kutwala muutangatanga, kaha chiwomawoma chachinene chejile hali yami. Kaha Ngwambile ngwami, “Tala kaha! Chize chosena chinapu chachinene, vyakuyoya ya mumelu!” Kaha Ngwambile ngwami, “Vyosena vili mukukupuka kaha vili mumwe.”

⁴⁴ Kaha Ndumbu walunga Wood ngwenyi, “Kutala hali vatanganyika vavali vavandende vakulihata, nge, vatungile nge kusoloka kumunyika.”

⁴⁵ Ngwambile ngwami, “Oloze, munatachikiza, Ndumbu walunga Wood, kutesekesa na sayasi, muze mukujiminyina, mukujiminyina chindende, mukujiminyina chikuma, vaze vatanganyika kavasoloka nge vali numba maichi avali mukulihandununa; kaha vakiko vali hahasuku kufuma hali umwe na mukwavo nge omu tuli etu kwakusuku navo. Kaha kachi vakiko navaputuka kwiza hamavu, nachivambata, ha sauzande milosi ha ola, nachiya nakuvambata handulendi na jhandulendi ya myaka jikiko kuheta hano hamavu.” Kaha Ngwambile ngwami, “Mu vyosena evi vyavinene, vizachiso hano, lozenyi vikiko vyeji kutulweka nge vyeji kutala kuhichila muvivanjilo, twahase kumona myaka handulendi na twende miliyoni ya lwola lwakumunyika, kuze kwakusuku; kaha kuli

lika tukweji na vatanganyika. Kaha—kaha, ohonyi, Kalunga ikiye avatangile vosena. Kaha Ikiye atwama mukachi kavu.”

⁴⁶ Kaha Ngwambile ngwami, “Kumwe kuze, Ngwachihanjikile kuli yami, lwola lumwe mu kutala vatanganyika, mu vitengo vya muutangatanga; kuputuka na Sanda, kwiza na swi na ku Chisemunwino cha Kansa, kaha kuya palanga nakumakumishilo na ndumba, Leo apwa ndumba. Echi kwiza chatete cha Kulishitu, kuhichila muli sanda; kwiza chamuchivali, kuhichila muli Ndumba wakumuyachi wa Yuta.” Kaha Ngwambile ngwami, “Nguneseka myami mwosena kumona nge vitengo vya muutangatanga, kaha Ngunahono kumona echi. Oloze, olozenyi, echi muli chili. Vaze vali vakulongesa lyehi, vatachikiza nge muli chili muze. Yopa achimwene. Malunga vapwilenga nakutala hali chize. Chapwilenga Mbimbiliya, likumbi limwe. Oloze muze muunene wosena wa kulema cha mamiliyoni na mambiliyoni ya—ya kumunyika cha myaka, Kalunga atwama mukachi ka vyosena evi, kaha Ikiye eji kutala hamavu. Paulu na ikiye ali muze. Mama yami ali muze, kumwe, kutala hamavu.”

⁴⁷ Kaha Ngwashinganyekele chiyulo cha vyakuyoya vya mumelu, kakweshi numba chimwe chakufuma muchihela chacho. Chuma chosena chalama lwola lwacho, mukukupuka. Kalunga maswalale jenyi! Ngwashinganyeka ha maswalale; omu nge uze kakweji mwafuma muchiyulo, kaha hamavu nahapwa hakufwika cheka na meya, muminyutu yayindende. Awa mavu nawapwa cheka nge omwo apwile cheka omwo Kalunga atondele kuwazachisa, mangana etu tupwenga hano. “Kahapwile muchuma chimwe ko, kaha hapwile hapimbi, kaha milima, na meya apwile mujimbango yosena.” Kaha kachi kakweji mwatambuka, nachiya nakulinga mwomumwe cheka. Nge kakweji mwatambuka chindende nakufuma kumavu, kaha, makimba nawakinduka. Nge mwashikumuka, mukiko nawakavangiza na makimba nawa. Awa anapu maswalale ja Kalunga. Kaha omwo Ngwashinganyekele hali echi. . .kupwa maswalale ja Kalunga muze. . .

⁴⁸ Jino, etu twayile mukahela. Kaha Ngwaputukile kushinganyeka kumana numba umwe pimbi atela kufuma muchihela chenyi. Vakiko vosena vatwama muchihela chavo. Kaha kachi vakiko navatambuka, mukala jila, vakiko, kaha kuli mulonga umwe, kaha nachiya nakuneha ukalu hamavu. Etu natumona kaha vyuma navishishisaho jino, kufuma muvikiko nge navitambuka nakuya kuvihela vyeka. Echi chili chakutamwo. Nachiya nakukwata ha vyuma vyosena.

⁴⁹ Kaha Ngwashinganyekele, kahajino, kachi vyavinene vya mwilu, nge ngachize, vyatela kulama vihela vyacho, mangana vyosena vipwenga muchiyulo, ngachilihi chimbalanganyi cha vyakuyoya hamavu? Nachipwa ngachili, nge umwe mwafuma muchiyulo, omwo nachimbila vyuma vyosena mukulyenyeka! Kaha kwala chosena cha Kalunga nachipwa muchimbalanganyi

nge membala umwe mwafuma muchiyulo. Etu twatela kutwalilaho kukilikita na kulama chiyulo cha Shipilitu.

⁵⁰ Kaha Nanguya, kuli Kalunga, chimene chino, nge etu twatela kuneha echi kukutanga cha kukuka chamwenemwene, nge etu natulama echi chihanda. . . kukungulula echi tuli nacho mwishi ya katambo kana chimene chino, mukulikata kana, nge Shipilitu Wajila mwaya nakuhaka kala membala wa Mujimba, ou ali hano chimene chino, mukulikata kana, palanga nomu nakuya nakupwa kuka chawashiwashi cha myono na mujimba, kachi etu natuya nakukwachilila kuvihela vyetu.

⁵¹ Jino, nge omu Ngwahanjikile ha kuputuka, ou pwevo wakalemesa apwile na kansa ize Ndotolo Holbrook ambachile. . . apwile nakuya nakuyifumisa. Jino, Kalunga uze alingishile kwivwakane chizungozungo kwiza muze muchipatela, kaha afumishile ize kansa chakuzeneka kuseza chiveza, enu kamwatachikijile nge apwa Kalunga youmwe hanoko? [Chikungulwilo ngwacho, “Amena.”—Muka.] Kaha chuma chimwe kaha Ikiye ali nakuvandamina, chili cha Venyi—Venyi maswalale kwingila muchihela chavo, nge vatanganyika, kutwama muchihela.

⁵² Jino, munatachikiza, etu tuli jijita hanyima ya jijita, kaha mangwavo a jijita? Kaha kachi mavu nawemana, etu natuya nakupwa najijita jajivulu. Oloze munatachikiza nge kuli jingolo jivali kaha muutangatanga? Ha chihandwa chosena chili mukachi ka mafuchi, na vihandwa vili mukachi kaveka, kaha navyuma vyosena, echi chinapu chosena kwiza ku ngolo jivali. Kuli kaha ngolo jivali, kaha kuli kaha mawangana avali; jingolo jivali, kaha mawangana avali. Kaha vosena, na vyuma vyavindende, vili vya kulinunga na jingolo jimwe. Kaha jize jingolo jinapu ja Kalunga na ngolo ja Satana. Chuma muka. . . Kala jita, kala chimbalanganyi, kala vyuma vyosena vili nakwiza, eji kuvangila vajitwaminyine ku ngolo ja Kalunga mokomoko ku ngolo ja Satana, ’mwomwo eji jikiko kaha jingolo javali jiliko. Kaha eji jikiko ngolo ja kuyoya na ngolo ja kufwa. Jino, eji jikiko kaha jingolo javali.

⁵³ Kaha Satana nahase kaha. . . Ngolo jenyi, akwechi, ngolo ja Kalunga ja kuchongonona. Kajechi ja mwenemweneko. Echi chinapu kuchongonona ngolo ja Kalunga, kala vyuma vyosena ali navyo Satana. Kufwa chinapu kuyoya vanachongonona. Kaha makuli anapu muchano vanambulula mwakuhenga. Talenu? Ujila uli kaha—kaha chilinga vanazachisa mwakuhenga, chilinga chakwoloka vanazachisa mwakuhenga. Talenu? Kala vyuma vyosena vize Satana akwechi chinapu chumachimwe chize vachongonona, oloze jinapu ngolo.

⁵⁴ Kaha etu tuli, lelo, twatwame hano, kaha umwe mokomoko ji ngolo jikwavo najiya nakutu twaminyina. Shikaho echa tumbile

uze wamupi. Echa tumbatenu chihela chetu nge vatanganyika va mumelu.

⁵⁵ Nge omu yahanjika Mbimbiliya, “Vatanganyika vakukimbujoka,” muze mu Mukanda wa Yuta, “kutunga sonyi yavo vavene.” Kaha etu katwatondele kupwa vatanganyika vakukimbwojoka kako; kuhona kutachikiza nge *echi* chili chakwoloka, kuhona kutachikiza nge *chize* chili chakwoloka, kuhona kutachikiza nge *nachiya* nakusoloka, kuhona kutachikiza kachi...*nachiya* nakupwa ngachilihi. Kanda kuhona kutachikizako. Twama nge vaze vatanganyika va mwilu, nge liswalale wamwenemwene ali ha mulimo wenyi. Imana haze, kufwelela! Kuyoya na Kufwa.

⁵⁶ Jino, kala liswalale, nge liswalale wamwenemwene, nge lifuchi nalilizanga kulifumbukila lifuchi nalikwavo, lyatela chatete kutwama hamavu na kusononona chili cha kwoloka na kuhenga, kaha kachi vanahase vakiko kuya nakufumbukila lifuchi likwavo mokomoko nduma. Yesu anangwile echi. Kaha kachi vathu navahasa kuli chize, kachi mafuchi navahasa—navahasa kutwama hamavu, na kwimika na kushinganyeka vyuma kana, kujisali josena jivali, etu katweshi kuya nakupwa najijita chekako.

⁵⁷ Jino, etu natuwana, kachi muthu mwohona kulinga ngachize, kachi vakulwane wamaswalale va lifuchi navahaona kutwama hamavu, chatete, kaha kusononona na kutala nge vakiko vali vakwoloka, kaha kujina na jipunga javo nge jakwoloka, kaha kachi vakiko vali na kuzama na ngolo jakutamomo kufungulula maswalale vakwavo, nge chiku naya nakuhona.

⁵⁸ Omu mukiko Mukulwane wamaswalale Custer alingile kuluwisa chachinene. Mukulwane wamaswalale Custer, nge omu Ngewwushisa, vamutumine kufulumende, keshi nge kuya mulifuchi lya Sioux ko, mwomwo lwapwile lwola lwavo vakiko lwa kulifukula. Lwapwile lwola lwa kulifukula. Vakiko vapwile na chilika. Oloze Custer apendele, kaha ashinganyekele nge mwaya nakuchilinga kaha mwosena omwo. Ikiye azaukile, chipwe vamutumine mokomoko nduma. Kaha jino vakiko vashile hali vathu vakuzeneka mulonga, vashile hali vakiko. Ngwashinganyeka vakiko vashile hali vamwe. Vapwile va scouts kaha, vapwile nakuya nakutondo kulya, mangana kulisa vathu javo—javo shimbu vakiko vapwile mukulifukula. Kaha Custer, kuzauka, avamwene, kaha ashinganyekele nge vakiko vapwile nakwiza kusali yavo, kaha shikaho vakiko vashile hali vaze va scouts. Kaha vaze va scouts vachinyine, nakukinduluka. Vakiko valingile ngachilihi? Vakiko vavwalile vyajita, kaha vakiko vejile. Kaha aze akiko makumishilo a Mukulwane wamaswalale Custer, mwomwo ikiye katwamine hamavu na kushinganyeka ko, chatete.

⁵⁹ Ikiye kapwile namulimo kuzeko. Ikiye kapwile nalisesa lya kupwa kuzeko. Ikiye ashinjikile va Indians kufuma kungenge ya Kumututuko, nakutwala kungenge ya Kumulako, mwoosena omwo. Kaha vakiko vapwile na chivwasano, oloze ikiye ahokwele chivwasano. Kaha omwo ikiye ahokwele chivwasano, kahajino ikiye ahonene ize jita.

⁶⁰ Kaha shikangaho maswalale, chatete, mukuli zanga kuya mujita, chatete kwatela kupwa kusakula, maswalale vamwe. Vakiko vatela kuvwala vakulizanga kuzunga. Vakiko vatela kupwa vakulongesa kuzunga.

⁶¹ Kaha Ngwafwelela nge jita yayinene ize vazungile lyehi, ili jino yakulizanga lyehi kuyizunga. Ngwafwelela nge Kalunga napunga nakusakula maswalale Jenyi. Ngwafwelela Ikiye napunga nakuvawika, kuvalongesa vakiko. Kaha jita yakulutwe jino yalizange lyehi, lizangenu nakuputuka.

⁶² Eyi yayinene, jita yatete ize vazungile lyehi, yaputukile Mwilu, omwo Mikayele na Vangelo Jenyi vazungile na Lucifer na vangelo jenyi. Ya putukile chatete, jita yatete yapwile Mwilu. Shikaho, shili kayaputukile hano ha mavuko, yaputukile Mwilu.

⁶³ Kaha jino vayimbilile kufuma Mwilu, kuyimbila kuyifumisa Mwilu, kuyimbila hamavu, kaha yaholokelele ha vathu vakuyoya. Kahajino eyi jita, kufuma kuli vangelo, yejile nakupwa jita yavathu. Kaha Satana ejile nakwenyeka tengeso ya Kalunga, chize atengele Kalunga chapwile chenyi Ivene. Ikiye apwile, Satana, ejile nakwenyeka echi. Echi chikiko kujina chenyi chapwile, chapwile kwenyeka echi. Kahajino jita yaputukile hano hamavu, na yaputukile muli etu, kaha yinapungako lika kufuma haze vene.

⁶⁴ Jino, shimbu kanda kala jita vayihake muli mwakuzungila, vakiko chatete vatela kusakula chihela kwakuliwanyina, mokomoko chihela chajita okwo navayizungila, chihela chakusakula.

⁶⁵ Mu Jita Yatete ya Mukaye, vayihakile muchihela, muze kamwapwile muchihela chakuzeneka mwenyacho chipwe ngalila kukiko vazungilile. Kaha vakiko vayile kuchihela chimwe vasakwile.

⁶⁶ Nge Iaslele vayile kujita na va Fwilishite, kuze kwapwile na—na—na pili sali nasali kuze vakungulukilile. Kaha kuze kukiko Ngolyate ejile nakulovoka na kusanyika maswalale ja Isalele. Kuze kukiko Ndavichi aliwanyine nenyi, muze muchinema, omwo ikiye ahichile mingulunga chindende kulaha hali eji jipili jivali, ikiye ambachile malolwa avali.

⁶⁷ Kwatela kupwa chihela chakusakula. Kaha muli echi, kuli na—na ngalila yakukujika, ize ngalila yakuzeneka mwenyanyo, kaha vakiko vazungile hano hali chino chihela. Vakiko kavahashile, kuzanga numba jita imwe hano, kaha imwe mwishi hano, kaha naikwavo kuze. Kwapwile lutwe lwa jita kuze vakiko

valiwanyinenga na kweseka jingolo jawo, kuze liswalale wosena esekelenga kuzama chenye hali mukwavo liswalale, chihela chakukujika chakuliwanyina. Jino, kanda (kupwa) nakuhona echi.

⁶⁸ Nge eji jita yayinene yaputukile hamavu, kwapwilenga chihela chakukunjika chakuliwanyina. Kwapwilenga chihela chakusakula chakuputukila jita, kaha numba jita yipwengako. kaha ize ngalila yajita yeji kuputukila mu wongo wamuthu. Muze mukiko jita yeji kuputukilanga. Mu wongo wamuthu mukiko vasakwile kupwa chihela cha jita, mukiko yaputukilile, kaha echi chili mwomwo kusakula chosena cheji kuputukila mu wongo, mu mutwe. Jino, vakiko kavaputukile echi kufumisa mulizavuko. Vakiko kavaputukile echi kufumisa mu vyuma vyakutanga. Eji jingalila kajaputukile muzeko. Shiknagho, lizavu kalyehi kuhasa kupwa, kalyeshi kuhasa kuzata mulimo wa Kalunga, mwomwo ngalila ya jita, kuze watela kuliwana na mukakole wove, chili mu wongo. Ove watela kupwa na kusakula chove. Chize nauliwana nacho.

⁶⁹ Ngwatondo ou kanyike wapwevo wamundende hano, ou ali nakuviza chikuma, kupwa nakwivulila vene jino kuli echi, chikumakuma.

⁷⁰ Kusakulajola vechi kuchilinganga mu wongo, mu mutwe. Muze mukiko Satana eji kukuwanyinanga, kaha mukiko mwatwama kusakula, mwomwo mukiko Kalunga atengelele muthu mujila kana.

⁷¹ Jino, Nguli na (kachi enu mwapwile na kutala hano ngwasonekanga hono) chimwe ngunafundu. Ngwapwanga nechi hano keshi kunyima chikumako, kutwalilaho...kuzachisa eli livaya. Muthu vamutenga nge linona lya tiliku. Eyi mbuto. Kaha muthu ha kupwa mbuto. Mumujimba, enu munapu mbuto ya iso na mama yove; kaha kuyoya chafuma kuli tata, kaha chiyawu kufuma kuli mama. Shikaho, ava vavali, hamwe, lize liulu na aze—aze manyinga, kwiza hamwe. Kaha muliundu lya manyinga mukiko muli kuyoya. Kaha muze mikiko eji kuputukanga, kulitunga, nakupwa na—na mwana. Jino, kala mbuto yatwama na chiyawu kuweluka; mukachi muli kachiyawu muli muchima; kaha mukachi ka muchima muli liundu lya kuyoya. Chamwaza, omu mukiko vatutunga. Etu twapwa na mujimba, mwono, na shipilitu. Echi chakuweluka, mujimba, chiyawu; cha mukachi chachize, chivezu na vyangochi, uli mwono; kaha mukachi ka mwono, muli shipilitu. Kaha shipilitu yikiko yeji kutwaminyinanga vikwavo.

⁷² Jino, kachi enu namuya nakutwama hamavu omwo namuya kwimbo, kaha kafundenu eyi mijingulula yitatu. Enu namuya nakuwana nge kuweluka wamujimba ukwechi vishinagenyeka vitanu kaha mwatwama, na chize kumona, kumakila, kwivwa

cha mujimba, kunukilila, kwivulila. Evi vikiko vishinganyeka vitanu vyeji kutwaminyinga mujimba wa muthu.

⁷³ Mukachi wa mujimba muli mwono, kaha uz e mwono veji kutwaminyinga kuli kushinganyekela, chivezu, kwanuka, kushinganyeka, na kuliyu. Evi vikiko vyeji kutwaminyinanga mwono.

⁷⁴ Oloze, eyi shipilitu, yatwama kaha na chishinaganyeka chimwe. Eyi shipilitu. . . Mamalelo, echa tuyimbate. Eyi shipilitu ikwechi chishingnyeka chimwe, kaha chize chishingnyeka chili, nachiyula echi, chipwe lufwelelo mokomoko kukakasana. Mukiko vene. Kaha kuli kaha chihela chimwe kuli echi, chikiko lisesa lya muthu. Enu munahse kwitavila kukasana mokomoko enu munhase kwitavila lufwelelo, kala umwe enu mwatondo kuzachila. Shikangaho, Satana eji kuputuka hachihanda chalushimbi, kulingisa shipilitu ya muthu kukakasana Lizu lya Kalunga. Kalunga eji kuputanga ha chihanda cha lushimbi, kwala Lizu Lyenyi muli ize shipilitu. Yenu haze vene. Omu mukiko cheji kulingikanga.

⁷⁵ Kachi eli liuka, hano vene vanahase kulihaka hamwe, kaha kulitunga hamwe na namuthu wamuyachi ngana nakupwa mumwe, keshi na muvwimbimbi wakukakasana ko mwosena omwo, kakweshi numba kapwa numba muthuumwe mukachi ketu, muminyutu ikwavo yitanu. Kakweshi kapwa numba muthu hano kufwila Shipilitu Wajila chipwe kumutambula Ikiye, kachi enu namuhasa kutambula chuma kana nakuchilinga. Jino, aha hakiko hali nakuputukila jita, haze vene muvishinganyeka vyenu, nge nauhasa.

⁷⁶ Jino anuka, kacheshi nge Ukulishitu wa Sayasi, jino, kuhaka hachuma kana. Echi kacheshi ngochoko. . . Ou wongo kwitavila Kuyoya, echi chinapu Lizu lya Kalunga, kaha echi nachineha Kuyoya. Kushinganyeka chove kacheshi kuhasa kulinga echiko. Oloze, eli Lizu lya Kalunga, lyanehe echi mujila ya chishinganyeka chove. Talenu? Echi kacheshi chishinganyeka, nge omu veji kulinganga Mukakulishitu wa Sayasi, kushinganyeka hali chize. Nduma. Echi kacheshi ngochoko.

⁷⁷ Oloze, wongo kwitavila Echi. Cheji kukwata Echi. Nyi wongo wove veji kuutwaminyinanga kuchuma muka? Shipilitu yove. Kaha shipilitu yove yeji kukwatanga Lizu lya Kalunga, kaha echi chikiko chuma kana chikwechi Kuyoya muli Echi. Echi cheji kuneha Kuyoya muli enu. Mamalelo, ndumba walunga! Omwo chize nachisoloka, omwo Chiyoyela nachiza nakusuluka muli eyi jila, muli enu, eli Lizu lya Kalunga kusoloka muli enu. “Kachi enu namupwa muli Yami, kaha Mazu Ami muli enu, kahajino lombenu kala chuma namusaka kaha navaya nakumilingilacho.”

⁷⁸ Kaha jino echi nachilinga ika? Kufuma mukachi ka muchima, ou unapu mwono, kufuma muze namuya, nakulisa jijila josena. Ukalu uliho ou, etu tuli nakwimana *hano* na kukakasana chachivulu, kweseka kwitavila chize *chiliko*. Enu mwatela kwimika chize; kaha nakwiza nakushikumuka mujila ya muchano lya Lizu lya Kalunga, kahajino nachiya nakulovoka, chivene, hazevene. Echi chikiko chili mukachi. Echi chikiko chuma chili nakutondeka, mukachi.

Satana kwiza chenyi chapwa kufumanyina mukachi.

⁷⁹ Jino, enu ngwenyi, “Kangwaweke. Kangwanwako. Kangwalinga evi vyuma kanako.” Echi kacheshi na chuma chakulinga naeviko.

⁸⁰ Talenu, chili mukachi. Numbathuhu naupwa wamwaza ngachilihi, wakalemesa ngachilihi, uwamuchano ngachilihi, evi vyuma kana vyatela kuvilemesa. Oloze Yesu ngwenyi, “Kuvangila muthu mwasemuka cheka.” Talenu? Kwatela kupwa chuma chimwe kusoloka mukachi. Kachi enu kamweshi, echi chinapu chuma chauthu chakuvwala, mwomwo mukachi ka muchima wove kufwila chove chili kuchilinga kaha mwosena omwo. Echi kacheshi chuma chauthu. Echi chatela kupwa chamwenemwene.

⁸¹ Kaha kuli kaha chihela chimwe chize chize nachiza nakushikumuka, kaha mujila ya kukasanuka cha muthu, kwiza nakwingila mumwono, ha vishinganyeka vyove. “Nge omu muthu mwashinganyeka mukachi ka muchima, mukiko ikiye ali.” “Kachi enu namuhanjika kuli eyi pili, ‘Tutuka,’ kaha nakuhona kukakasana mumuchima wove, oloze mufwelela nge vize unahanjika navisoloka, enu namuya nakupwa navize munahanjika.” Munevushisa evi? [Chikungulwilo ngwacho, “Amena.”—Muka.] Enu haze. Talenu? Omu mukiko muchihela cha jita. Kachi enu namuputuka kaha, chatete.

⁸² Etu tuli vakuwahilila kumona vyuma kuzachiwa. Etu tuli vakuwahilila kumulingila Kalunga vyuma vimwe. Ou pwevo wakalemesa wamundende keshi. . . wakuwahilila, keshi wakukakanako, kuwahilila kuyoya. Ikiye natondo kupwa kanawa. Veka vali hano, natondo kupwa kanawa. Kaha omwo etu natwivwa ou ukalu kana, nge ndotolo, kusanguka cha vafu, chuma chachinene chaundume Kalunga ketu alingile, kahajino etu tuli vakuwahilila. Kaha chuma kana hili, etu tuli nakweseka kuzachisa evi vyishinganyeka, kukwata chuma chimwe hano, nge chivezu.

⁸³ Vathu vavavulu, lwola lwaluvulu, vana kakasana eli Lizu. Kaha Vanguhono kwivwishisa na echi, ha kutambakana kwiza kukamenga. Ngwambile ngwami, “Kangwapwanga chikuma ha kusanyika cha hakamenaga,” keshi nge kutambakana cha hakamengako.

⁸⁴ Oloze mthuumwe kumbata mthuumwe ha livoko, kuhanjika, “Mamalelo, Ndumbu walunga John, munatachikiza chuma muka? Yami na yenu kupwa vakulihata lwola lwosena. Twaya hano ha kamenga, shikumuka.” Chuma muka ikiye alinakulinga? Kufwila kachi ngwapwanga na livaya hano, Nangumilwekesa ovyo ikiye ali nakulinga. Ikiye ali nakweseka kuzata kuhichila mu mwono, ha kulitachikiza. Echi kacheshi kuzachiwako. Echi kacheshi chihelako. Punduvene, keshi ngochoko.

⁸⁵ Pamo ikiye ali nakuzata mu (chumamuka?) mu kwanuka, kuhichila chishinganyeka cha mu mwono. “Mamalelo, Ndumbu walunga John, ove wapwanga na noko wamwaza. Ikiye afwile lyehi lwola lwakunyima.” Kwanuka! Talenu? Enu kamwatela kulinga muzeko.

⁸⁶ Echi chatela kwiza mumukana wa kukasunuka chamuthu. Enu, enu vavene, echa Lizu lya Kalunga... Enu kamwatela kwiza mwomwo noko apwile pwevo wamwaza. Enu kamwatela kwiza mwomwo enu munapu mukakulihata wamwaza. Enu kwiza mwomwo Kalunga mwamisanyika kwiza, kaha enu namumutambula Ikiye kwimanyina ha Lizu Lyenyi. Eli Lizu likiko lyalumunuka vyuma vyosena. Eli Lizu! Kachi enu namutambula vyuma vyosena kufuma mujila, vivezu vyosena, vya vishinganyeka vyosena, kaha echa kaha Lizu lizenga nakwingila, eli Lizu naliya nakulovola.

⁸⁷ Hano, talenu chuma Kana chinafwiki nacho? Enu ngwenyi, “Chamwaza, jino,” enu ngwenyi, “chamwaza, evi, chivezu na vishinganyeka, na vya ngocho, kanda kupwa nakala chuma chakulinga nachoko, Ndumbu walunga Branham?” Punduvene, echi nachilingika. Oloze kachi ove mwecha Lizu kwiza nakwingila, na kufwika Echi na chivezu, kahajino Echi kacheshi kukula; nachinakupwa nakuhaka utonji ha lizu.

⁸⁸ Enu mwamona lyehi linona lya mwaza lya tiliku kulitumba mumavu, kaha echa mutondo kuholokela halikiko? Na likula mwakuhenga. Kala muvinyo, kalachuma chosena nachikula, nachiya, mwomwo nge chumachimwe chinahonesa.

⁸⁹ Chamwaza, ou ukiko ukalu na Lufwelelo lwa pendekosita lelo. Etu tuneche vyuma vyavivulu vyeji kuhonesanga Echi, elu Lufwelelo elu etu vanatunangula, ou Shipilitu Wajila ou napunga nakuyoyela muli etu. Etu tunechenga vyuma vyavivulu, kutala hali mthuumwe.

⁹⁰ Kaha liyavolo ali lwola lwosena kweseka kukwinyikila enu kuli mthuumwe ahonene, oloze ikiye alinakweseka kukuhonesa ove kukufumisa ku unjiho wamuchano uli wamwenene. Ikiye mwaya nakukwinyikila kuli mukakulyonga, lwola lumwe, uze ayile nakufwanyisa chumachimwe. Ikiye kachilingileko, mwomwo ikiye apwile nakulifwanyisa. Oloze kachi echi nachiza nakufuma kusulo ya muchano ya Lizu lya Kalunga, “Melu

na mavu nawakaya nakuhita, oloze Lizu Lyami kalyeshi kukahitako,” Echi chatela kupwa ngocho.

Wamono echi, ndumbu wapwevo?

⁹¹ Echi chatela kuchitavila muvishinganyeka, kahajino Echi vatela kuchitavila na muchima. Kahajino eli Lizu lya Kalunga lineza nakupwa lyamwenewene, kahajino kala vishinganyeka vya mwono na mujimba vili vya kuhetuwa kuli Shipilitu Wajila. Kahajino chishinganyeka cha Kalunga, chivezu chove cha Kalunga, kala chuma chili chaukalunga, kuhingunuka muli enu. Kakweshi kukakasana nakumweko. Kakweshi chumachimwe nachikatukako.

⁹² Kakweshi chuma chimweko nachiza mukwanuka, na kuhanjika, “Chamwaza, Ngunanuka Pwevo lya Jones kweseka kufwelela Kalunga, kaha Pwevo lya *Munganji mukananga*. Pwevo lya Doe kweseka kufwelela Kalunga ha kuka, lwola lumwe, kaha ikiye ahonene.” Talenu?

⁹³ Oloze kachi eyi jila vanayifumisa na kukosa, na kupwa wakuzalilila mukachi na Shipilitu Wajila, chize kacheshi kuhasa kwiza mukwanuka, numbatuhu hali Pwevo lya Jones na chuma ikiye alingile. Echi chili kuli enu na Kalunga, hamwe, na naumwe weka pimbi oloze enu vavali. Enu haze. Aha hakiko hali jita yenu. Mujihe ikiye mukuputuka. Mwimike wakufwa mujila yenyi. Echi kacheshi lwola muka jita nayishimbula. Echi, mwimike haze vene!

⁹⁴ Kachi enu namuya nakwiza, kaha enu namuya nakulama vya kwanuka na chivezu, na vyuma vyosena, kushinganyeka hali chize, “Chamwaza, Ngunahase kuhona. Echi kacheshi kuhasa kupwa chakwolokako.” Kanda enu namulingako, ngochoko.

⁹⁵ Enu mbilenu vyuma vyosena kusali, kaha sokolola jila, nakuhanjika, “Kalunga, Lizu Lyove lili muchano wa Haya myaka, kaha Echi chinapu chami. Kachi liuka lyosena nalihona, kachi kaye kosena nakahona, oloze Kangweshi kuhonako, mwomwo Nguli nakumbata Lizu Lyove.” Kuli jita. Echi chikiko chuma.

⁹⁶ Mwomwoika Kalunga Waundume kufumisa kansa hali lize livele, chakuzeneka chiveza, na kwecha mwana haze na kufwa? Nduma, mwane.

⁹⁷ Kanyike wamundende kwiza hano, keshi kunyima chikumako, kufuma kushikola yayinene. Naye kungusanyika yami, ngwenyi, “Ndumbu walunga Branham, mwana wapwevo ali musongo wachingongo.” Yize yinapu kansa, mu mahumbamahumba. Kaha mandotolo vambachile chihanda kufumisa hamuliu wenyi watuvikile, nakukatuma, kaha wapwile vene musongo wachingongo.

⁹⁸ Shikaho ikiye ngwenyi, “Ukwavo nawa nauhokoka, pamo nautuvika na hamuchima wenyi. Omwo chalingile, ikiye aya.”

Ngwenyi, “Ikiye akwechi. . .Eyi jila vakiko vali nakusoloka, ikiye ayikwechi, mwosena omwo, pamo tukweji vatatu, ya kuyoya.”

⁹⁹ Uze naye ngwenyi, “Nanguya nakulinga ika? Mutumenu cheka kushikola?”

¹⁰⁰ Ngwenyi, “Mweche ayenga, mwomwo ikiye mwaya pamo nakukasumuka.” Kaha ngwenyi, “Mweche kaha ikiye ayenga na kuyoya chiyoyelo chambwende, nge omu nahase. Kanda kumulweka chuma chimwe hali echi.”

Shikaho uze pwevo wakalemesa ahanjikile kuli yami, “Chuma muka Ngwatela kulinga?”

¹⁰¹ Ngwambile ngwami, “Munehe kuno na kumuhaka mumukana wakulombelela.” Kaha Ngwambile ngwami, “Ove yako wizenga nenyi.” Ngwevwile nge kuseha chindende.

¹⁰² Kaha omwo uze kanyike wapwevo wamundende ejile nenyi, chimene chize, na mivumbo yusweha, kufuma kukulilenga, kaha nge omu shikola yinavalweke. Kaha—kaha uze wamundende ejile. Ngwahonene kutachikiza mwaya nakupwa ngachilihi; mwaya nakusanyika yami ha shinga. Ngwamukwachile kulivoko. Ngwambile ngwami, “Chimene chamwaza, ndumbu wapwevo.” Uze haze. Ikiye vene. Mumiyutu yayindende, kutala hali naye na nakumona vosena vavali chakuzeneka Kalunga, chakuzeneka Kulishitu. Ngwambile ngwami, “Kaha enu namumona kuka ngachilihi ha chihela chamuyachi ngana? Nauya nakumutambula Yesu Kulishitu kupwa Mulwilo wove?” Ngwambile ngwami, “Nauhasa kuya kupi echi chijiva hano na kupwa wakujumika mu Lijina lya Yesu Kulishitu cha kuneha kujimbangana jishili?”

Vakiko ngwavo, “Etu natuya nakulinga ngachize.”

¹⁰³ Mamalelo, munatachikiza omwo chasolokele. Uze pwevo pamo natwame nahano chimene chino. Enu vavavulu mwamutachikiza echi chuma kana. Ndumbu walunga Mike Egan, Umwe hali vakushishika hano, vamwene echi chuma kana. Echi chinapu pamo mummyaka yiwana mokomoko yitanu kunyima okwo. Uze kanyike wapwevo wamundende vamutwalile kuli ndotolo, kavawanyine numba kamwe kamusongo wa chingongo muli ikiye.

¹⁰⁴ Ukalu uka wapwile? Enu mwatela kusokolola jila, chatete. Ove watela kumbata Liswalale, ou Shipilitu Wajila, kumuhaka kulutwe lwa jita, echi chinatondewa kumbata Lizu lya Kalunga. Ikiye apwa Lizu. Kaha Ikiye emanyine haze, kuli chumachimwe kuya nakuchimika Echi. Kakweshi chuma chimwe. . .Kala jila imwe yikwavo yafumune. Chochimwe nge kasumbi waloni ali nalipwema linakumu; ove muhaka kakahya mukachi, nachiya nakutotoka. Ou ukiko ukalu na Vakakulishitu vavavulu vanatotoka, vali mwomwo vakiko kavatomesa jijila javoko, vakiko vakaya nakushikumuka mukachiko. Enu mwatela

kutomesa, chivezu, kwanuka, vishinganyeka, kutulika vyuma vyosena, na kwiza nakufuminyina mukachi, na Lizu Iya Kalunga Iya kuzeneka ujila, ou Ukiko Muchano.

¹⁰⁵ Numbathuhu kachi teni sauzande navafwa *ku* sali eyi, lelo, kufwelela; teni sauzande vafwile hali *ize* sali, hamene, kufwelela; nge kacheshi na chuma chimwe na yamiko. Yami nguli kaha ngumuthu. Yami umwe uze ali wakufwelela. Yami nguli umwe uze afwelela echi. Kaha etu twamono kunyima kuze, kachi etu twatondo kusokolola jijila, kachi tunahase, na kumona. Etu natuwana *echi* chimwe na *chize* chimwe, na *echi* chimwe na *chize* chimwe, masauzande javo, kwambulula.

¹⁰⁶ Oloze liyavolo mwaya nakweseka kwiza nakukinduluka cheka. Talenu, kachi ikiye mwakaya kuze, chipwe ngocho, ikiye akwechi maswalale kupwa vakuvunya.

¹⁰⁷ Kachi enu namupwa na vishinganyeka vyenu, talenu, kumakila, kwivwa ha mujimba, kunuka, na kwivwa, vakiko navaya vosena nakupwa vakwoloka, oloze kanda kuvafwelela vakiko kuvangila vakiko navetevila kupwa hamwe na Lizu. Vakiko vali vakwoloka, oloze, kachi vakiko navahona kwitavila hamwe na Lizu, kaha enu namuhona kuvetavila. Jino, kushinganyekela, chivezu, kwanuka, kukakasana, na kuliyula, vakiko vali vakwoloka kachi vakiko navetavila kupwa hamwe na Lizu. Oloze kachi kuliyula chove kacheshi na kwitavila hamwe na Lizu ko, yako uchifumise. Ove muya nakufumisa lipwema, haze vene washiwashi. Talenu? Kachi kushinganyeka chove nachilimbakala na Lizu, fumako kuli chize. Echi chakwoloka. Eyi yijinyi. . . Kachi kwanuka chove, kachi kushinganyekela, kachi chivezu chove, kalachuma, nachilimbakala na Echi chili mukachi, chifumiseko.

¹⁰⁸ Chumamuka enu mukwechi jino? Enu mwatela kupwa na kuzata cha musana. Haleluya! Ou ali Kalunga ahaka vatanganyika muchiyulo na kuhanjika ngwenyi, “Imana oho vene palanga nomu Nangukamisanyika!” Vakiko vatwamine kuze. Kakweshi chuma chimwe nachiya nakufumisa vakiko ko. Nge Kalunga mwambata muthu mulivoko Lyenyi, palanga nomu ikiye mwambata vishinganyeka, chivezu, vyuma vyosena kuvifumisamo, palanga navimana na kunyima ya Kalunga, mu shipilitu, kakweshi numba liyavolo muno mukaye nahase numba kwingisamo kukakasana. Echi chakwoloka.

Ikiye mweza na kuhanjika ngwenyi, “Ove kaweshi kwivwa cheka kanawako.”

¹⁰⁹ Chivezu chove nachiya nakuya, kuli chize. Lize lipwema nalikufuma, nachitambakana, “Haleluya!” Uze ulovokelo kwimba kapyololo, “Upahu kuli Kalunga!” Chize hinachitemwina, punduvene, chitoma zwalala, mwomwo eli Lizu Iya Kalunga kuzachilamo, eji Ngolo ja Kalunga. Talenu? Echi chikiko chuma chivene.

¹¹⁰ Aha hakiko hali chihela cha jita yove. Chihela chajita yove chili hano vene kukuputuka, kunyima kuno mukachi ka mwono, kunyima mukachi ka wongo wove omu nausokoloka. Ou—ou wongo chikiko chikolo cha mwono, chikolo cha ku shipilitu, mukiko vene. Wongo wove kusokoloka na kwitavila shipilitu, mokomoko kukana shipilitu. Enu munahase kupwa na vivezu vyavindende, na kwivwa chachindende, na kwivwa cha mumujimba chachindende, vyuma vyosena evi. Echi kacheshi nachumako chakulingako. Echi chinapu kwivwa cha mujimba chachindende na vyuma kaha. Oloze omwo echi nachiza nakupwa muchano, wongo wenu nauya nakusokoloka. Wongo wove nauya nakwitavila mokomoko kukana evi. Mukiko kaha, masepa.

Kalunga, kanda wecha umwe kujimbalisa echi.

¹¹¹ Talenu, ou unapu wongo wove kusokolola chikolo; mokomoko kusoka chikolo, na kwivwilila ku chivezu chove, kwivulila ku kwanuka chove, kwivulila kukuliyula. Oloze nge wongo wove nausokewa uvene kuvyuma kana, kaha kwecha Kalunga, ou Shipilitu wa Lizu Lyenyi, kwiza nakwingila, Chize uachifumisa vyuma vyosena. Kala kukakasana chayile. Kala woma wayile. Kala kwivwa cha kukakasana chayile. Kala kwivwa cha mujimba chayile. Kakweshi chimwe chemanyineko kuze shina Lizu lya Kalunga, kaha Satana keshi kuhasa kuzunga na Chize ko. Nduma, mwane. Ikiye keshi kuhasa kuzunga jita nacheshi Ko. Jino, etu tunatachiza nge ou unapu muchano.

¹¹² Eji jijita jinapungako kuputuka ku mulikumbi lya Milemba, eyi jita ya muwongo. Satana ikiye ayiputukile. Chuma muka ikiye alingile omwo aliwanyine na Eva? Ikiye kakanyine Lizu lya Kalunga ko, oloze ikiye Ali tomesele. Ikiye emikile jijila jimwe jajindende hano kumwe. Ikiye ngwenyi, “Oloze punduvene Kalunga. . .” Kuputuka 3:1. Talenu? “Punduvene, Kalunga, vyuma vyosena evi Ikiye—Ikiye—Ikiye ashikile. . .” Ikiye atachikijile eli Lizu lyapwile lya kwoloka. Oloze ikiye atachikijile katelele kwiza kaha na kulitenukila Eli, hatoma ngachize, oloze ikiye—ikiye—ikiye Ali kwichile shuka.

¹¹³ Nge mama omu apwilenga nakulinga mangana tunwenga vitumbo, kaha ikiye kweseka kuhaka musoji wa malalanja mu majimono. Yami, kumbata kaha maji amono chakuzeneka musoji wa malalanja! Kala chuma chili chamakuli! Talenu? Ikiye. . .Etu twapwile nakupwa nachechi naufuku, kaha ikiye mwatuhana amaji a coal, ya wiji wakawa. Kaha ikiye mwahaka maji a coal, na kuhakaho shuka halize; talenu, muyachi wa mukakwonga. Oloze chapwile nakwocha mumazula, hakamwihi, kuya nakushikumuka, hanyima nge shuka yafumuho.

¹¹⁴ Chamwaza, eyi ikiko jila muili, sepa. Satana kweseka ku—kupwa vakakwonga hali chize. Ikiye kweseka kumilwekesa enu

chumachimwe chili kanawa, jila yawashi, na punga yamangana. Oloze kwapwile numba punga ya mangana kuhambakana ize Kalunga alile kukuputuka cha Lizu Lyenyi. Kwachilila ku Lizu. Kwachisa kuli Echi. Echa Echi chikwachise ove. Twama vene na Echi. Echi chili—chikiko chuma.

115 Eyi jita yaputukile omwo Eva asokolwele muwongo wenyi, kwivulila kushinganyeka chenyi. Omu mukiko mumwaji engilile. Eyi ili—ili jila yahichililemo, kushinganyeka chenyi. Ikiye, mu mono wenyi, ikiye ashinganyekele.

116 Meso eyi apwile kumona. Ikiye amwene uze linoka. Ikiye apwile wamwaza, wakusoloka kanawa, kwakusukusuku na lunga lyehi. Ikiye apwile kanyama wakuvanguluka chikuma muze muwande, kaha ikiye pamo asolokele kupwa wamwaza kuhambakana lunga lyenyi. Ikiye asolokele nge kanyama wakutaluka chikuma kwimana haze. Omwo apwile chindume! Kaha ikiye apwile nakweseka kumulweka omwo chapwile chuma chaundume.

117 Kaha chuma chatete ikiye alingile, asokolwele wongo wenyi. Kaha omwo ikiye alingile, kushinganyeka chauthu chamukwachile. “Mwomwoika, echi kacheshi kuhasa kupwa chausoloko?”

118 Echi chikiko chuma ikiye alingile kuli uze pwevo lelo. Mapwevo vamwe na lunga wakuzanga chindende, kuwana umwe wapuho, wamunene, wakutaluka. Ou lunga esekele kusokolola kushinganyeka. Anuka, uze apwile Satana. Ikiye liyavolo. Mokomoko, sali ikwavo, lunga kuli pwevo, pwevo kuli lunga, chipwe kala jila. Chumamuka ikiye alingile? Kuzachila muze mungolo ja kushinganyeka, chikiko chivezu mokomoko chumachimwe, kuputuka kutambuka nakuhita.

119 Oloze ahana Lizu lya Kalunga chihela chatete. Muthu keshi kuhasa numba kwiza ku . . . Ikiye keshi kuhasa kulinga shili . . . Haleluya! Hano hakiko chili. Echi chili nakwiza, cheka. Muthu keshi kuhasa kulinga shili kuvanga chatete ikiye mwambila kusali Lizu lya Kalunga. Ikiye keshi kuhasa kulinga *shili*, echi chinapu “kuzeneka kufwelela,” kuvanga chatete ikiye mwafumisako Lizu lya Kalunga, Kupwa kumeso a Kalunga, ikiye keshi kuhasa kulinga shiliko.

120 Eva kachi kahashile kulinga shili kuvanga atulikile kusali Lizu lya Kalunga, kusokolola jijila ja vishinganyeka kuhichila mu mwono wenyi, na kuputuka kushinganyeka. “Mwomwoika, punduvene. Lunga lyami kanda lyehi angulweke evi vyuma kana, oloze Ngwafwelela nge ove . . . Ikiye angulwekele yami Kangwatela kulinga echiko, oloze, munatachikiza, enu muli nakuchilinga kupwa nge chamwenemwene na kupwa hatoma. Ngwa—Ngwafwelela echi nachipwa chamwaza, mwomwo ove uli nakuchilingisa kupwa hatoma kuli yami.” Talenu, kuze kukiko kwaputukile jita yatete. Kaha, kuhichila muli jize jita,

yinalingisa jijita jikwavo. Kaha kala kumwanga cha manyinga okena apwileko, vachinehele kufuma muze vene mumilemba. Ikiye akanyine kufwelela Lizu lya Kalunga.

¹²¹ Kaha kachi kamukila kakandende ka Lizu lya Kalunga navakakana kukafwelela, chanehele ukalu wosena ou, kaha etu natuya nakukinduluka ngachilihi, kukana kufwelela Lizu? Enu kamweshi kuhasa kulinga echiko. Watela kusoka vyosena evi vyuma kana, chivesu, kwanuka, na kuhanjika. . . kushinganyeka, kaha na vyuma evi vikwavo. “Kutapula na kushikumwisa kushinganyeka.” Etu katwatela kushinganyeka hali echiko, numba mumweko, keshi ngochoko.

¹²² Etu tweji kwitavila Lizu hali echi chikuku, “Kalunga ahanjikile ngocho,” na kuhaka kapila mukachi kayove na Kalunga. Kala jila kwiza nakusokoloka mukachi ka ove na Kalunga, kahajino.

¹²³ Aha hakiko hali jita, echi chatete, kwimana kulutwe. Kanda natuzachisa uta wa .22; echa tumbate—mbomu yayinene. Echa tuzate mulimo hano vene. Echa tumbate mbomu yayinene ya Kalunga. “Chuma muka echi, Ndumbu walunga Branham?” L-u-f-w-e-l-e-l-o mu Lizu Lyenyi. Eyi ikiko mbomu yayinene ya Kalunga. Yeji kupwasa misongo na maliyavolo, kuchilyo na kuchimoswe. Eyi—eyi yeji kuvinongesa. Kuhandununa. . . Mamalelo, yeji. . . Yeji kwenyeka. Yeji kuvatujola vyuma vyosena vize kavyeshi vya ukalungako. Nge ize mbomu ya lufwelelo nayiholokela haze, na Lizu lya Kalunga kunyima yacho, yeji kupwasa kala liyavolo, kuviza chosena, musongo wosena.

¹²⁴ Enu ngwenu, “Echi chakwoloka, Ndumbu walunga Branham? Kahajino mwomwoika kuchilinga, ha vyuma vimwe, kaha nakusali ikwavo?”

¹²⁵ Echi chili mwomwo ya jila. Enu talenu mangana mumone echi. Oloze enu kamwatela kupwa na echi *hano* ko, kutala hali *eyi* jila. Keshi *hazeko*, kutala muli chize; enu mwatela kupwa muze, kutala hali chize. Talenu? Enu kamweshi kuhasa kwiza kuhichila mu kushinganyeka ko. Enu kamweshi kuhasa kwiza kuhichila muli eji jijilako. Enu mwatela kwiza kkuhichila mujila ya Kalunga, muze vene mumwono. Kaha namuchilinga ngachilihi? Jila yamakumishilo ika?

¹²⁶ Echi nachiya nakushinga- . . . muze vene kushikumuka. Enu ngwenu, vishinganyeka, “Mamalelo, Nguli—Ngulinakwivwa echi. Yaah, haze hakiko chili. Huu-hu. Mamalelo, Nguli—Nguli nakunuka echi, mokomoko vyangocho. Vyuma kana kuvili kuze. Yaah.” Chuma chinashishiho, enu kushinganyeka, “Chamwaza, nachisoloka nge natachikiza ovyo ali nakuhanjika. Uze ndotolo ngwenyi Kangweshi kuhasa kupwa kanawako. Echi chatela kupwa.” Mwamono, haze vene enu muli—enu muli vakuhenga. Uze ikiye liyavolo nemana haze. Uze ikiye liyavolo kuhaka vyuma kana muli enu. Kamwafwelela ngachizeko.

127 “Haleluya! Lizu lya Kalunga ngwalyo Nanguya na... ‘Helu lya vyuma vyosena, Nanguya nakulinga echi mangana mufukile mukulikangula.’ Echi chakwoloka.” Naupwa ngachili liswalale wamwenemwene kuze? Talenu, “Ngwatondo enu kupwa wakufukila mukulikangula.”

128 Haze hakiko chili, haze vene, jize jijila. Enu jibatenu kaha, jisokololenu. Kanda kujihita kahako.

129 Kahajino kachi Satana mwahasa kwingila muze, kuzachisa echi chivezu na vyosena evi, kahajino ikiye mwaya muze vene na kusongo ya mwono, muwongo. Jino, kachi ikiye mwahasa kwingila muli enu... Enu kamweshi numba kahasa—enu kamweshi kahasa numba kutala hali numba umwe palanga chatete mwatela kumwecha ikiye *munu*. Enu mwatela kumwecha ikiye kwingila. Kahajino omwo ikiye mwengila, ikiye mwapwa nachiyulo cha kutwaminyina. Kahajino ikiye mwalinga ika? Ikiye mwaputuka kuzachisa chivezu. Ikiye mwaputuka kuzachisa *eyi*, kuputuka kuzachisa *eyi* lovokelo. Chuma muka? Kutala, kumakila, kwivwa chamumujimba, kunuka, kwivwulila; kushinganyekela, chivezu, kwanuka, kushinganyeka, kulinyula. Ikiye mwaputuka kuzachisa vyuma josena eji jijila jakuhandunuka, chikalo kaha nge ikiye mwahasa kwingila, helu lya *eyi* imwe hano. Ikiye atela kwiza muwongo wove, chatete, kaha ove watela kumutambula. Echi chinahase...Ivwulila. Echi chinahase kukuveta ove, oloze kacheshi kuhasa kwingila muli ove kuvanga ove muchitavila.

130 Omwo Satana atambukile nakuya kuli Eva, kaha ngwenyi, “Unatachikiza, ou muhako uli wamwaza,” ikiye emanyine chindende. Mamalelo, haze hakiko aluwishile, omwo ikiye emanyine chindende.

131 Kanda kwimana hachuma chamokomoko. Ove ukwechi Mujimbu. Yesu ayoya. Kalunga apwa Mukakuka. Ou ukiko Mujimbu. Kanda kwimana chamokomoko ko, kupwa nakushinganyeka, kala chuma chekako.

132 Oloze ikiye emanyine chindende. Haze hakiko Satana atambukile nakwingila muwongo. Ngwenyi, “Chamwaza, echi chili nakwivwakana chamangana.” Mamalelo, kanda kulinga ngachizeko. Mbata kaha omwo nahanjika Kalunga.

133 Apalahama, ngachilihi kachi ikiye emanyine nakushinganyeka, omwo Ikiye amulwekele nge mwakaya nakupwa na kemba na Sala, kaha pwevo apwile sikisite faifi kaha ikiye sevete faifi? Kaha omwo ikiye apwile na handulendi, kaha pwevo apwile—kaha pwevo apwile na nayite, ikiye, hanga, ikiye—ikiye—ikiye etavile nge Lizu lya Kalunga lyapwile muchano. Kaha ikiye asanyikile vize vyuma, vize vyahonene kupwako, nge kuvyapwile. Talenu? Ikiye... Numba lutalililo, kwapwile numba lutalililo? Ikiye kazachishile numba lutalililo ko.

134 “Chamwaza,” enu ngwenu, “Ngwatalilila Ngunahase kupwa kanawa. Ngwatalilila Nanguya nakupwa kanawa. Ngwatalilila Nangutambula Shipilitu Wajila. Ngunatalilia Ngu Mukakulishitu. Ngunatalilila Nangulinga *echi*.” Ove kawazanga chizeko.

135 Apalahama katalile numba hali chizeko. Amena. “Kusali ya lusalililo, ikiye hanga afwelelele Lizu lya Kalunga.” Lufwelelo lwapwa kuhambakana lusalililo. Lufwelelo lweji kwizanga kufuma kunyima *kuno*, mukachi. Lufwelelo lweji kwizanga kufuma *kuno*.

136 Mwendigila ikiye ngachilihi? kuhichila muwongo, echi—echi chikolo, jita yakulutwe yinemana haze.

137 Jino, omwo na jita ili lyehi muchizungilo! Jino, uze liyavolo natwame vene kukala muchima, chimene chino. Ikiye natwame, kumuchima waou kanyike wapwevo wamundende. Ikiye natwame kumichima yenu. Ikiye natwame kwosena kuze. Ikiye ngwenyi, “Mamalelo, Ngwamwene enu kweseka shimbu kanda. Ngwevwile chize shimbu kanda.”

138 Mumbilenu ikiye kuweluka. Mukiko kaha. Mumbilenu ikiye kuweluka. Nyi eyi Mbimbiliya yahanjika hano ngwayo ika, kutanga chetu? “Mumbilenu ikiye kuweluka.” Echi chakwoloka. “Mumbilenu ikiye kuweluka.” Etu vanatulongesa.

139 Ngwashingtonyeka, “Ukalu uli halihi na etu vakakunangula?” Ngweji kulikomokela muyachi muka wachilongeselo etu tuli nacho.

140 Kalunga ali nakulongesela mwomwo ya eyi jita. Matewu 24 ngwenyi muze, na Ndanye nawa 12, ngwenyi, “Nakukapwa lwola lwa ukalu, luze kanda lyehi lupwengaho hamavu.” Kaha etu tuli nakuyoyela muluze lwola, omwo chisemwa, na kutanga, na vyuma, vinafwiki Lizu lya Kalunga, kaha kwingila mu kushinganyeka na vyangocho. Eyi jita eli jino. Hiya mwaya nakwimana? Haleluya! Eyi jita ili yakulizanga kwingila. Ikiye ali wakuliwahisa jino. Tala kupukila chachinene etu tuli nacho.

141 Hiya mwaya nakupwa nge Ndavichi? Ngwenyi, “Enu munemana na kwecha uze chilima kafwilishite kujilula maswalale ja Kalunga wa kuyoya? Nanguya nakuzunga nenyi.” Amena. Kalunga natondo malunga na mapwevo chimene chino vanahase kukatuka na kuhanjika ngwavo, “Nanguya nakumbata Mwata ha Lizu Lyenyi.” Amena. Numbathuhu nachihona ngachilihi, chipwe kuli *echi* na *chize*, na chuma muka *chize* umwe alingile. Echi kacheshi nachuma chakulinga nachizeko. Enu va Saulu, na vyangocho, kachi enu muli nawoma wa ikiye, kinduluka okwo wakundama. Oloze, Kalunga na maswalale vali nakuya kulutwe, amena; malunga vapuho, malunga va—va—va lufwelelo, malunga va ngolo, malunga va kwivushisa. Vakiko kavatela kupwa vautongweko. Vakiko

kavatela kupwa vakutangako. Vakiko vali najijila. Kalunga eji kumbatanga eji jijila jajindende.

¹⁴² Uze pwevo manyine chindende, nakushinganyeka, kuhanjika, “Chamwaza, jino, echa tutale.” Chamwaza, nge omu, ngachilihi kachi. . .

¹⁴³ Ou pwevo wakalemesa wamundende, chimene chino, kukakasana chiku nge ndotolo namulweke, apwile pamo kusongo ya mukwakwa, “Kwakweshi numba chuma chakulingako.” Chamwaza, jino, uze ndotolo. Kangwamupayisa ikiyeko. Uze lunga apwa lunga wa sayisi. Ikiye eji amwene nge uze musongo wafungulula mujimba wakanyike. Echi chinahambakana kalachuma. Ikiye keshi na vitumbo navihasa kuwimika.

¹⁴⁴ Shikaho ize kansa nayiya nakufungulula uze pwevo; punduvene, kufwa chinafungulula uze kemba; oloze uze Mukulwane Wajita, haleluya, wa liswalale wamunene, Ikiye apwa kusanguka na Kuyoya. Kakweshi chuma nachimufungulula Ikiye ko. Haleluya!

¹⁴⁵ Aze mawongo amaswalale atwama muli uze mukulwane wajita, uze mukamangana. Rommel, mu Germany, apwile mawongo amu Germany; keshi Hitler ko. Rommel! Echi chakwoloka. Eisenhower! Malunga va jita! Patton! Vaze malunga vayile kulutwe lwajita, echi chinemanyina mujila imwe chiyulo chinafumunyina. Enu kavangizenu mukulwane wenu wajita, kachi ikiye ali mukulwane wamunene wakwoloka. Kachi ikiye ali wakwoloka, kachi ikiye ali mukulwane wa four-star, kachi ikiye ali wakwinjikiza, kachi napu wakwinjikiza kupwa wakwoloka, mukavangizenu ikiye. Chipwethuhu nachisoloka kupwa chakuhenga, enu, yenu kulutwe lwajita. Lingenu nge omu ikiye mwamilweka.

¹⁴⁶ Haleluya! Etu tukwechi Mukulwane wa Five-star, kumuvuluka Y-e-s-u, kuhaka five star ha l-u-f-w-e-l-e-l-o. Ikiye kanda lyehi ahone jita. Haleluya! Ikiye afungulwile kufwa, hetese, na chimbumbwe. Kufumisa mandemone mujila. Ikiye apwa Mwangana wa Tupitawu wamunene. Shikaho, liyavolo keshi numba muchifwanyisa ko.

¹⁴⁷ Ize jita yayinene vazungile lyehi, inatwame hano vene jino. Punduvene, echi chili. Mamalelo! Haleluya!

¹⁴⁸ Omwo Ngweji kushinganyekanga echi! Omwo Ngwemanyine na kutala Ikiye kulinga vyuma kana, kumutala Ikiye kusolola vyuma, kusokolola vyuma, kuhanjika, “Echi nachiya nakupwa *eyi* jila na *ize* jila,” mukiko ili! Mamalelo, tala kunyima *hano*, kaha nakuhanjika, “Hiya ou Kapitawu wamunene?” Mamalelo, Kangwatala kunyimako na kutala kachi Ndotolo *Munganji na mukananga*. Ngunamono omwo ahanjikile Kapitawu. “Ikiye ali Kapitawu wa ulwilo wetu.” Haleluya! Ulwilo chuma muka? Kusokoka! Upahu! “Ikiye apwa Kapitawu wa kusokoka chetu.”

149 Luze lwola lwalunene lunahete lyehi. Haleluya! Liswalale, na vitwa vili nakuvyakuma, maulombo kutemwina! Lufwelelo na kukakasana vili nakumihaka muchana cha jita, muno mu mbalaka, chimene chino; kukakasana kusali imwe, lufwelelo kusali ikwavo. Maswalale, imanenu hamilimo yenu. Haleluya! Kapitawu Ketu, uze Tanganyika wa Chimene, ali nakutwaminyina. Ikiye kakinduluka kunyima ko. Ikiye (kanda lyehi) ngunahono kutachikiza eli lizu lya kukinduluka. Ikiye katela kukindulukako. Amena. Punduvene.

150 Ize jita yayinene vazunga lyehi, ikiye ali nakuya vene nahano jino, eyo, mwane, mukachi ka kuyoya na kufwa, mukachi ka misongo na kulikangula, mukachi ka lufwelelo na kukakasana, mamalelo, yami, mukachi ka kukasunuka na kukashiwa. Eyi jita kuyili! hotolenu makunga enu, maswalale. Kumisenu vitwa vyajita. Kalunga ali nakulingisa maswalale Jenyi kupwa vakulizanga. Amena. Kalunga nawavisa mashilika Jenyi.

151 America yeji kuvwikanga maswalale javo muze mwamwaza muze vatela kuvwala navyo: litepa lya chikungo, na vitwa, na kala vyosena vali navyo, na minyawu ya jita, kala vyosena vakiko vakwechi.

152 Kalunga eji kuvwikanga mashilika Jenyi. Haleluya! Na muyachi muka vyakuzachisa? Na Shipilitu ya Poko yauvela kuvali, likiko Lizu lya Kalunga! Amena! “Eli Lizu lya Kalunga lili lya kuvambuka kuhambakana poko yauvela kuvali,” Hepelewu 4, “kutuva na kuhandununa chifuwa, na muze—muze muusongosongo wa muchifuwa, na Kutumbununa vishinganyeka vya muwongo.” Eli Lizu lya Kalunga! Kufwelela Lizu lyenyi, kaha ikiko jila ya vitwa vya Kalunga.

153 Chikiko Ikiye amuhanyine Eva mangana ali vwike nacho. Kaha ikiye ahokwele chitwa chenyi. Ikiye achilingile ngachilihi? Ha kusokolola wongo wenyi kukushinganyeka. Ove kawatela kushinganyeka na Lizu lya Kalunga ko. Kalyatwama nakushinganyeka ko. Ove. . . Eli lya kaha Lizu lya Kalunga. Kakweshi numba—kakweshi numba kukakasana hali Echiko. Kakweshi numba kushinganyeka kuli Kikoko. Lili Lizu lya Kalunga. Mukiko kaha. Mukiko kaha chili. Mukiko kaha chapwa hayamyaka.

154 Talenu omwo Ngwatwale, uchi wami? [Uze ndumbu wapwevo ngwenyi, “Amena.”—Muka.] Eli linapu Lizu lya Kalunga. Kalunga ashikile echi. Kalunga ahanjikile ngocho.

155 Vakiko vahanjikile kuli Apalahama, “Unatachikiza ngachilihi nge nauya na kupwa nauze kemba?”

“Kalunga nahanjika ngocho.” Mukiko kaha.

“Chamwaza, mwomwo ika unahonene kupwa nenyi?”

156 “Ngunahono kutachikiza omwo Nangukaya nakupwa nenyi, oloze Nguli nakuya nakupwa nenyi. Kalunga nahanjika ngocho.

Echi kacheshi kuhasa kungwimika yami chipwe chindende.” Ikiye nasanyika- . . .

157 “Mwomwoika unahonena kukinduluka kwimbo lyove, kuze wafumine?”

158 “Yami nanguya nakupwa mukakuzuzumana kaha ngeji mulino lifuchi.” Amena! . . . ? . . . “Kalunga nahane lushiko. Kalunga mwaya nakuhana kema muno vene mulifuchi muze Ikiye angutumine.” Haleluya!

159 Kalunga mwaya nakukuhindula muno vene mukupwa cha Shipilitu Wajila, kuze Ikiye akutumine. Kalunga mwaya nakukuhana nacho ove. Fwelela kaha. Amena. Sokolola eyi myaji ya mu mwono na mujimba, vishinganyeka, na chivezu, kaha echa Mazu a Kalunga engile chatete, haka echi muwongo. Mukiko muli chihela cha jita.

160 Kanda kuhanjika, “Chamwaza, kachi nge Nanguchivwa echi, kachi Nangwivwa upahu wa Kalunga kuholoka! Mamalelo!” Echi kacheshi na chuma chimweko chakulinga nech; keshi chumako.

161 Sokolola wongo wove. Chikiko chihela cha jita. Muze mukiko jita japutukile, muno vene kumufunda wakulutwe, wongo wove. Chisokolole, nakuhanjika, “Nguli . . . Kala kukakasana, Ngweji kukakasana kukakasana chami.” Amena. “Nguli na kukakasana kukakasana chami jino. Nguli nakufwelela Lizu Iya Kalunga. Hano jino Nguli nakwiza, Satana.” Chumachimwe nachiya nakusoloka. Pundu vene, nachiya nakupwa. Eyo, mwane.

162 Ikiye eji kuwavisa va ngamba Jenyi na Shipilitu Yenyi. Ikiye eji kuvatuminanga vangelo. Vathu veji kusehanga echi, lwola lumwe, “vangelo.” Echa yami—echa yami tufukunune ku chumachimwe hano hamwe nayenu, mumunyutu kaha. Echa tufukunune muno mu Hepelewu, mumunyutu kaha. Hepelewu kapetulu 4, kapetulu 4, kaha echa . . . Ngwatwale omu, kapetulu 1 wa Hepelewu, kaha echa tufukununenu ha vasi 14.

Vosena va napu vashilishitu vakakumuzachila nyi, vanavatumu kufuma . . . vanavatumu mangana ngwavo vakazatenga hali ava navakaswana ulwilo?

. . . umwe uli hali vangelo ikiye ahanjikile . . . Twama ove kulivoko lyami lyachilyo . . . ?

. . . vangelo vosena va Kalunga . . .

163 Jino, muno mu Mbimbiliya kwiza cheka na kutulweka hano, nge Kalunga mwatuma vangelo. Upahu! Vakiko vali vey? “Vashipilitu vakakumuzachila.” Upahu! Vashipilitu vakakumuzachila, vakutuma (kulihi?) kufuma Kumeso a Kalunga. Kulinga chuma muka? Kuzachila Lizu Lyenyi. Amena! Vakiko kavatela kuzachila kulinangula chauthu cha lizavu

lya chikungulwilo, oloze kuzachila Lizu Lyenyi. Mukiko kaha. “Vashipilitu vakuzachila, vavatuma.”

164 Natwiji etu ngachilihi nge vakiko vene? Eyi Mbimbiliya ngwavo, nge, “Eli Lizu lya Mwata lyejile kuli tupolofweto.” Echi cha kwoloka? Ava vangelo veji kuzachila Lizu Lyenyi, kuhichila mu Shipilitu Yenyi; kuzachila Lizu kuhichila mu Shipilitu Wajila. Kaha eyi Shipilitu na eli Lizu lyeji kuli tupolofweto, kaha ava tupolofweto vapwile na Lizu lya Kalunga. Ou ukiko mulonga vakiko veji kuzatanga vikomwesa evi veji kulinganga. Kapwile muthu; yapwile Shipilitu ya Kalunga muli muthu, eyi Shipilitu ya Kulishitu muli muthu. Mwomwo eli Lizu lya Kalunga . . . Ika ikiye nalingi? Kutomesa jijila josena. Kalunga amusakwile, kaha apwile wakuwawisa na Shipilitu Wajila. Kaha kapwile ikiyeko. Ikiye kalingile numba chumachimweko kuvanga ikiye navangila kuchimona muchimweno. Elija ngwenyi, haze Hapili ya Carmel, “Vyosena evi Ngunavilingi ha kutuma Chove. Jino, Mwata, echa vachitachikize nge Ove wapwa u Kalunga.” Mamalelo, upahu kuli Kalunga!

165 Ngunamono lwola lwaluvulu, omwo enu namumona Shipilitu wa Kalunga kusoloka mu chihela, kaha chize chihela nachipwa mwishi ya kuwawisa! Kachi aka kalizavu kakandende muno chimene chino, kanahase kaha kumbata echi chishinganyeka hano, nakufumisa kala kukakasana mujila! Kaha naukakasana cheka ngachilihi, omwo mumona mufu— uze mufu kusanguka, chitonji kutambuka, kapuputa kumona, kajikwa matwitwi kwivwa?

166 Uze Kangelo ka Mwata, numbatuhu chifwanyisa Chenyi chili chakusukika hambango, kaha sayasi inamwinjikiza, kwosena. Chuma muka Ikiye mwalinga? Twama kaha na Lizu. Amena! Echi nachiya nakuvatula liyavolo. Eyo, nachiya nakulingika. Chuma muka Echi? “Va shipilitu vakuzachila, vakutuma kufuma Kumeso a Kalunga,” kuwawisa vakakuhanjika eli Lizu, vaze vatwama na Lizu. Kaha Ikiye ejikiza eli Lizu na vinjikizo kuvakavangiza, kuneha Yesu uze youmwe zau, lelo, nahaya myaka. Ikiye uze haze.

167 Natuhasa ngachilihi nge etu natukakasana, omwo Ikiye mwosena vayatisiti, vikwata, na mushipilitu, kala kwosena kuze vanahase kumujimbula, Ikiye na nachinjikiza *hano*?

168 Ukalu uli hali? Echi chili mumawongo etu. Etu natusokolola mawongo etu kuchuma, kuhanjika, “Chamwaza, jino, Ngunahono kutachikiza nge chinahase mokomoko nduma. Pamo, kachi nge nangukevwa kanawa hamene.” Mamalelo, chize kacheshi na chuma chimweko.

169 Nge omu Ngweji kuhanjikanga, Apalahama pamo ahanjikile kuli Sala . . . Ikiye apwile nakulu lyehi kupwa nge—nge kupwa pwevo. Munatachikiza omwo Ngunatwale; elu lunapu lwola lwa kuyoya, makumbi eyi twende eyite. Talenu, ikiye apwile

namyaka sikisite faifi yakusemuka. Ikiye apwile pamo nahichi lyehi, ha fifiteni, twende ya myaka. Kaha ikiye ahanjikile kuli ikiye, pamo, makumbi ahixhile, ngwenyi, “Ove uli nakwivwa mumwe mweka, kasendo?”

“Kakweshi numba chihandwako chimweko.”

170 “Echi kacheshi nachuma chimwe chakulinga na eviko. Etu tuli nakuya nakutwalilaho, mwosena omwoko. Chamwaza, jino, kachi nauputuka kunyima nge—nge mukweze wapwevo cheka, etu tunatachikiza, kuhichila muchiyoyelo cha mu manyinga, chamwaza, kahajino, etu tunawane nge echi nachiya nakuvendejeka kemba, kaha vyuma vyosena naviya nakupwa kanawa. Jino, ove muli nakwivwa lelo mweka? Munahichi kakweji kufuma haze Ikiye angushikile. Ove uli nakwivwa mweka, kasendo?”

171 “Keshi numba chindendeko, Apalahama. Kakweshi numba chinjikizoko. Nguli—Yami hanga lika nge Nguli—Nguli jino na myaka yayindende yinahichi. Kakweshi numba chihandwa chachindende.”

“Upahu kuli Kalunga! Etu natuya nakupwa nacho, mukala chuma.”

172 “Ove unatwale, Apalahama, hali...Tala, kachi Ikiye akushikile, punduvene Ikiye mwaya nakuhana etu chinjikizo cha *eyi* jila. Punduvene Ikiye mwaya nakutuhana chinjikizo.” Huu! Haleluya!

173 “Chisemunuino cha kuzeya kaha chaujila veji kutondanga vinjikizo.” Echi chakwoloka. Ikiye apwile na chinjikizo. Chapwile chuma muka? Lizu lya Kalunga. Echi chapwile chinjikizo.

174 Mwaya ngachilihi Kalunga nakuka ou mwana? Lizu lya Kalunga lyahanjika ngocho; kachi Nangwivwa kutambuka mumujimba, mokomoko kuzeneka kutambuka mumujimba. Kachi Nguli...Numbathuhu chasolokele ngachilihi, Kalunga ahanjikile ngocho. Omu mukiko kaha.

175 Apalahama ngwenyi, “Mbatenu matepa enu na vyuma vyosena hamwe, etu tuli nakufuma hano hamavu.”

“Kuli uli na kuya?”

176 “Ngunahono kutachikiza.” Amena. “Oloze, etu tuli nakuya, mwosena omwo. Hano etu tuyenu!” Longejekenu na kuya. Haleluya! Eli likiko Lizu lya Kalunga lya mwenemwene. Chuma muka chapwile kulutwe lwa ikiye? Elu lushiko lwa Kalunga, eli Lizu lya Kalunga. “Etu natuya nakupwa nacho.”

177 “Lovoka kufuma muli vathu jove, Apalahama. Vakiko vali, chuma chili echi, vakiko vali vakakukakasana na kuzeneka kufwelela. Vakiko navaya nakumihaka muchuma chochimwe. Lovoka nakufumamo. Lihandunune ove lyavene, na Kunguyoya.” Chuma muka echi? “Seza chivezu chove chosena

na vishinganyeka vyenu kunyima, nge ngachize. Sokolola wongo wove, na kwanuka, nguli Yami. Twaya, yoya na Yami.” Amena.

¹⁷⁸ Kalunga ali nakusanyika kala Mbuto ya Apalahama, chimene chino, kuli chize kuyoya chamuyachi ngana. Jita yayinene yinaheteho, jino, kaye kosena. Kalunga atonda vana Venyi kulihandununa kuchuma muka? Talenu, kumakila, kwivwa, kunuka, kwivwa; kushinganyekela, chivezu, kwanujoka, kushinganyeka, kulitachikiza; kala chuma. Sokolola mawongo enu na kwecha Lizu kwiza nakwingila, na kutambuka hamwe na Lizu. Uze ikiye liswalale wamwenemwene.

¹⁷⁹ Omu mukiko mujila vatanganyika vemanina. Utangatanga kawalumukako; ikiko zodiac. Uze tanganyika wachimene eji kututuka hamulimo wenyi, hakala chimene, muze vene mujila apwilenga nakulinga kufuma ha kutenga. Uze tanganyika wachingoloshi eji kupwanga muchihela chenyi; kala tanganyika. Uze Mulalavaji Wamundende, kaha hazevene ha lwola lwangonde, kupwa vene omwo atela kupwa. Uze Tanganyika wa Kumututuko hanga emana kaha katambukako. Haleluya! Vyuma vyosena vyeji kujinguluka kujinguluka Tanganyika wa Kumututuko, vosena muli vakiko, mwomwo atwama haze vene hakachi ka lifuchi.

¹⁸⁰ Uze ikiye Kulishitu. Amena. Ikiye hanga emana haze, na kulweka maswalale Jenyi nge Mukulwane wa jita.

¹⁸¹ Nge Mose ha pili na mavoko eyi akuzundula helu, kaha Isalele apwile nakuzunga, kuvatula nakuhita, kaha ikiye emanyine na mavoko eyi helu. Ikiye emanyine na mavoko eyi helu palanga nakulauka cha likumbi. Vakiko vakwachile mavoko eyi helu. Uze apwile Mose.

¹⁸² Ikiye apwile chifwanyisa cha Kulishitu. Kupwa wakukunyuka nge mavoko Eyi akwimika helu, mavoko Eyi akupopela hakulusu na jimbambo. Haleluya! Kaha Ikiye ayiyine muze mu Upahu, lelo, na mahina Eyi na Manyinga kumeso a Kalunga, kulivoko lya chilyo Lyenyi Kuze lya Undume. Kaha eyi jita, kuli liswalale wosena, mwaya nakuvatula jila jenyi. Kangwalizakaminako chuma muka nachisoloka; na Lizu lya Kalunga, ikiye mwaya nakulivatula nakuya mukukasunuka. Amena.

¹⁸³ Nge kasumbi muli ulu, ngachilihi kachi ali nawoma wakutetuka? Ngachilihi kachi ikiye ali nawoma wakutuva lize liulu? Ngachilihi kachi kasumbi kakandende mukachi kalize liulu, kajila wamundende, apwile nawoma wakuveta chize chiyawu? Ngachilihi kachi ikiye pamo nevu nachivumino kuweluka, kuhanjika, “Kanda kuveta hali chize chiyawuko, naulikolesa”? Oloze chisemwa chivene, muli kajila, cheji kumulweza, “Lovola muvumbo! Tuva wina muchikiko.”

184 Echa mazavu amwaka osena ahanjike, “Makumbi a vikomwesa anahichi lyehi. Ove muya nakulikolesa ove lyavene. Ove muya mukusehewa.”

185 Tuva haze vene ha chiyawu, chikuma na ngolo josena. Haleluya! “Satana, yako! Nguli nakuya nakulovokamo.” Mukiko vene. “Kangweshi kupwa munoko, chekako. Kangweshi kutwama munoko, chekako. Kangweshi ha chikuku cha ava valiyavolo chekako. Nguli nakuzumbuka nakulovoka, chimene chino. Amena. Ngwapwa kwaze.” Amena! Haleluya!

186 Oloze uze kwaze wamwaka wamundende, uze atwama na jishingo ya kujikiza kaha yayinene, kutuva hali chize chiyawu. Numbathuhu chinyawu chinakolo ngachilihi, tuva vene nakuhita muchikiko. Chuma chatete munatachikiza, kahajino, ikiye kulipakumuna chindende matwitwi eyi. Ikiye apwile wakwoloka vene.

187 Tuva jila yove. Echi chakwoloka. Nauya nakuchilinga ngachilihi? Kuvumisa na, “MUKIKO MWANAMBE MWATA. MUKIKO MWANAMBE MWATA. MUKIKO MWANAMBE MWATA.” Makumishilo, enu namuputuka kunuka peho yituta. “MUKIKO MWANAMBE MWATA.” Fumisa mutwe wove haweluka. “MUKIKO MWANAMBE MWATA.” Shinjika chikuma jino, enu muli nakulovoka!

188 Ikiye kakindulukile cheka muze muchiyawuko chekako. Amena. Ikiye ali wakukasunuka. Mamalelo, Yami! Lize Lizu nge linatwame kanawa, kuhichila muli muvize vishinganyeka na vivezu na vyuma vimwe, kupwa wakuunda *hano*, kaha uze wongo kusokoloka na kwecha Chize. Ove Kalunga, nguvwile keke! Kakweshi numba chuma chakuhaka muundungo chekako. Ove uli wakukasunuka. Uze vana kasununa kuli Mwana ali wakufuma muchiyawu. Chikungulwilo chove kacheshi kukusanyika nakukindulwisa kunyima. Uze liyavolo keshi kuhasa kulinga numba chumako kuli ove. Ikiye kehasa kumifwijila na kuvilika, jino.

189 Oloze ove uli Mulikula jila, kulaha lumbushi chikuma, mamalelo, yami, kulaha Mulikula jila ya Mwangana, liswalale wakuwawisa wa kulusu. Kaha muli vosena vakwaze, na lufwelelo, kuvuluka Yesu, uze Kumunyika cha kaye, kulaha Mulikula jila ya Mwangana. Punduvene. Eyo, mwane!

190 Awa akiko “mashipilitu akuzachisa,” akutuma kufuma Kumeso a Kalunga, kupwa vakakuzata, kuzata (ika?) Lizu Lyenyi; keshi kutanga chauthuko, oloze Lizu lya Kalunga. Vakiko vapwa mashipilitu akuzachisa, vakutuma kufuma kuli Kalunga, na kuzata. Mashipilitu akuzachisa! Mamalelo! Kaha, anuka, kachi yeji kuzata chumachimwe kusali ya Lizu, kaha kayafuma kuli Kalunga ko. Mwomwo, “Lizu Lyove lili lwola lwosena lya kwinjikiza Mwilu.” Lwola lwosena, Mwilu, eli Lizu

lya- . . . Kalunga eji kutala Ho. Kaha Ikiye keshi kaya na kutuma shipilitu na kuzata chumachimwe kusali ya Lizu.

¹⁹¹ Ikiye keshi kaya nakutuma shipilitu na unene wa D.D.D., Ph.D., na kola yachikovele yakwulumuna kunyima, vyumavyosena nge ngachize, kuhanjika, “Chamwaza, mukikovene, makumbi avikomwesa ahita lyehi. Etu vosena twatachikiza ngachize.” Nduma, nduma. Chize kachafuma kuli Kalunga ko. Echi chili chakulimbalaka na Lizu. Amena.

¹⁹² Ikiye eji kutuma vase veji kuzatanga na Shipilitu ya Lizu. Amena.

¹⁹³ Mamalelo, Ngwapwile pamo na fwo mokomoko faifi vyuma vikwavo, oloze Nanguya na kwecha evi viyenga lwola kana, nakatwalilaho Chalumingo nachizaho. Chosena chakwoloka.

Satana na vandemoni jenyi vali vakuwavisa.

¹⁹⁴ Kachi awa mashipilitu avangelo vali vakuwavisa kuneha kuli enu eli Lizu, kulingisa enu kufwelela eli Lizu, jino munahase enu kumona okwo enu mwevwa lyehi kapolofweto, kapolofweto wamwenemwene wa Kalunga, kukana Lizu lya Kalunga? [Chikungulwilo ngwacho, “Nduma.”—Muka.] Nduma, mwane. Chuma muka chasolokele omwo vize vikungulwilo vya likumbi lyavo kukatuka na kuhanjika, “Jino, ikiye ali wakuhenga”? Ikiye emanyine hali lyavene, na kwimana ukawenyi. Ikiye ngwenyi, “Echi chili chakwoloka.”

¹⁹⁵ Tala hali Mikaya kuze mulikumbi lyenyi, uze apwile mukakujila wakulyalanga, talenu, mwana Imilya. Kuze kwapwile vakuwavisa fwo handulendi, vatelele kupwa, tupolofweto vakuwavisa kwimana kuze, vakulisa kanawa, vakujikiza, na najindingili ja jinene japuho, kaha vakutanga chikuma kaha vakakutanga. Ngwenyi, “Yako kanduka, ove wamulemu mwangana wetu. Ou Mwata apwenga nayove. Lize lyapwa lyetu. Yoshiwa atuhanyine lyo. Shikaho ove yakonga nakulimbata. Echi chili vene chakwoloka. Ove yakonga na kulimbata. Chuma muka. . .” Ikiye ngwenyi, “Chamwaza, Yoshi- . . .”

¹⁹⁶ Munatachikiza, Yehoshavate ngwenyi, “Kakweshi umwe mukwavoko, kumwe?” chamwaza, vakiko vapwile na fwo handulendi. Mwomwoika natuhonena kufwelela fwo handulendi? Ikiye ngwenyi, “Oloze, punduvene tukwechi umwe mukwavo, kumwe.”

¹⁹⁷ ngwenyi, “Kangwa—Kangwa. . . Chamwaza, etu tukwechi umwe. Kuli umwe mukwavo, oloze, mamalelo, Ngwamujinda.” Huu! Talenu?

¹⁹⁸ “Kuli—kuli, uze ikiye mukweze Ngunatondo kwivulila, talenu.” Ngwenyi, “Munehenu kuno. Echa tulale ikiye mwaya nakulinga na kuhanjika ika.”

¹⁹⁹ Kaha shikaho vakiko vayile na kumusanyika, ngwenyi, “Jino, Iwvulilenu. Ove haka mujimbu wove kanawa, chimene chino, ’mwomwo ove uli nakunangula kuli mwangana. Ove uli nakunagula kuli. . . vosena va—va lizavu lya vakakuzata va *munganji mukananga*, mwamono, wa Palachise, lizavu lyosena lya vakakuzata. Jino, enu kenu, hano jino mukiko vakiko vahanjikile. Ove hanjika mwomumwe. Ove fwelela vyuma vyovimwe.” Chize kukeha. . .

²⁰⁰ Ikiye—ikiye apwile na lunga wakuhenga kuze. Uze lunga afumako lyehi kufuma muchize kushinganyeka chamwaka. Ikiye akosa lyehi ize miteta, talenu, chivezu chenyi.

²⁰¹ “Kaha, chamwaza, mwomwoika, munatachikiza vyuma vakiko navaya nakulinga? Kachi ove muya nakuhanjika chuma chimwe, Ngunashinganyeka vakiko navaya nakukulingisa ove kupwa mukulwane wa mbongi. Vakiko navalingamo vene. Vakiko navaya—vakiko navaya nakukulingisa ove kupwa mukulwane wamunene wa mbongi yino, kachi ove muya—ove muya kaha nakwitavila navakiko.” Uze kapwile lunga wamwenemwene wa Kalunga ko.

²⁰² Mwomwoika, miteta yenyi yakukosa lyehi, chivezu chenyi chosena na vyuma vyosena vyapwile vitoma. Vishinganyeka vyenyi vyasokolokele ku Lizu lya Kalunga. Kaha eli Lizu lya Kalunga, likiko kaha, nahase kufwelela. Mashipilitu akuzachisa. Aze akiko mashipilitu akuzachisa.

²⁰³ Ikiye ngwenyi, “Ngunahono kutachikiza na mwakuanjikila jino. Oloze, Nanguya nakumulweka chuma chimwe, Nanguya kaha nakuhanjika vize kaha Kalunga mwangulweka yami kuhanjika.”

Shikaho vakiko vavandaminyine uze ufuku. Ikiye apwile na chimweno.

²⁰⁴ Chimene chikwavo, Ngunashinganyeka Mikaya kutala na kuhita mu Visoneka na kuhanjika, “Jino, echa tutalenu jino. Kumana chize chimweno. . . Jino, malunga vosena, kuli chuma chimwe chakuhenga kumwe hano, ’mwomwo Echi chinapu chakulimbalaka na vize vakiko vahanjikile. Chamwaza, nachiya na kuhanjika Ika? Echa tutale omu Elija ahanjikile kuze kunyima, uze kapolofweto, ’mwomwo etu tunatachikiza ikiye apwile kapolofweto. Talenu chumamuka. . . Eli Lizu lya Kalunga lyejile kuli Elija. Yaah. Kaha lyahanjikile Ika omu ahanjikile? ‘Kaha va tuwa navakalesa manyinga ove. Yezevele, va tuwa navakamulya. Kaha mwomwo ya wakwoloka Ahave. . . aze wakwoloka Nambote.” Ikiye ngwenyi jino. . . Omwo ikiye amwene chize, ikiye amwenechize chimweno chize chakusungama na Lizu lya Kalunga, kahajino, uze Ahave wamwaka chize chapwilenga nakwiza kuli ikiye.

²⁰⁵ Kutambuka nakuya kuze, ngwenyi, “Yako kanduka. Oloze Ngwamono Isalele. . .” Talenu, ikiye kapwile na

sonyi ko kwambulula chimweno chenyi, mwomwo chapwile Lizu lya Mwata. Ikiye atachikijile nge atela kumbata chize mwakukupuka. Ika? Ikiye asokolwele muchima wenyi, wongo wenyi, ku Lizu lya Kalunga, kaha eli Lizu lya Kalunga lya sokolwele chize, shikaho ikiye atachikijile nge chize chapwile chakukupuka kupwa Lizu lya Kalunga.

²⁰⁶ Jino, ove unahanjika, “Mamalelo, kachi Nangupwa nge Mikaya kaha!” Ove unahase. Ove uli. Ove uli, nawa, uchi wami. [Ndumbu walunga Branham kuhanjika cheka kuli ndumbu wa pwevo mukakuviza—Muka.] Ove yove Mikaya, uze kapolofweto. Unahase kulinga ika? Sokolola wongo wove. Chuma muka Ngulinakuhasa kumilweka enu chimene chino? Eli Lizu lya Mwata. Talenu? Sokolola wongo wove, hanjika, “Jino, ove unatachikiza, Ngunafwelela Nanguhinduka.” Chamwaza, chuma muka Echi, kahajino? Eli Linapu Lizu lya Mwata? Punduvene, Echi chinapu Lizu lya Mwata.

²⁰⁷ Kaha *ou* mukweze hano ngwenyi, “Awa makumbi avikomwesa ahita lyehi. Ove kaweshi kuhasa kuli *echiko*. Kaha ove . . .” Vulyama echi. Haka Kalunga chatete.

²⁰⁸ Hano hinaliza Lizu lya Mwata, kaha ikiye ahanjikile Echi, kaha Chize chapwile ngocho.

²⁰⁹ Jino, kaha Satana alingile ika? Satana awavishile veka nawa. Jino, Satana eji kuwavisa vangamba jenyi. Mamalelo, punduvene. Hu-huu. Punduvene. Ikiye eji kuwavisa vangamba jenyi. Eji kuwawavisa naka? Na kuzeneka kufwelela. Satana na va ndemoni jenyi veji kuwavisa uthu wakuzeneka kufwelela Lizu lya Kalunga.

²¹⁰ Jino, kachi enu unatondo kwinjikiza echi, enu fukununenu ku Kuputuka 3:4. Echa tufukununenu kunyima kuze na kwivulila kuli echi, mumunyutu kaha, na kumona kachi echi kaweshi mungalato wenyi watete. Echi chinapu chuma chatete ikiye alingile. Ikiye kaseza mingalato yenyi ko. Ikiye eji ngana lwola lwosena. Jino, talenu kaha kachi echi—echi chuma muka echi. Jino, Ikiye kahashile kwitavila hamwe Lizu ko. Ikiye ahashile kumulingisa pwevo kuzeneka kufwelela Echi chindende, unatachikiza, kuchilingisa kaha Echi kwivwakana nge mujila ikiye atondele Chize kwivwakana, kanda kumbata Lizu lyosena ko. Jino, Kuputuka, Nguukwechi hano, Kuputuka 3:4. Echa tutalenu kachi kacheshi nakuhanjika ngochoko jino. Chosena chakwoloka.

*Kaha uze linoka ahanjikile kuli uze pwevo ngwenyi,
Enu kamweshi kukafwako:*

²¹¹ “Kamweshi kukafwako.” Talenu omwo achivulukile nakuchijingulwisa? “Mamalelo, etu twafwelela makumbi avikomwesa ahita lyehi. Etu katwafwelela nge kuli chuma chamuyachi ngana nge vathu kutambula Shipilitu Wajila nge omu chapwile ha Pendekosita. Mamalelo, mukala jila omwo

ove vakujimikila, echi kacheshi kuneha chihandwa.” Talenu ou liyavolo? Talenu eyi mingalato yenyi? “Chamwaza, kachi ndotolo akulwekele ove nge kaweshi kuyoyako, muze mukiko kaha.”

²¹² Jino, keshi kuvasaulako, kuzeneka kufwelela ndotolo. Ou ndotolo ali nakuzata kutesekesa na mwaya na sayasi. Kaha ou ndotolo nalingi vyuma vyosena ikiye nahase kulinga, kulwila chiyoyelo cha muthu, kaha kaveshi kuhasa kuvalwilako, mwomwo kakweshi chuma chimweko ikiye natachikiza kulinga. Ikiye ali kusongo ya unjiho wenyi. Ou lunga ali wakushishika. Oloze, jino, uze mutondo wa chinyingi wapwile wakwoloka, oloze nge nauya nge omwo nauhashila kuya, kaha jino kufumisa tambo ku Mutondo wa Kuyoya na kutwalilaho kuya lika. Amena. Mukiko kaha. Nachiya nakuzata vene. Yaah.

²¹³ Jino, nyi mingalato ya Satana ika jino? Chuma muka ikiye ahanjikile hano? Jino tala ha 1 na ha—ha vasi 2. Jino echa—echa yami ngutange vasi 1 hano, nakutwala ha 3.

Jino uze linoka apwile umwe wakulunguluka kuhambakana vosena, tunyama vamuchipapa vosena vaze atengele YEHOVA Kalunga. Kaha ikiye amwihwile pwevo ngwenyi, kumana, ou Kalunga nambe ngwenyi, Enu kanda mukalya...kumitondo yosena yili mumilembako?

²¹⁴ Ivwulilenu jino ikiye, mujila kana omwo apwile mwauhwanga, kaha nomu ikiye—nomu ikiye akwichile ulombo ha Lizu. Talenu? Ikiye... Chuma muka ikiye esekele kulinga? Kwingila muwongo wenyi. Talenu? Ikiye kuhanjika kuli ikiye, hanyima ya Lizu lyapwile lyakujingilika lyehi kuze.

²¹⁵ Jino, kanda enu mwechela Satana kukujikila chumachimwe. Talenu? Enu lamenu Lizu lya Kalunga lipwenga lya kujikila mumuchima wove. Talenu? Enu lingenu mwomumwe. Jino tala, enu Vamikaya.

...pwevo ambile kuli linoka, Kumihako yamitondo yili mukachi kamilemba tunahase kulyako: oloze eyi...

Oloze kumihako yamutondo uze uli mukachi kamilemba (mukachi, talenu) kamilemba, Kalunga... nambe ngwenyi, kanda mukalyakoko, chipwe enu kukwatako, kuchina namufwa.

²¹⁶ Talenu, jino, lize likiko Lizu. Ikiye kulihanjika Cheka kuli ikiye. Jino tala.

Kaha uze linoka ahanjikile kuli uze pwevo ngwenyi, Enu kamweshi kukafwako:

²¹⁷ Talenu mungalato yenyi? Talenu? Ika ikiye esekele kulinga? Uze muthu watete, ikiye ali nakweseka kuwavisa uze pwevo wamwaza kuze, mwanawapwevo wa Kalunga, na kuzeneka

kufwelela mu Lizu Iya Kalunga. Echi chikiko kaha ikiye alinakweseka kumulingisa pwevo kulinga.

218 Omu mukiko ikiye alinakweseka kukulingisa ove kulinga, uchi wami. [Ndumbu walunga Branham cheka kuhanjika kuli ndumbu wapwevo mukakuviza—Muka.] Omu mukiko ali nakweseka kulingisa muthu wosena kulinga ngocho, nakuze, kukuwawisa ove. Kaha chuma chimwe kaha ove watela kulinga jino . . . Ove uli na kukasunuka. Jino ove unahase kwitavila echi kachi ove unatondo. Oloze chitapule. Kachi Eva kemanyineko chindende, ivwulilenu! Kanda kwimana kaha chamokomokoko. Kanda kwimanako.

219 Omwo—omwo Elija amulwekele Ngehaze, ngwenyi, “Mbata mukombo wami, yako uwuhake hali uze kamba wakufwa. Kaha kachi kala muthu mwahasa kuhanjika kuli ove, kanda kumukumbulula ko. Kachi kala mwatonda kukwimika, twalilaho kuya lika.”

220 Tala hali uze pwevo omwo ikiye asanyikile uze ngamba. Ikiye ngwenyi, “Kasa chimbulu na kuya kulutwe, kaha kanda numba kwimanako palanga nomu Nangukulweka.” Mukiko kaha.

221 Omwo enu mwatambwile Mujimbu, twalilaho kuya. Amena. Hanjika, “Kangweshi kuhasa kutambuka chekako. Nduma, Nguli nakuzeya.” Twalilaho kuya. Kanda kwimanako. Kutulika vyumavyosena kusali, twalilaho kuvatula nakuhita. Ndumbu walunga, ove ukwechi Poko yauvele kuvali muli voko lyove, twalilaho kuvatula.

222 Ngwayile muchivaza cha nguja, lwola lumwe, kaha ngwapwile nakunangula. Kaha Ngwemanyine ha chikolo na kutala helu, helu haze. Hahanjikile, “Keshi kutohwa cha kawako mukuzunga. Shina kutohwa cha kuzunga muli kawa.” Shikaho chikiko cheji kutapanga yize jita. Talenu?

223 Enu ngwenyi, “Chamwaza, tala. Tala ha mauka osena amanene ali nakole na Echi.”

224 Kangwalizakaminako kutohwa muka vakiko vali. Chili kuzunga chili muli kawa, chikiko chachilemu. Chinapu lufwelelo luli muli muthu ukawenyi. Kachi ove uli mukawoma, kinduluka muliswa muwina. Oloze, ndumbu walunga, kachi ove uli liswalale, imana haze. Kuze kuli jita. Kwoloka na kuhenga chiliko. Echa tuzunge.

225 Nge Peter Cartwright, ayile mu mbongi, ngwenyi, “Mwata angulwekele ku—kwiza muno na kupwa nakuhizumuka.” Ikiye asokelele zuvo yamwaka yakutulikila, kwingila muze na kuputuka kukosamo.

226 Kaha ume vewvilenga woma wamunene wa muze mumbaka, nauta waundende naswelela kusali yenyi, atambukile nakwiza. Kumbata mapito . . . Vamwe vavo, kuhanjika, “Uze mukweze alinakulinga ika kuze?”

227 Ngwenyi, “Ikiye apwa mukakunangula. Ikiye ali nakuya nakupwa nachiwanyino, ikiye ngwenyi.”

228 “Chamwaza,” ikiye ngwenyi, “shinganyeka Nanguya kaha nakuya kuze na kumbila mujila, nakumuchikila kuze. Mukiko kaha. Etu katwechi nakutonda viwanyino muchino chihelako.”

229 Shikaho ikiye ayile kuze, kulyata halipito. Kaha Peter Cartwright apwile na vwale chichashi, munatachikiza, kaha ikiye apwile kaha lika nakukosa jize jijanene na hajimbango. Mukweze umwe wamundende, munatachikiza.

230 Uze mukakunangula wamwaka amusehele, munatachikiza, ha kulya kasumbi na mavoko enyi; echi chili kalemesa nge lelo, munatachikiza.

231 Shikaho ikiye apwile lika nakukosa jijanena na kujinguluka. Uze avavwishilenga woma atambukile nakwiza, nakukoka chashi chenyi hanyima, nauta waundende naliswelela kusali yenyi, ngwenyi, “Chumamuka ove uli nakulinga?”

232 “Mamalelo,” ikiye ngwenyi, “Nguli nakukosa jijanena.” Kaha atwalileho kukosa janena, munatachikiza. Ikiye apwile napunga imwe. Kalunga amulwekele ikiye kupwa na kuhizumuka. Kukosa jijanena, nakushikumuka.

Ikiye ngwenyi, “Etu katwetavila kuhizumuka kunoko.”

233 Ikiye ngwenyi, “Mamalelo, oloze Mwata nangulweke yami kupwa—kupwa na echi kuhizumuka.” Talenu? Ikiye atwalileho, hamulimo wenyi. Talenu? Talenu?

234 “Chamwaza,” ikiye ngwenyi, “kuli kaha chuma chimwe ove—ove watela kwivwushisa.” Ikiye ngwenyi, “Yami mwenya ino mbaka.”

235 Ikiye ngwenyi, “Mamalelo, kumana?” Kaha atwalileho nakukosa jijanena, munatachikiza.

236 Ikiye ngwenyi, “Shimbu kanda ove upwenga nakuhizumuka, ove watela kunguveta yami chatete.”

Ikiye ngwenyi, “Mamalelo, Nguchilinge? Chamwaza, Nanguya nakuchilinga kufuma hano.”

237 Ikiye afumishile chashi chenyi. Nakutambuka nakuya kuli ikiye, na kumukwata mukola yachikovelu, na kumbila hamavu, nakumutumbukila. Ngwenyi, “Ngwatela kuzunga, numba Nguyule. Tohweza kumika chami, Mwata.” Thwako makaya kufuma muli ikiye.

Ngwenyi, “Enu mukwechi vyakutamo?”

238 Ikiye ngwenyi, “Eyo.” Ikiye ahindikile nakumumeneka mulivoko. Ikiye vamulwilile ufuku uze vene, muliuka.

239 Yenu haze vene. Talenu? Cheji, kutondeka eli Lizu Iya Kalunga na kuvatula jila na kuhita mukukakasana chove. Talenu echi? Punduvene, mukiko kaha. Ou ukiko mulimo

ukwavo, echa tuuzatenu. Chakwoloka. Chuma chinashishiho Nanguya nakulinga shina kufuma kukukakasana chami, kuchivatulako. Ou ukiko mulimo wami unashishiho, kumbata na kufumisa kuyengetela chami chosena. Kachi vishingayeka vyami navingulweka, “Chamwaza, ove iwwa kupihya,” chuma nachishisaho kulinga shina kuvatula chize chuma kana. Echi chakwoloka.

²⁴⁰ Enu ngwenyi, “Chamwaza, ove . . . Vakiko veji kungulweka ngachize . . . Munatachikiza, chivezu chami cheji kungulweka, Ndumbu walunga Branham, nge Nguli . . .” Chamwaza, enu munahase pamo nayenu kuvatula chuma kana. Enu kamweshi kuya nakutwalilahoko kuhambakana chize. Echa uzate mulimo wove. Fumisa chashi chove na kwingilamo nganavene. Twalilaho kuya lika. Kujina chimwe, “Nguli nakuya nakutapa.” Amena. “Kangweshi kuhonako. Nguli nakuya nakutapa.” Amena.

²⁴¹ Satana eji kuwavisa. Talenu? Mungalato wenyi watete wapwile uka? Chihela muka chatete avangilile kuswana? Ou wongo. Pwevo emanyine mbichana, na kwivulila kuli vize ikiye ahanjikile. “Mamalelo, ove kawahanjika ngochoko?”

²⁴² Omu mukiko vavavulu mapwevo vavandende vanaluwisanga, kaha vavavulu malunga vavandende vanaluwisanga; chakwoloka, emanyine mbichana, emanyine kaha mbichana. Kapapa kangahi Ngunamono maukalu akulilukulula na vyuma vimwe kwiza, hali chize.

²⁴³ “Chamwaza, Nangumilweka, Ndumbu walunga Branham, ikiye embile muloji nge ‘sweee-swe’, munatachikiza, kaha Ngwemanyine, kaha, kushishika, Kangwa—Kangwatwalile muzeko.” Hu-huu. Yenu haze vene.

²⁴⁴ “Mamalelo, pwevo, Ngwapwanga ngunatwane kusali ya mesa kulitalasana na ikiye. Pwevo—pwevo apwile na meso amwaza!” Talenu? Huu-hu. Talenu? Mukiko kaha.

²⁴⁵ Ou liyavolo eji kulinganga chuma chochimwe. “Mamalelo, uze ndotolo angulwekele yami nge Kangweshi kupwa kanawako, shikaho Nangu . . .” Yenu haze vene, chuma chochimwe, talenu, ize jita yayinene vazunga lyehi.

²⁴⁶ “Chamwaza, vakiko vangulwekanga . . . Ngunamono *mungaji mukananga* kuvuluka kupwa na Shipilitu Wajila.” Yaa, enu mwatalanga hali umwe mukakulyonga wamwaka. Ngachilihi vakiko vaze vapwile Nacho vene? Huu-hu. Yaah. Ou liyavolo mwaya nakukwinyikila kundulo yamwaka ya likolola, oloze ikiye keshi kukwinyikila katela wamwenemwene ko. Hu-huu. Echi chakwoloka. Ikiye keshi kuhasa kukwinyikila ove echiko, kaha ikiye mwaya nakukulingisa ove kupwa kapuputa.

²⁴⁷ Mamalelo, ikiye apwa mukajita, nawa, anuka. Oloze wamunene wetu . . . “Wamunene Ou ali muli enu, kuhambakana uze ali mukaye.” Oloze kwachilila ku Lizu lya Kalunga; Fwelela

Echi, kapitawu wajita ali hano. Kwachisa mumamwove, ndumbu walunga. Echa chakwoloka, twama muchihela yove cha mulimo.

²⁴⁸ Shikaho, Ngwapwile na kanyike wapwevo wamundende hano, lwola lumwe. Ou pwevo wakalemesa pamo natwame hano jino. Lijina lyenyi apwile Nellie Sanders. Umwe hali luze lwola lwatete Ngwamwene lyehi liyavolo kutapuka. Etu twayoyelo, jino, kachi nge Nanguhasa kumbata echi chihela; kaha kupwa kaha pamo jimbango jitatu hano, kusali ya mafuka. Kaha Nguneza nakupwa mukakunangula, kaha Ngwapwile nakunangula hano vene hali eyi mbango, na kuliwana cha mumbalaka.

²⁴⁹ Kaha uze kanyike wapwevo wamundende apwile umwe vase vakukina mwamwaza. Uze pwevo ayile kushikola yayinene hano vene, kaha uze pwevo na Lee Horn. Kaha enu vavavulu hano mumbaka munatachikiza Lee Horn muno vene, akwechi kapete kakusanyina. Kaha shikaho vakiko, uze pwevo na Lee Horn, apwile mukakukina wamwaza apwile kuze muze mulifuchi. Ikiye apwile muka Katolika, lyavene. Mwomwo, kulifukula kachenakulumbununa chuma chimwe kuli vakiko, shikaho jino. . . Nellie na vakiko. Shikaho, uze pwevo apwile mukakukina wamunene, kaha mukiko apwile, nawa. Kaha vakiko vapwile na echi kukina hano vavuluka ngwavo “black bottom,” na “jitterbugs,” na vyuma vyosena. Kaha uze pwevo apwile na. . . Vakiko vavali vapwile vamwe vapwile vamwaza mulifuchi.

²⁵⁰ Likumbi limwe, ikiye atalyangilile hano, ufuku umwe, kukuliwana. Haze vene aholokele, haze hakamenga, wamundende Nellie. Kisula muchima wenyi. Ikiye asavalile kuze kukamenga. Ikiye andwile mutwe wenyi. Kaha ikiye alilile, kaha na masoji alinakuhita nakushikumuka kumakili enyi. Ikiye ngwenyi, “Billy. . .” Ikiye angwijivile. Ikiye ngwenyi, “Ngwatondo kupwa wakulwiliwa, chikuma.”

²⁵¹ Kaha Ngwambile ngwami, “Nellie, ove unahase kupwa wakulwiliwa. Yesu akulwilile lyehi, kanyike wapwevo. Ove watela kwitavila echi jino ha chikuku cha Lizu Lyenyi.”

²⁵² Kaha ikiye atwamine haze. Kaha alilile, kaha alombele, kaha amulwekele Kalunga nge keshi kevwulila cheka ku vyuma vya muno mukaye chekako. Hze vene, zangi yakuunda yamwaza yejile ha mono wenyi. Ikiye akatukile kufuma muze, nakutambakana na kwalisa Kalunga, kutohwesa Kalunga.

²⁵³ Kaha pamo mutukweji sikisi mokomoko eyiti kufuma haze, ikiye apwile nakwiza mu Spring Street, ufuku umwe.

²⁵⁴ Jino, kupwa kanyike kaha wapwevo, ikiye apwile kaha muwike wenyi, pamo na myaka yakusemuka eyiteni. Kaha ejile kuli yami, kaha ikiye ngwenyi, “Hope. . .” Uze apwile pwevo lyami, uze aya lyehi. Ikiye ngwenyi, “Kachi Ngwasoloka nge Hope na Irene.” Ikiye ngwenyi, “Munatachikiza, vakiko kavayile

mukayeko.” Ngwenyi, “Aka kaye kanahake lusona hali ove.” Ngwenyi, “Ngukwechi kusoloka chachipi.” Ngwenyi, “Jino, Ngwechele kuvwala vya kulyalumuna na vyangachize, oloze Ngweji kusolokanga mwamupi. Numbathuhu kupwa chami, kumeso ami,” Ikiye ngwenyi, “Nguli nakusoloka mwamupi.” Ikiye ngwenyi, “Vakiko vali nakusoloka vakuzeneka mulonga kaha vamwaza.” Ngwenyi, “Kachi Kangwalingile chizeko.”

²⁵⁵ Ngwambile ngwami, “Nellie, Manyinga a Yesu Kulishitu eji kukosa shili josena, uchi wami. Yako nakutwalilaho, fwelela echi.”

²⁵⁶ Wayne Bledsoe, enu vavavulu munatachikiza hano, kasendo kami wahamuchima, kaha myaka na myaka. Ikiye apwile mukakunwana. Kaha ikiye ejile hano na ndumbu walunga, Edward. Kaha ikiye apendele nakusavala muno mujila, kaha Ngwamumbachile, ’mwomwo vihwanga navamujiha. Kaha Ngwamunehale hano. Kaha Ngwapwile mukakunangula kaha ngwapwile hano, mama na tata yami, okwo shimbu kanda Ngumbate. Kaha Ngwamumbachile, na kumuhaka muze mukahela. Ngwasavalile...kusavala ha kahela kakuvunga. Kuze kwapwile lizavu lya vaka Branham, munatachikiza, likumi lyetu. Kaha shikaho etu twapwile na tupeka twakuheta ku fwo, kaha etu twapwile vavali vavali, chindende. Shikaho, Ngwapwile na kahela kakuvunga kamwaka Ngwasavalilengaho. Ngwakakokele nge *ngana*, kaha—kaha nakumuhaka Wayne mukahela kami. Napende, ngwamuhakile muzuvo na kumusavalika haze.

²⁵⁷ Kaha Ngwasavalile kuze. Ngwambile ngwami, “Wayne, kaweshi nasonyiko hali ove lyavene, ngana?”

²⁵⁸ Kaha ikiye ngwenyi, “Hu, Billy, kanda kuhanjika kuli yami ngachizeko.”

Kaha jino Ngwahakile livoko lyami hali ikiye. Ngwambile ngwami, “Nanguya nakukulombelela, Wayne. Kalunga akukisule.” Kaha Vanangulwilinga, mamalelo, ngwafwelela pamo, pamo mwaka thuhu.

²⁵⁹ Kaha shikaho kajino, chindende kaha, na—na kaminyawu, kusoka lipito kuweluka, kaha muthuumwe kungongomweza chikuma vene. “Ndumbu walunga Bill! Ndumbu walunga Bill!” [Ndumbu walunga Branham kungongomweza ha kamenga—Muka.]

²⁶⁰ Kushinganyeka, “Mamayami, kuwahakana, muthuumwe atela ali nakufwa.” Ngwatumbukile, ku chikolo; kumbata chuma chami chamwaka, kukupilika ha mulukwe wakusavala nawo, nge *ngana*; nakumufwika Wayne. Kulahila ku chikolo.

²⁶¹ Chevvakanyine nge pwevo. Ngwasokolwele chikolo, kaha uze kanyike wapwevo kwimana kuchikolo. Ikiye ngwenyi, “Mamalelo, Nguhase kwingila?”

Ngwambile ngwami, “Ingila.” Kaha Ngwamwinyikile malaiti.

262 Kaha jino ikiye apwile kaha nakulila nge ngachize, kaha ikiye ngwenyi, “Mamalelo, Ndumbu walunga Billy, Yami—Yami—Yami ngunayi! Yami ngunayi!”

263 Ngwambile ngwami, “Ukalu ulihalihi, Nellie? Ove ukwechi—ukwechi kukola mumuchima?”

264 Ikiye ngwenyi, “Nduma.” Ikiye ngwenyi, “Ndumbu walunga Bill, Ngwapwanga nakwiza nakushikumuka ku kaselwoke.” Ikiye ngwenyi, “Mukushishika, Ndumbu walunga Bill! Mukushishika, Ndumbu walunga Bill, Kangwashinganyekanga kwenyekako. Kangwashinganyekanga kwenyekako.”

265 Ngwambile ngwami, “Ukalu uli halihi?” Ngwashinganyekele, “Nanguya nakulinga ika na ikiye jino?” Kangwatachikijileko mwakulinga. Ngwa, kupwa mukweze kaha. Kaha Ngwa. . .

266 Ngwenyi, “Mamalelo, Ndumbu walunga Bill,” ngwenyi, “Nguli kaha—Nguli kaha—Nguli kaha muvihanda vihanda.”

Ngwambile ngwami, “Jino, hola kulu, ndumbu wapwevo. Ngulweke kecho.”

267 Kaha ikiye ngwenyi, “Chamwaza,” ikiye ngwenyi, “Ngwapwanga nakwiza nakushikumuka mujila, kaha zuvo ya Redman. . .” Kaha vakiko vapwilenga na kupwa na kukina cha ufuku ha Sateli. Kaha ikiye ngwenyi, “Ngwapwile na vyuma vimwe, chize Ngwapwilenga nakuya kwimbo na kutunga ndeleji.” Kaha ikiye ngwenyi, “Ngwevwile chize kwimba.” Kaha ikiye ngwenyi, “Munatachikiza,” ngwenyi, “Ngwemananga munyutu chindende.” Kaha ngwenyi, “Chevwakanyine kupwa kanawa. Shikaho Ngwashinganyekele, ‘Munatachikiza, echi kacheshi kumikolesa kachi Nangwimana hano vene.’”

268 Haze vene hakiko aluwanganyishile, kwimana chindende. Ikiye evwulilile kaha.

269 Ngwenyi, “Chamwaza, Nguli nakuya nakushinganyeka.” Ngwenyi, “Ove Mwata, Unatachikiza Ngwakuzanga Ove, chipwethuhu.” Ngwenyi, “Unatachikiza Ngwakuzanga Ove, Mwata. Oloze Ngunahase kwanuka lwola omwo Lee na Yami twapwilenga nakutapa josena—jimendulu yalupasa, na vyangocho.” Ngwenyi, “Yami, Ngunanuka chize kwimba chapwilenga nakungulwikwisa. Echi kachatachikijileko.”

270 Hu-mamalelo, hu-mamalelo! Ove unashinganyeka echi nge kachatachikizako. Chinakukwate lyehiove, haze vene. Echi chili chochimwe nge omu ikiye atondele, haze vene. Talenu?

271 Vangahi vatachikiza Nellie Sanders? Chamwaza, Ngwashinganyeka hali enu vosena. Yaah. Punduvane. Shikaho vakiko—vakiko vapwile—vakiko vapwile. . .

272 Ngwenyi, ikiye ngwenyi, “Chamwaza, munatachikiza echi?” Ngwenyi, “Pamo kachi Ngwatambukile ha jize jindalo kuze,” ngwenyi, “pamo Nanguhasa kwambulula kuli vamwe.”

273 Mamalelo! Talenu, enu muli vakwoloka ha chihela cha liyavolo. Fumaho hali echi. “Kana echi kusoloka cha liyavolo.”

274 Oloze atambukile nakuya, helu lya jize jindalo, na kwimana haze minyutu yayindende. Kaha chuma chatete munatachikiza, ikiye aliwanyine ali mumavoko akanyike walunga, hamavu.

275 Kahajino ikiye ejile muvishinganyeka vyenyi. Kaha ikiye apwile nemana haze, kulila na kuya, ngwenyi, “Mamalelo, Ngunajimbala jino, kunahu. Nguli . . .”

276 Ngwashinganyekele, “Chamwaza, Ngunahono kutachikiza chuma chikuma ha Mbimbiliya, oloze Ngwafwelela Yesu ahajikile echi, ‘Mu Lijina Lyami vakiko navakatapula va liyavolo.’” Nguli . . .

277 Kaha Wayne apwile nanyowo, chindende, kaha natwame haze, ali nakutala. Talenu? Shikaho Ngwambile ngwami, “Jino, liyavolo, Ngunahono kutachikiza ove yove hiya, oloze Nguli nakukulweka jino, uno napu lyehi ndumbwami wapwevo, kaha ove kaweshi cheka namulimo naikiyeko wakumukwachila. Ikiye katondanga kulinga ngachizeko. Ikiye emananga munyutu kaha.” Hakiko haze ikiye aluwisanga, chipwethuhu. Ngwambile ngwami, “Oloze ove uli nakuya nakulovoka nakufuma muli ikiye. Uli nakungwivwulila?”

278 Kaha shikaho ngukafweko, Kalunga, halitanda lya Kusopesa, kutachikiza. Chize chikolo cha chivanjilo kuputuka kusokoloka na kulisoka, chivene. “Wetetete, wetetete,” kuze kuchikolo. “Ngungu, ngoongo, ngoongo.” Ngwashinganyekele.

Kaha ikiye ngwenyi, “Bill, talako. Talako.”

Kaha Ngwambile ngwami, “Yaah. Chuma muka echi?”

Ikiye ngwenyi, “Ngunahono kutachikiza.”

Ngwambile ngwami, “Chipwe na Yami nawa.”

279 Kaha chikolo chayile “wetetete ndwa, ndwaa,” kusokeka ngachize. Ngwashinganyekele, “Ukalu uka hano? Ukalu uka?”

280 Ngwatalile cheka, nge *ngana*. Kaha Ngwambile ngwami, “Museze, Satana! Mu Lijina lya Yesu, lovoka muli ikiye!”

281 Omwo Ngwahanjikile ngocho, chasolokele nge kafukufuku wamunene, pamo nge *ngana* mukusuwa, akutukile nakufuma kunyima yenyi, na jikambu jajisuku jakufuma kumavava enyi mbwe nakumahinji, nge *ngana*. Apwile nakuya, “Shuuuuu.” Aputukile kwiza kuli yami, na ngolo josena.

282 Ngwambile ngwami, “Ove Mwata Kalunga, Manyinga a Yesu Kulishitu angukinge yami kufuma kuli echi.”

283 Kaha Wayne atumbukile muze mukahela, nakutala. Kaha mukiko chapwile, nge muvwimbimbi waunene, kujinguluka,

kaha wayile helu na kushikumuka hamavu kuyima ya kahela. Wayne Afumine mukahela, nakuya mukapete kakwavo, na ngolo josena nge omu ahashile. Shikaho etu . . .

²⁸⁴ Ngwamumbachile Nellie na kumutwala kwimbo. Kaha ngwakindulukile, kaha Ngwahonene . . .

²⁸⁵ Mama ayile muze na kunyikisa hamashishivete na vyosena. Haze kahapwile numba chuma chimwe muze mukahelako. Chuma muka chize? Liyavolo amufumine. Chapwile ngachilihi? Ikiye emanyine chindende. [Ndumbu walunga Branham kungongomweza ha kamenga kapapa kavali—Muka.] Mukiko kaha.

²⁸⁶ Kanda kwimanako, mukiko kaha. Nge Kalunga najimika Lizu Lyenyi mumuchima wenyi, mbata kaha poko yauvela kuvali na kuputuka kutete na kuvatula. Haleluya!

²⁸⁷ “Kangweshi na lwola lwakuvandamina kala chumako. Shina kuzauka nakuya, Kangweshi na lwola numba lwakutwama hamavu.”

²⁸⁸ Ikiye ngwenyi, “Chamwaza, kaha mbata mukombo wami na kuhaka hali uze kemba. Kaha kachi kalamuthu mwahanjika kuli ove, kanda kuhanjika kuli vakikoko.”

²⁸⁹ Kachi liyavolo mwahanjika, “Hee, unatachikiza omwo uli nakwivwa?” Kanda numba kuhanjika kuli ikiyeko. Twalilaho kuya.

²⁹⁰ Liyavolo, unatachikiza, liyavolo ngwenyi, “Oloze unatachikiza tahi? Munatachikiza, *Munganji mukananga*, omwo vakiko vatambwile Shipilitu Wajila, unanuka vakiko—vakiko vahetele vakuhona nge kulumbunuka.” Kanda numba kuhanjika kuli ikiye. Twalilaho kuya. Munahono kutachikiza hali echi *Munganji mukananga*.

²⁹¹ Chili na ove na Kalunga. Echi chakwoloka. Twama na Kalunga. Ikiye eji kuwavisa vangamba Jenyi. Ngwatela kuzangula. Kalunga eji kuwavisa vangamba Jenyi. Talenu?

²⁹² Jino Ngwatela kutumbuka vyavindende vimwe ngwasonekanga hano, oloze Ngunatondo kuhanjika echi. Hano, jino ivwulilenu, chikuma.

²⁹³ Pwevo wamundende wakalemesa, jino ivwulila chikuma. [Ndumbu walunga Branham kuhanjika cheka kuli uze ndumbu wapwevo wakuviza—Muka.]

²⁹⁴ Hano jino etu tuli nakumona mingalato ya liyavolo. Natulinga ngachilihi? Jino, Ngukwechi visoneka vyavivulu hano, vya tupolofweto na vyuma, muze ikiye ejile kuli vakiko, na vathu vakuhandunuka kuhichila mu Mbimbiliya, na kulinga chuma chochimwe. Ou unapu lwola lwosena mungalato wenyi, kweseka kulingisa vathu kuzeneka kufwelela Lizu lya Kalunga. Ivwulilenu, enu maswalale va kulusu. Nge namuhona kufwelela

Lizu limwe lya Kalunga lya kusoneka mu Mbimbiliya, kaha ove vanakufumisa vitwa.

²⁹⁵ Fwelela echi, uchi wami? [Ndumbu walunga Branham kuhanjika cheka kuli ndumbu wapwevo wakuviza—Muka.]

²⁹⁶ Ove vanakufumisa vitwa. Ove lihane, ove ishi wamizelele. Vwala vitwa vya Kalunga. Amena. Etu tuli mujita. Mwosena omwo ahanjikile Kalunga mwamuchano. “Kala lizu lya muthu lya makuli.” Talenu? Oloze omwo vene enu...mwamilingisa kwivwulila kuchuma chimwe, ou ukiko mungalato wenyi, kaha ove vanakuzulu vitwa.

²⁹⁷ Vyuma vingahi apwile navyo Eva mangana ewvulileko? Chimwe. Ikiye vamuzulile haze vene. Chuma muka liyavolo alingile? Kwingila haze vene muwongo wenyi, na mushipilitu yenyi, kaha haze vene vamuchongonwene. Echi cha kwoloka? Ikiye vamuchongonwene haze ha munyutu uze ikiye vamuzulile, omwo ikiye azenekele kufwelela Lizu lya Kalunga. Chosena chakwoloka. Hano jino etu tunamono mingalato yenyi.

²⁹⁸ Maswalale ja Kalunga vanavalweke “Kuvwala vitwa vya Kalunga vyosena.” Echi chakwoloka? [Chikungulwilo ngwacho, “Amena.”—Muka.] Jino, kachi enu mwatondo kusoneka echi chisoneka, chili mu Efwesu 6:10 na 13. Talenu? Etu twachitanganga hanyima thuhu. Echi chinapu kutanga chetu. Chosena chakwoloka. Tachikizenu. “Vwala vitwa vyosena vya Kalunga.” Echa...Muli na minyutu yayindene? [“Amena.”] Echa tuyenu kunyima mumunyutu kaha. Echa kaha tutalenu vitwa vya Kalunga vika. Chosena chakwoloka. Echa tuputukilenu ha vasi 10. Jino, ivwulilenu chikuma jino. Echa tuwanenu vitwa vyosena vya Kalunga. “Mukukulula, vandumbwami...” Jino, Ngunatachikiza Nguli nakuya... Nguli...

²⁹⁹ Tuli na twende minyutu, hano vene, nakuheta ha twolufu, haze vene. Ngu—Ngunahono kutachikiza...Kangwazangile kuminangula nakutwalilaho, lelo, oloze Nguna—Ngunahase kupwa na pamo na Mujimbu umwe palanga nomu Nangupwa na mishipilili ya munonga, munamono.

³⁰⁰ Kaha munatachikiza tahi? Munatachikiza ika Nguli nakulingila echi? Nanguya nakumilweka. Likumbi likwavo Ngwapwile na chilota. Kangweshi kuya nakuchambululako, oloze chili muwongo wami. Ngunhase vene kuchilinga, hanyima ya Mwata kunguhana ulumbunuiso.

³⁰¹ Ngwalotele nge Nguli nakutonda kuzauka kalwiji wamunene, kuya mumulimo. Kaha jino, chatete, Ngwakandukile muze na puwami...

³⁰² Kaha vangahi vatachikiza George Smith, Smith wamuchitanu nalimwe wamuchivali, muno mumbaka? George Smith, mwananeyi atwama muupokola muno. Ikiye, George, apwa muka kunwa wala jino. Oloze ikiye apwile umwe hali

vakakuzunga vamwaza. Ikiye apwile umwe uze angulongesele, shimbu kanda kuya ku Y.M.C.A. na kwosena. Ikiye apwilenga nakutulongesa. Kaha ikiye apwile wakuzangula, kuzangula vene. Ikiye apwile keshi wamulemu chikumako, shina handulendi na fwote faifi paundi. Kaha ikiye angulongesele. Kaha apwilenga nakwimana haze, kaha ikiye ahashilenga kwimika vipundo, nge *ngana*, na kunguveta vene mujimo, nakungukatula nakushindakana hambango, talenu, oloze, kaha chize kachanguhonesele yamiko. Ikiye angulongesele kaha, kakwapwile numba chuma chimweko shina kulongesa kaha.

³⁰³ Kaha jino Ngwa—Ngwalotele, ufuku ukwavo, nge Ngwamono wamuchitanu naumwe wakushisa muli Smith. Jino, kachapwile chimwenoko. Echi chapwile chilota. Kaha Ngwamwene wamuchitanu naumwe wakushisa muli Smith, kamukweze kwiza mukungufumbukila, mukuzunga. Kaha ikiye, uze lunga wamwaka, pamo, mamalelo, Ngwashingtonyeka... Nguli fwote tu. Ikiye pamo fifite eyiti, sikisite. Kakwapwile numba vene vakweze jamalungako vakumuhasa ikiyeko, mukala jila. Ikiye avakashilenga mulihunda kaha, nge *ngana*, kuvasavalika hamavu nakuvashindakana na mavoko eyi.

³⁰⁴ Kaha Ngwashingtonyeyekele, “Echi chakulikomokela.” Ngwashingtonyeyekele puwami apwile nayami, kaha Ngwambile ngwami, “Echi chakulikomokela.” Ngwambile ngwami, “Unatachikiza tahi, Meda? Ikiye apwilenga mukakungulongesa.”

Ikiye ngwenyi, “Ngu—Ngunanuka, ove wangulwekele echi.”

³⁰⁵ Ngwambile ngwami, “Eyo, mwane. Na kulongesa chenyi chamwaza, Ngwatapile kuzunga chakuheta ku fifiteni chavakulinangula, na kwecha chize—chize kusekasana; nakunagula Mujimbu wamwaza.”

³⁰⁶ Haze vene chalumukile, kaha Ngwaputukile kuzauka aze—aze meya. Oloze omwo ngwapwile nakuya, Ngwapwile nakuya na wato walikina. Ngwatalile kuze, kaha kwapwile vandumbwami vavali vanatwame kuze, mu wato, vakulizanga kuya hamwe nayami. Ngwambile ngwami, “Enu kamweshi kuhasa kulinga ngachizeko, vandumbwami. Huu-uh. Ngwatela kuya ukawami.”

³⁰⁷ Kaha uze nyamutekenya wa wato ejile, kaha ngwenyi, “Wato wove uno,” wato utoma wamwenene wandundu.

Ngwambile ngwami, “Naw. Huu-uh. Keshi ouko.”

³⁰⁸ Ikiye ngwenyi, “Chamwaza, ove kaweshi kuhasa kulaha nawoko *ngana*, fifite milosi muola yimwe.”

Ngwambile ngwami, “Oloze Ngwatela kuzauka *mu* jila kana.” Talenu?

“Chamwaza,” ikiye ngwenyi, “yako *navaze* vakweze.”

309 Ngwambile ngwami, “Vakiko kaveshi va nyamutekeyako. Vakiko kavatachikiza kanawako. Vakiko vali kaha vakufwila. Vakiko kaveshi kuhasa kuwasako. Vakiko vosena vavali navavomba vene muze. Vakiko kaveshi kuhasa kuchilingako.”

Kaha ikiye ngwenyi, “Ove . . . unahase kufwelela . . . ?”

310 Ngwambile ngwami, “Ivwulila, Ngwa—Ngwatachikiza chikuma hamato kuhambakana vakiko, kaha Kangweshi kuhasa kweseka kuwasa nachizeko, na muyachi wavyuma vautunga nacho.” Ngwambile ngwami, “Nachitondeka wato walikina numba kuzawuka.” Ngwambile ngwami, “Nachimbata chuma chimwe chachinene kuhambakana echi.”

311 Kaha Ngwamumwene ikiye kutala nakujinguluka, kuli umwe hali vaze vandumbwami, kaha ngwenyi, “Ove wapwa nyamutekenya wa wato?”

Va vaze vandumbwami ngwavo, “Eyo.” Talenu?

Ngwambile ngwami, “Echi chakuhenga.”

312 Kaha uze nyamutekenya wato akindulukile. Ikiye ngwenyi, “Nangumilweka mwakulingila.” Ngwenyi, “Vakiko vakuzanga ove. Vakiko vakufwelela ove. Oloze,” ngwenyi, “kachi ove mweseka kuzawuka kuzachisa wato walikina, vakiko naveseka kukukavangiza ove mumato. Vakiko vosena vavali navafwa, talenu.” Ngwenyi, “Vakiko kaveshi kuhasa kukukavangiza oveko.”

Kaha Ngwambile ngwami, “Chamwaza, kumana Ngwatela kulinga muka?”

313 Kaha ou nyamutekenya wawato haze hakuvuwila, ngwenyi, “Ove kinduluka nakuya *kuze*.” Ngwenyi, “Kuli kaha zuvo yakutulikila yimwe yayindende muno mulifuchi lyosena, zuvo yakutulikila yimwe yayindende. Kaha muli kulisala chavyosena,” ngwenyi, “kaha vakiko navaya nakutwama hano. Vakiko navaya—vakiko navaya nakutwama hano shimbu yayindende shimbu ove unayi. Oloze,” ngwenyi, “ove watela kuhakamo vyosena vinatondeka.”

314 Kaha Ngwapwile kutambula vyakufwana nge makovwa, na mahapwa, na jitamba, na vyuma vikwavo, kuvilumbika ngachize. Kahajino Ngwahindikile.

315 Ngwahonene kutachikiza omwo chapwile, oloze Ngunatachikiza jino. Talenu, etu tuli muvyakulisala, vandumbwami. Echi chikiko kuyoya mwatela kamo ukawove.

316 Leo, anuka chize chilota chize wapwile nacho lwola luze omwo wejile chatete kuno? [Ndumbu walunga Leo Mercier ngwenyi “Amena.”—Muka.] Ha chize chivili, kaha ove washinganyekele nge watela kwiza kuno. Ngwambile ngwami, “Leo, kakweshi muthu mweza hanoko. Kalunga ikiye atela kuhaka muthu hano. Ove wanyinyine jiseteko jauthu josena jize jatela kujinyina.” Ngwambile ngwami, “Ove kaweshi

kuhasa kwiza hanoko, Leo. Talenu? Kinduluka kaha shikumuka. Valweke kaha vathu nge echi chinafumu kuli Kalunga.” Talenu? Talenu?

³¹⁷ Echi hichuma chimwe enu—enu kamweshi kuhasa kundaminako, chochimwe nge na vandumbwetu na vamaapwevo, na liuka lyami na vyuma vyosena, na chochimwe namauka akwavo, na vandumbwetu, kwosena.

³¹⁸ Jino, Kangweshi kuhasa kufuma kuliuka kunoko. Muthumwe ngwenyi, “Chamwaza, mwomwoika enu mweji kuyanga nava vathu, ava Vatulunga vatatu, na vyosena *evi*, *vize*, na *vikwavo*, na va Waninesi, na Lijina Iya Yesu, na vaze vosena vali kuze? Mwomwoika ove uli nakulifutula navakiko, vosena?” Vakiko vapwa vami. Numbathuhu kala vyosena ovyo vakiko vanalingi, vakiko vapwa vami. Vakiko vapwa kamenga kami.

³¹⁹ Nge Isalele vanalingi chuma chachipi, palanga nomu Kalunga alwekele Mose, ngwenyi, “Lihandunune ove lyavene. Nanguputuka mwamuhya—muyachi wauhya na yove.”

³²⁰ Mose alimbilikle lyavene mujila, ngwenyi, “Shimbu kanda Ove uvajihe, jiha yami.”

³²¹ Numbathuhu mwosena omwo vakiko valingile, kukiko vangutumine Yami. Ikiye atumine Kumunyika, keshi mangana umwinyike kuze kuli Kumunyika. Shina kuze kuli milimo, kukiko Kumunyika chatela kupwa. Kaha ove watela kupwa hamwe na vathu. Ove watela kwimana na vakiko, chipwe chipwengachili, mwatela kupwa, mukuhenga chavo.

³²² Isalale vapwile mukuhenga nge kuhenga omwo chapwa. Vakiko vapwile mukuhenga palanga nomu Kalunga avasele. Oloze, Mose, Ngunapunga lwola lwosena wakulikomokela omwo chize chejile, oloze Shipilitu wa Kulishitu kupwa muli Mose. Talenu?

³²³ Talenu, etu tuvosena twapwa vakuhenga. Ikiye emanyinyineko etu vosena omwo twapwile mukuhenga.

³²⁴ Numbathuhu vahengele ngachilihi, kanda natuzeneka kulikatako mokomoko kulihandununa etu lyavene nakala chuma. Chachikalu nge natuhasa kungalanyako mwono umwe, echa tuyenga nechii “vakuzangama nge linoka, va kuzeneka ulembe nge katela,” talenu, na kweseka kungalanya kala mwono uze tunahase.

³²⁵ Jino, echi chikiko Nguli nakweseka kuhanjika chino chimene, shina kutulika Kulya. Kutulika Kulya, mangana enu mupwenga na vyuma vimwe vyakulya, mangana enu mupwenga na vyuma vimwe hakupwila na chilika. Limbachile Echi hajitepu jenu. Twama mukapete mwakuunda. Pamo, omwo Nangukapwa pamo ngunayi lyehi, enu munahase kaya nakwanuka vyua kana kupwa muchano. Twama mukapete

kove na kwivwulila. Talenu? Kaha echi kulya, tuli nakutulika, mu chisete. Ngunahono kutachikiza lwola muka naukapwa ou ungeji. Oloze, kala kwosena okwo, Ikiye natachikiza okwo ali Ikiye nakutwaminyina; Kangweshi na. Nguli kaha nakukavangiza.

³²⁶ Jino, chuma muka ikiye ahanjikile hano jino? Ivwilila kanawa.

Hakukumisa, vandumbwami, zamikenunga mungolo muli Mwata, na mutwima jaundume wenyi.

...zamikenunga...mungolo jaundume wenyi.

Vwalenu vyuma vyajita vya kuli Kalunga vyosena, mangana enu muhasenga kwimanyina kulunguluka cha liyavolo.

Mwomwo kulipika chetu katweshi nakulipika nava vakwechi nyama na manyinga,...

Kwasa mitelembi na kuvatula na jipoko, talenu, keshi ngochoko.

...oloze na mawangana, navakangolo, navakakwononona...vaka mavu va mumilima yino,...

³²⁷ “Vaze vakakuyula milima.” Ava vayula kaye? Ou liyavolo. Punduvene. Ikiye ali nakulingisa vyuma vyosena kuya nge omu vili, vyosena evi vya kuzeneka kumukomoka kalunga viliko, kwosena kuno, nawa mafulumende, na vyangocho? Ali kaha liyavolo. Eyi Mbimbiliya yahanjika ngocho. Ou liyavolo eji kutwaminyinga United States. Ou liyavolo eji kutwaminyina Germany. Ou liyavolo eji kutwaminyina kala lifuchi muno mukaye. Nguli nakwiza kuli echi, muminyutu yayindende kaha, kaha natuya nakuwana nge ikiye eji kulingangamo, mokomoko nduma. Nge. . .Kala Wangana wapwileko naukapwako, palanga nomu Kalunga mwakajika wangana Wenyi, osena oholyapwa vali nakuwatwaminyina kuli liyavolo.

³²⁸ Kangweshi nakwamba kalamuthuko alimo nge napu liyavoloko, jino. Kuli vathu vakakumukomoka kalunga mu—mu jiuwishi ja fulumende.

³²⁹ Kuli nakuya nakupwa umwe muno mumaufuku amandende, hano vene, kusolola chifwanyisa hano ali hamwe na Ndumbu walunga Arganbright, hano ha chihela. Ikiye ikiye napunga mukakwimanyinako fulumende muli vakolokoko vakuhandunuka handunuka pamo vatanu, Ndumbu walunga Rowe. Kaha ikiye ali...Ikiye mwaya nakupwa muno, Ngwashingtonyeka chinapu jino mulunga wamuchivali mu Kambambanalisa. Ndumbu walunga Neville mwaya nakuvilika echi. Kaha ikiye apwa muthu wamwaza.

³³⁰ Ikiye ngwenyi nahase kuhanjika mumalimi akuhandunuka handunuka akuheta mu eyiti, Ngwafwelela. Oloze omwo

atambwile Shipilitu Wajila, ikiye kapwile numba na kala lilimiko ahashile kuhnjika nalyo kuli Mwata ko, shikaho Mwata amuhanyine kaha limwe, ikiye ngwenyi, shikaho ahanjike na Ikiye nalize limwe kaha. Kumuhana limwe lya lihya, lize kanda lyehi alilongeseho lyehi. Chosena chakwoloka.

. . . shipilitu vakuhuka vali mumelu.

Shikaho . . .

331 Jino ivwulilenu, enu maswalale vosena jino, shimbu kanda tuputuke kulombelela mukana.

. . . litambwilenu ove lyavene . . . enu vavene (v-y-o-s-e-n-a) vyosena (keshi chihanda kahako) . . . vyuma vya jita vya kuli Kalunga, mangana enu mukahase kuvemanyina ha likumbi lyalipi, . . .

Eli likiko likumbi etu etu tuli nakuyoyela.

. . . kahomu munalingi lyehi vyosena, hikwimana mbe.

Hikwimana . . .

332 Amena. Tambulenu chize? Talenu, uchi wami? [Ndumbu walunga Branham kuhanjika cheka kuli ndumbu wapwevo wakuviza—Muka.] Nge ove unalingi vyosena watela kulinga, hikwimana, kahajino hikwimana. Kanda kutambukako.

Shikaho imanenunga, mwalijichika lyehi muhya . . .

333 Ivwulilenu hali echi. ivwulilenu hano, chuma muka echi. “Mihya yenu.” Echi chikiko chihanda cha pindakachi, hano, talenu.

. . . wamuchano mujimbunda jenyi, . . .

334 Muchano chuma Muka? Eli Lizu lya Kalunga. Echi chakwoloka. “Lizu Lyove linapu Muchano.” Chosena chakwoloka.

. . . mwawala lyehi chipwiko chachikungo chikiko kwoloka hajitulo jenu;

335 Chikiko, “Linga chinoloka.” Ukwechi Lizu lya Kalunga muli enu, kulinga mwakwoloka. “chipwiko chachikungo chakwoloka hatulo.”

Mwawala lyehi mendelo akutwala mujimbu wamwaza wakuunda kumahinji enu;

336 Yako kala kwosena, kala chihela, kala lwola, mwawala lyehi mendelo akutwala Mujimbu wamwaza. Talenu? Kaha tala:

Kaha muvyuma vyosena, muvyuma vyosena evi, mbatenu lukepwe lwa kufwelela, . . .

337 Echi chikiko cheji kumbilanga hamavu matongo, talenu, “Elu lukepwe lwa kufwelela.”

. . . namuhasa kujima matongo ayauze wamupi akakahya osena.

Kaha tambulenu nawa litepa lya chikungo lya ulwilo, . . .

338 Ou ukiko mwono . . . Ou wongo—ou wongo, *muno*, ou mutwe; weji kufwika mutwe.

. . . na eyi—na eyi poko ya Shipilitu yamukwale, akiko mazu a Kalunga:

339 Nauya ngachilihi na kwecha eli litepa, chuma muka lyeji kuzatanga? Echi chinapu kukingiwa. Lize litepa valitunga naka? Unengu. Unengu kaveshi kuhasa numba kuukwatako; wakukola, kukola kuhambakana chikungo. Litepa lya unengu, (chuma muka?) ulwilo, chinyingi cha kutachikiza echi, “Kaha kuka chami chafuma kuli Kalunga. Ulwilo wami wafuma kuli Kalunga. Kupwa chami cheji kwendela hamwe na Lizu Lyenyi, keshi na maukako’ chishinganyeka; eli Lizu!” Amena. Yenu haze vene. Vakufwika helu, na kukingiwa, litepa lya ulwilo, kusokoka. Mbatenu echi, kahajino yenu nakufwola nakuya kulutwe. Mamalelo, jino, jino omu mukiko twatela kulinga. Satana maswalale. . .

340 Jino tala, jino, etu . . . Nguli kaha mulumbushi, oloze Ngu—Ngukwechi kumbata echi nakwingisa.

341 Satana na maswalale veji kuneha misongo. Mukiko apwa Satana, ikiye apwa mukakwenyeka. Satana, wangana wosena wa Satana, wapwa kuviza, kufwa, na kulishona, na kulinyengetela, na kulizakamina, vyosena vyapwa hali Satana.

Kalunga apwa Kuyoya, lufwelelo, kuwahilila, kuunda, vyosena *hano*. Talenu?

342 Jino, eji jikiko jingolo jivali jili nakwiza hamwe jino. Vakiko vali nakuzunga. Vakiko vali nakuzungisa muno vene muzuvo hano vene. Vakiko vejikuzunga, likumbi hilikumbi, nayove, kala ngolo.

343 Satana, kukukavangiza lika, uze unene, kutohwa, kulisolola nge mwangana, kapilishitu Ngolyate kweseka kuvwisa woma wakufumisa lisuli muli ove. Ikiye ali wakwoloka, oloze Kalunga. . .

344 Ove uli wakukingiwa, amena, na Mujimbu wamwaza, na Lizu lya Muchano kujinguluka mbunda yove. Upahu! Mukakunangula, chikiko kaha chuma. Litepa lya ulwilo; na lukepwe lwa lufwelelo; na Poko yauvele kuvali, Eli na kuhelenganya mulivoko lyove! “Satana, Nguli nakwiza nakulihumangana nove. Ove muya nakuliwana na yami mulijina lya sayasi. Ove muya nakulihumangana na yami mulijina lya—lya chisemwa. Ove mulihumangana yami mulijina lya chikungulwilo. Ove mulihumangana na yami mulijina lya *echi*, *chize*, mokomoko chize *chikwavo*. Oloze Nguli na kulihumangana na yove mulijina lya Mwata Kalunga wa Isalele. Ngulinakwiza kuli ove. Fuma mujila!” Chipwe kufwa chivene

kacheshi kuhasako kwimana kuze. Tuva wina nakuhita muze vene. Echi chakwoloka.

345 Maswalale va satana veji kuneha misongo, kaha maswalale ja Kalunga vavatuma kuvatapula. Amena. Yenu haze vene. Lwola lwosena Satana eji kumbila kala, hali enu, Maswalale ja Kalunga veji kumutapulanga. Amena. Kumutapula!

346 Eyi ikiko Jila Kalunga azachishile. Satana azachishilenga maswalale vakwenyeka, mangana muzeneke kufwelela Lizu lya Kalunga, na kulihakila wangana wambwende kuhambakana uze apwilenga nawo Mikaye, kaha Kalunga amutapwile.

347 Kalunga jijila jenyi, jili, kutapula upi. Kutapula nakushikumwisa kujinuoka. Kutapula nakushikumwisa kulizezula. Kutapula nakushikumwisa kulizakamina. Kutapula nakushikumwisa misongo. Kutapula nakushikumwisa shili. Amena. Ove uli helu lya echi, kusanguka muli Kulishitu Yesu, mwatwama muvihela vya Mumelu, na kala liyavolo mwishi ya vilyachilo vyenu. Kachi ikiye mwapatuka kututumuna mutwe wenyi muze, ika . . .

348 Munatachikiza, ove unafu. Chiyoyelo chove vachisweka. *Kufwa* chuma muka? Ove uli wakufwa kuvishinganyeka vyove. Ove uli wakufwa kuchivezu chove. Uthu wove lyavene nauya nakuhanjika, “Eyo, Ngwashinganyeka Ngwa . . .” *Kufwa* kukujinuoka chove. *Kufwa* kuvyuma vyosena evi. Kaha ove vakufunda mu Lijina lya Yesu Kulishitu; na kusanguka hamwe na Ikiye. Kaha kwosena okwo ali Ikiye, kukiko muli nayenu nawa.

349 Na chisoloka ngachilihi nge vakiko, umwe hali vakiko vakakukakasana, kuya Mwilu? Kalunga mwakamutapulamo. Kaha Ikiye ngwenyi mwakahanjika kuli maswalale vase vanasanguka muli Kulishitu? “Nge liyavolo mweza, mutapule. Mutapule.” Omwo Yesu alongesele maswalale Jenyi, na kuvatuma swi nakusongo kaye, “Yenunga kukaye kwosena, kanangulenu Mujimbu wamwaza kuli tengeso yosena. Wosena mwafwelela na kumujimika navamulwila; wosena mwakana kufwelela navakamupaisa. Kaha evi vinjikizo navikavakangiza vakufwelela, Maswalale jami. Mu Lijina Lyami vakiko navakatapulanga maliyavolo; na kuhanjika malimi amahya; kukwata manoka, mokomoko kunwana vyuma vya kufwa, kavyeshi kuvakolesako; kachi vakiko navahaka mavoko avo hali vakakuviza, navakaya nakuyoya.”

Vakuya kulutwe, maswalale Vaukulishitu!

Kufwola nge mujita,

Na kulusu ya Yesu

Kuya nakulivangaho lyehi.

350 “Vangusukika hamwe na Ikiye, chipwengocho Ngwayoya; keshi yamiko ngwayoya, oloze Ikiye ayoya muli yami.” Eli Lizu

kutwalilaho, shimbu kanda, Kalunga kuvatula, na Poko Yenyi yauvela kuvali.

³⁵¹ Kahajino, shikangaho, omwo Grant ambachile Richmond, kaha uze pwevo wamundende wakumulauko amwene Grant apwile nakwiza, chize kuhizumuka chamukwachile. Kaha ikiye ngwenyi:

Meso ami anamono upahu kwiza cha Mwata;
 Ikiye ali nakulyata muchambwa muze vatulika
 mihako nautenu;
 Ikiye ajimbalisa muveso waunene na poku
 Yenyi yakulitulaho;
 Vakajita jenyi vali nakufwola nakutwalilaho.

³⁵² Amena. Mujila muka Grant ambachile Richmond? Nge omu ikiye ejile kuli chize. Amena. Omu mukiko ambachile Richmond.

³⁵³ Omu mukiko maswalale ja Kalunga veji kumbatanga shili, misongo; mukiko kaha nge muze vakiko veji kuli chize. Amena. Eyi ikiko jila vakiko vahashilenga kukakasa chavo, kaha woma, na vyuma vimwe. Nge umwe mwakatuka, mangana vakiko vamutuvile. “Fuma na kulovoka mujila!” Mamalelo, Yami! Mukiko kaha. Kalunga avatapwile, nge omu Ikiye achilingile Mwilu. Mwangana wa Tupitawu Wetu wamunene achisolwele omwo vachilingile. Amena.

³⁵⁴ Roy Roberson na Ndumbu walunga Funk, vavavulu muli enu venyembo muno, enu munatachikiza kapitawu wamwene.

³⁵⁵ Lwola lumwe Ngwa...ou wamundende Jeffersonville fire department kuno. Pfau chakwachile kakahya. Kaha apwile muno mu Jeffersonville omu fire department kwimana hano, kaha kapitwu atambukile nakumujinguluka, ngwenyi, “Kupamba chindende meya chindende *muno*.” “Sp-sp-sp-sp,” nge uze mupila wamundende muno. Omu ejile Clarksville kuno, “Kupamba meya chindende *kuno*.” “Sp-sp-sp.” zuvo ya Pfu vayochele yosena.

³⁵⁶ Vakiko vasanyikile kufuma ku Louisville. Vejile malunga vakulongesa lyehi. Mamalelo, omwo vakiko vapwile na ize ngezo kusali kuze!

³⁵⁷ Kaha hano ou mwangana wa tupitawu apwile kuno, wakuze ku fire department, ngwenyi, “Kupamba chindende meya *kuno*. Kupamba meya chindende *kuno*.” Malunga vakuhona kulongesa.

³⁵⁸ Ndumbu walunga, haze vene ize eyinjine yemanyine, uze apwile kumutwe wa ize ladder? Uze kapitawu. Omwo ize ladder yayile, ikiye ayile nacho. Omwo ikiye avetele ha janena, ikiye kahashile kuhetahoko. Ikiye akwachile ngimbu na kuyasa kuhichila mu janena, kaha ngwenyi, “Twaya jino, vanyike vamaalunga.” Kaha kakahya kalovokela, mu minyutu yayindende. Uze kapitawu!

359 Keshi kapitawuko, ngwenyi, “Pamba meya amandende *hano*. Eseka chindende *hano*.”

360 Oloze, “Twaya kuno, vanyike vamaalunga!” Amena. Ikiye atwaminyinyine jila. Ikiye atulwezele omwo chatela kupwa.

361 Ngwashinganyekele, “Uze wakulongesa kanawa waku fire department, vakiko vahashile kujima kaze kakahya mu minyutu kaha.” Mwomwoika? Vakiko vapwile na kapitawu kuze uze atachikijile apwilenga nakulinga.

362 Ndumbu walunga, hanjika hali chize kutanga chauthu wazanga. Vikungulwilo vya kutunga kuvathu, mazavu enu: Hemenu navyo.

Ngukwechi Mwangana wa Tupitawu uze angulwekele mwakulingila.

Hanjika, “Chamwaza, kachi Ngunahase kunuka echi, kwivwa echi.” Mamalelo, chakuzeneka mangana!

363 *Hano* hakiko hali jila ya Mwangana wa Tupitawu achihanjikile nge chinalingika, mu Luka kapetulu 4. Kangweshi na lwola lwakutangako. Tangangu, enu vavene. Chosena chakwoloka. Luka kapetulu 4, kuputukila ha vasi ya 1.

364 Ikiye kahanjikile ngwenyi, “Jino Nanguya nakumilweka. Enu yenu *kuze* kaha enu namukatunga lizavu lyalinene. Enu namukapwa na vakulwane, na vakakuzata muliuka, kaha mokomoko kupwa nava cardinals, na mambishopu, kaha enu namumbata *evi*.” Ikiye kahanjikile ngachizeko.

365 Omwo Satana aliwanyine na Ikiye, ikiye ngwenyi, “Jino Ove uli na zala. Alumuna awa malolwa kupwa mbolo.”

Ikiye ngwenyi, “Echi vachisoneka . . .”

366 Ikiye ngwenyi, “Helu haze, etu natuya nakukumbata Ove helu haze na kukulweka Ove chumachimwe.”

“Oloze echi vachisoneka . . .”

“Nanguya nakulinga *echi*, kachi Ove muchilinga.”

“Echi vachisoneka . . .”

367 Omu mukiko uze Mwangana wa Tupitawu ahanjikile nge chinalingika. Chinalingika ngachilihi, ndumbu wapwevo? “Echi vanachisoneka, ‘Kachi vakiko navakahaka mavoko hali vakakuviza, vakiko navakaya nakuyoya.’” “Echi vachisoneka, ‘Ma Lijina Lyami vakiko navakatapula maliyavolo.’” Amena. Chuma muka echi? “Echi vachisoneka!” Echi chikiko chiyulo Kapitawu. “Echi vachisoneka, ‘Wosena mwewwa Mazu Ami na kufwelela Ikiye uze angutumine Yami, ali na Kuyoya cha Hayamyaka na myaka.’ Echi vachisoneka! Echi vachisoneka! Echi vachisoneka!” Chikiko—chikiko chiyulo. Uze ikiye liswalale. Eyi ikiko jila. Evi vikiko vitwa vyavinene vikiko vyeji kututambukisanga.

368 Chuma muka ikiye alingile? Ikiye atambukile haze vene, kuli Ngolyate. Ikiye asolwele. . . Ndavichi asolwele Ngachilihi omwo liswalale atela kulinga? Ndavichi asolwele ngachilihi kuli va Isalele omwo chatela kulingika? *Ndavichi* kulumbununa “wakuzanga, mulwilo.” Talenu? Ndavichi achilingile ngachilihi? Ikiye ngwenyi, “Omu mukiko mujila mwakuchilingila. Fwelela mu Lizu lya Mwata.”

369 Kaha Ngolyate alovokele, ngwenyi, “Watachikiza ika? Nanguya na kukumbata kusongo ya likunga, kaha Nanguya nakulingisa kupwa kulya chatujila.”

370 Ikiye ngwenyi, “Ove muya nakuliwana na yami na lizavu. Ove muya nakuliwana nayami nge sayatisiti walelo. Ove muya nakuliwana na yami na poko yove yayisuku kaha yayinene. Ove muya nakuliwana na yami na litepa lya unengu, kaha na chihanda cha lukepwe luze kangweshi numba kuhasa kuzundula nakufumisa hamavu. Ove nakuliwana yami na kulilongesa cha uswalale. Ove muya nakuliwana nayami na Ph.D., na L.L.D., na kufutula -L.D. Ove uli nakuliwana na yami muvyuma vyosena evi. Oloze Ngulinakwiza mu Lijina lya Mwata Kalunga wava Isalele, kaha lelo Nanguya nakuvatula mutwe wove kufuma kumahyove.” Amena. Kaze kakandende nge kaukumba kali nakwiza nakufumbukila uze chindume, oloze ikiye atachikijile oho emanyinyine.

Isalele, kundende kunyima kuze vapwile, “Mamalelo, mukweze wamundende wakuhutwa.”

Ngolyate ngwenyi, “Nanguya nakukulweka omu Nanguya nakulinga.” Kaha nomu ejile.

371 Ikiye apwile na l-u-f-w-e-l-e-l-o, talenu, m-u-l-i Y-e-s-u, malolwa atanu, malolwa atanu. Lilolwa lyalindende muze, kuputuka nalyo. Kulihwingisa nakujuingulwisa ngachize, Shipilitu Wajila akwachile lize lilolwa, kaha lyayile. Ngolyate aholokele hamavu. Omu mukiko mujila mwakulingila.

372 Omu mukiko mujila Yesu ahanjikile, omu mukiko Ahanjikile. “Jino, kachi enu vandumbwami muli nakuya muwande, kachi enu munatondo kutachikiza mwakuhashila awa maliyavolo, Nanguya nakumulweka enu mwakulingila.”

373 Satana ngwenyi, “Nanguya nakukuwana.” Ngolyate, “Nanguya nakukulweka Ove omu Nanguya nakulinga. Ove uli nazala. Kachi Ove wapwa Mwana Kalunga, nanguya nakukuhonesa Ove. Ove unahanjika nge Ove wu Mwana Kalunga. Nanguya Nakukuhonesa. Kachi Ove wapwa Mwana Kalunga, alumuna awa malolwa kupwa mbolo. Lyako; Ove uli nazala. Kaha kachi Ove unapu Mwana Kalunga, Ove uli nangolo jakuchilinga.”

374 Ikiye ngwenyi, “Oloze echi vachisoneka, jino, ‘Muthu keshi kayoyela ha mbolo kahako.’” Mamalelo, eyi ikiko jila Mwangana wa Tupitawu alingile.

Amumbachile Nakumutwala helu ha fulumba ya tembele. Ikiye ngwenyi, “Kachi Ove naulimbila Ovelyavene hamavu,” ngwenyi, “Unatachikiza echi vachisoneka . . .”

375 Ikiye ngwenyi, “Yaah.” Ngwenyi, “Echi vachisoneka, cheka, ‘Ove kawatela kweseka Mwata Kalunga koveko.’” Talenu omwo Ikiye alivulukile Lyavene? “Nge Mwata Kalunga kove.” Huuhu. “‘Ove kawatela kweseka Mwata Kalunga koveko,’ echi vachisoneka, cheka, ngachize.” Talenu? Mamaah, yami!

376 Chuma muka Ikiye alingile? Ikiye amuhonesele, na Lizu lya Kalunga. mingalato ya liyavolo yapwa kukulingisa ove kuzeneka kufwelela Lizu lya Kalunga. Kaha uze Mwangana wa Tupitawu ngwenyi, “Mbata Lizu lya Kalunga na Kuchilinga. Mu Lijina Lyami vakiko navakaya nakutapula maliyavolo.”

377 Mamalelo, Satana, uze mwangana wa tupitawu twavo, mamalelo, yaah, munatachikiza, amwe awa vikungulwilo kweseka kukulingisa ove kufwelelange ikiye akwechi jisende, munatachikiza, kaha namukila wakulipula, na vyosena vyangocho. Kanda kufwelela chizeko. ikiye kapwa ngachizeko. Nduma, mwane, ndumbu walunga. Ikiye apwa washikishiki wakuneha pwila. Kanda kufwelela nge ikiye muzeko. Vakiko veji kaha kulinga ngachize kumivwisa woma. Uze keshi ikiye liyavoloko. Uze liyavolo keshi na jisendeko, kukuputuka; Ngweji kukakasana echi chikuma. Ikiye apwa kaha shipilitu. Ou liyavolo apwa shipilitu. ikiye keshi na jisendeko na vyuma, nge omu mweji kwesekanga kumufwanyisa. Nduma, nduma.

378 Oloze, ikiye apwile wamangana. Ndumbu walunga, ikiye apwa lunga wamangana vene, wakatanga vene, lwola lwosena napunga, mu mangana amukaye. Mamalelo, yaah. Ikiye apwa wamwaza. Alongesele maswalale jenyi na mangana akaye, palanga, ndumbu walunga, kanda kweseka ku—kweseka ku kuhanjika mazu oveko. Enu mwatela kutachikiza vyuma muka muli nakuhanjika omwo namulihumangananga nava vakweze, kuhanjika, “Aze makumbi avikomwesa ahita lyehi.” Nduma, ikiye keshi na—ikiye keshi na jisende ja kulipulako. Ikiye apwa, mamalelo, ikiye apwa—ikiye apwa—ikiye apwa wakufuma mujishikola. Ikiye apwa wakulinangula, ndumbu walunga. Ngunatwale nge, ikiye apwa wautongwe, Ph.D., L.L.D., Q.U.S.T., kaha vyosena nawa. Talenu? vyosena hano, ikiye apwa wautongwe nge omu ahashila kupwa. Wamangana, punduvene, ikiye apwa linoka, wakusenena chikupu hali vakwavo vosena. Najikambu jajisuku, ndumbu walunga, kaha, Ngunatwale, keshi na kuvwala chamikonya. Utongwe, kupwa wamangana kaha wakatangisa nge omu ahashile kupwa. Echi chakwoloka.

379 Kanda kuhulama hamwe naikiyeko kuvangila enu munatachikiza kuhanjika hali echi. Echi chakwoloka. Mamalelo, oloze etu tunatachikiza mingalato yenyi yamwaka—

yenye yamwaka. Etu tunatachikiza chuma muka ali nakweseka kulinga: kukulingisa ove kuzeneka kufwelela Lizu lya Kalunga.

³⁸⁰ Kaha ikiye keshi na jisende jakupula havaliko. Nduma, nduma, nduma. Jino, etu tunawane nge kachi ikiye mwapwa na jisende jakupula havali, kahajino ikiye atela kupwa chuma cheka. Ikiye apwa washikishiki wakuneha pwila. Ikiye wamangana, wakutanga, wakulumbunuka. Ndumbu walunga, ikiye akwechi nawa namaswalale.

³⁸¹ Tala, lwola lumwe, Muze mu Switzerlanda. Kangwawanyine chihela cha kwimanako, enu masepa. Kuze kwapwile na—na...Muze mu Switzerland, kuze kwejile liswalale waku German, na...na vakufuma kweka kwiza na kwingila. Mwomwoika, echi chinasoloka nge mbango yatumenga; lunga wosena wakulongesa, kala likunga lyatwamine *ngachize*, eyiti mokomoko teni feet kulutwe. Kaha vakiko kwejile umwe wamundende wakuhutwa waku Swiss kuze, Kachi valingile ika? Vakiko vapwile vakuswelela lyehi na—na jipoko jakulovoka kuvikelenyi vyavo, mitondo na malolwa, kaha nomu vakiko vemanyine. Vakiko vavakafwile vakiko. Haze vene kuzauka pili kaha ha membo avo. Hano vaze maswalale vaku Swiss vayile nakuliwana navakiko. Vakiko kavavalingile mumweko. Vakiko vengile muze nakumbata lifuchi lyavo.

³⁸² Ika nalingi ou mwana walunga muno mukaye, kupwa kaha kanyike? Satana, uze ikiye vene, atondele kumbata chiyoyelo chenye kachi ikiye ahashile. Punduvene. Ikiye haze vene; mukuzeneka kuhya. Talenu?

³⁸³ Vaze va Swiss kavalingile chuma chimweko. Vakiko vapwile vathu vamwaza. Vakiko vapwile nakweseka kuinga membo avo, oloze vakiko vemanyine kuze na kuinga. Hanyima chindende, kwapwile umwe wa lijina lya Arnold von Winkelried. Vakiko vaze maswalale. Vakiko vapwile vosena vakujinguluka. Ngwavo, “Natulinga ika?”

³⁸⁴ Kwosena, kwapwile kaha vathu nyi tulungalwiji, wakulongesa kanawa. Omu mukiko mujila Satana eji kulinganga. Wakulongesa kanawa, likunga lyenyi lyakulovoka kanawa, muthu hi muthu mutambo yenye: umwe, vavali; umwe, vavali; kulishinjikila hali ou liswalale umwe wamundende. Twalilaho—twalilaho kaha kutambuka, mukiko kaha valingile, nakumbata, vosena, kuze kujipoko jauvela kuvali. Aze makunga avatasanyine nakuhita muli vakiko. Chize kachi chanehele makumishilo avaze maswalale vawoma. Chize keshi chikiko kaha. Kuze vene kujipili kukiko kwapwile mazuvo avo na vavo vakuzanga. Mapwevo javo kachi vanavenyeka na kuvapika nakuvasavala, kaha vana vavo vavapwevo na na lunga kachi vanavajiji, kaha membo kuwocha, na vyuma vyosena, kulya chavo kuchimbata, vangombe na vyuma vyosena, kuya. Oloze vakiko vaze.

385 Chuma muka chasolokele? Kuhwimina chakwachile umwe wa lijina lya Arnold von Winkelried. Ikiye ngwenyi, “Malunga vaku Switzerland, likumbi lya lelo Nanguya na kufwila Switzerland.” Amena. “Likumbi lyalelo Nangufwila Switzerland.”

Vakiko ngwavo, “Namuya nakulinga ika?”

386 Ikiye ngwenyi, “Enu ngukavangizenu kaha zungenu navyosena mukwechi navyo.” Ikiye emanyine kuze; ambilile likunga lyenyi, mutondo waundende apwile nawo mulivoko lyenyi, nge *ngana*. Kaha atambakanyine, namavoko eyi mwilu, nge *ngana*, kuyako nakulaha, oku alinakutambakana, “Tunga jila ya kukasunuka!” Laha chikuma namwosena unahashila, muze vene mumaswalale. Kaha, omwo ikiye alingile, ikiye akwachile vosena nalikunga lize apwile nalyo, kaha nakuvambila mutulo yenyi nge *ngana*, na kufwa.

387 Ikiye avalwekele, shimbu ayenga. Ngwenyi, “Kuli limbo lyalindende oku, pwevo na vakemba vamwe vavandende Nguli nakuseza, limbo lyalindende lize Ngunalande.” Kaha ngwenyi, “Ngwa—Ngwa vazanga, oloze, lelo, Nangufwila Switzerland. Ikiye mwanguhana. . .” Ikiye ngwenyi, “Nanguhana chiyoyelo chami nakulwila lifuchi.” Kaha uze apwile chindume. Vakiko kanda lyenyi vachipwe na jita. Chize, chize chakumishile chize.

388 Echi chazamishile vaze maswalale, na undume uze wasolokele, palanga kakwapwile numba. . . Vaze—vaze maswalale vapwile muchimbalanganyi. Vaze va Swiss vavashijikilile malolwa hali vakiko, nakuvahanga mulifuchi lyavo; kaha kavakindulikile chekako kufuma haze. Chize chinapunga kunyima chikuma pamo handulendi ya myaka. Talenu? Mwomwoika? Chize chapwile chilinga chachinene.

389 Oloze, mamalelo, ndumbu walunga, likumbi limwe, omwo kuhona kutachikiza, vyakushinganyekela, kukakasana, vyakunyengetesa, na mawoma, chalingishile vathu ja Kalunga kuvashinjikila mumbango, kuze kwapwile Umwe walijina lya Yesu Kulishitu: “Likumbi lyalelo Nangufwila vathu.” Echi chakwoloka.

390 Ikiye ahanjikile ika kuli ava maswalale? “Ngukavangizenu na kuzunga na vyosena muli navyo. Kachi enu mukwechi lizavu, zungenu na lizavu. Kanda kwivwa womako. Enu mukwechi mutondo, zunga nauze mutondo. Enu mukwechi lilolwa, zunga na lilolwa, kala chuma chosena enu mukwechi.”

391 Omu mukiko ali nakuhanjika lelo ou Mwangana wa Tupitawu. “Ngwambachile eli Lizu lya Kalunga, kaha Ngwamuhonesele liyavolo na ngolo jenyi.” Ikiye amuteteletele muvihanda vihanda, amena, na eli Lizu. Jino, kala chuma ove ukwechi, kachi enu mukwechi kaha Lizu limwe, “Ou Mwata Kalunga kenu uze eji kumyukanga enu,” kumuteta

ikiye. Kavangizenu. Amena. Kavangizenu Kapitawu ketu. Eyo, mwane. Ikiye amuteteletetele ikiye.

³⁹² Satana, na kutohwa, na mawangana wamwaza, na kuwaha chikuma, na vyosena, vyosena hanga vyapwa. Kanda kupwa nachuma chimwe naechiko. Echi chakwoloka. Ikiye hanga ali wakuvanguluka hali tunyama vamuchipapa vosena. Eyo, mwane. Yesu ngwenyi vana vakano kaye vapwa vakuzangama kuhambakana vana va Wangana wa Kalunga.

³⁹³ Jino, echi chimbalangani chachinene chivali. Etu tuli nakuya . . . Ngukwechi . . . kutela kusakula. Echi chimbalanganyi chivali kwiza hamwe jino. Luno lukiko lwola omwo misongo na vyuma kala vinakwate kaye, palanga medical science nomu yinemana, na kala vyuma vyosena vinemana. Kakwechi chuma chimweko, na—na etu natuya na . . . Kaha maswalale, vase maswalale vavandende va Kalunga, vali nakuvashijikila mumbango na vyuma vyosena. Ndumbu walunga, elu lunapu lwola lwamukwavo Arnold von Winkelried. Eli lunapu lwola, lwola lwamukwavo muthu wa Kalunga kwimana. Elu lunapu lwola lwa Eliya kusoloka. Elu lunapu lwola lwa chuma chimwe kusoloka.

³⁹⁴ Maswalale ja Kalunga, sokenu vishinganyeka vyenu. Kanda kwimana munyutu kahako, kushinganyeka kalachuma liyavolo eli nacho chakukuhana ove kuhichila muvishinganyeka vyovo. Oloze anuka, Lizu Iya Kalunga kalyeshi kahasa kahonako.

³⁹⁵ Awa mazavu amaswalale amanene avali! Omwo mweza nge livaji, nge omu ali nakwiza lelo, Kalunga ahanjikile ngwenyi Ikiye mwaya nakulinga ika? “Ou Shipilitu wa Kalunga mwaya nakukatula chuma chakuchimanyina.” Ove uli umwe wavo? Eyo, mwane.

³⁹⁶ Etu vatunangula mu Yakova 4:7, Kangweshi na lwola lwakutangako, Yakova 4:7, ku, “Mwimanyine liyavolo nakole, kaha,” ikiye keshi kuhasa kaha kutambuka nakuya kahako, oloze, “ikiye mwaya nakutuka.” “Mwimanyine liyavolo na kole.” Naumwimanyina ngachilihi liyavolo nakole? Mujila yoyimwe muze Mwangana wa Tupitawu ketu atulwekele. Mbata Lizu Iya Kalunga. Omu mukiko kaha enu munahase kumwimanyina liyavolo nakole, shina na Lizu Iya Kalunga. Ou Mwangana wa Tupitawu atulwekele omwo alingile. Chosena chakwoloka.

³⁹⁷ Jino, mukusoka, Ngwatondo kuhanjika echi. Uze liyavolo wamwaka, jino, enu munashinganyeka nge ikiye apwa nge unengu. Enu mwashingenyeka nge mwaya nakutuluka mwana? Ikiye mwaya nakutuluka kalachuma. Ikiye atulukile Yesu Kulishitu. Ikiye ejile hali Ikiye, na kutuluka chaukenya chitatu. Enu mwatachikiza ngocho? Satana kamutulukile kamwe kahako. Ikiye mwaya nakukululuka na musongo, kahajino ikiye mwaya mwakinduluka cheka na kukutuluka ove, kukulweka ove, “Makumbi avikomwesa ahita lyehi. Ove

kawahindikangako. Kakweshi chuma chimwe kuli Echiko.” Enu munatachikiza nge echi chakwoloka?

³⁹⁸ Ikiye atulukile Yesu kapapa katatu. Kutuluka chaukenya chitatu, ikiye apwile nahali Yesu, na kuzeneka chenyi kufwelela mu Lizu lya Kalunga. Yesu apwile Lizu. Punduvene, ikiye kafwelelele echiko. “Kachi Ove wapwa...Kachi Ove wapwa...” Ikiye ejile, na kutuluka cha ukenya, nge lwola lumwe mukakole lelo. Ikiye ejile, ngwenyi, “Kachi Ove wapwa Mwana Kalunga, ngusolwele chikomwesa. Echa ngumone omu naulinga.” Ndumbu walunga, kutuluka chaukenya chitatu engishilemo, “Kachi Ove...Kachi Ove wapwa...”

³⁹⁹ Jino, chuma muka Yesu? Yesu apwile Lizu lya Kalunga. Ikiye apwile Lizu. Ikiye atulukile Lizu. Upahu! Nguli—Nguli nakwivwa...kwivwa kaha kuwaha, kunangula jino, kushishika nge omu Nguli. Echi chakwoloka. Yesu ikiye Lizu. “Ha kuputuka kwapwile Lizu, kaha lize Lizu lyapwilenga na Kalunga, kaha Lizu lyapwilenga Kalunga. Kaha eli Lizu lya twamine, valilingishile kupwa musonyi wanyama, kaha lya twamine...” Yesu apwile Lizu. Ika ikiye alingile? Ikiye amuvatwile muvhanda vihanda. Mamaah, yami! Nguli nakuya nakwecha. Ika Yesu alingile? Ikiye apwile Lizu. Shikaho, na Lizu, Ikiye kumuvatula Satana muze vene mukutuluka chenyi chaukenya. Ikiye atukile nge lizavu lya maswa-, maswalale vamuchishika, mokomoko chuma chimwe nge ngachize, kutukila hali Yesu, eli Lizu, nge ngachize. Kaha Yesu ambachile eli Lizu, na kumusemuna ikiye muvhanda vihanda. Haleluya! Punduvene, kumusemuna muvhanda vihanda, nakumuhonesa ikiye na Lizu.

⁴⁰⁰ Talenu kutuluka chenyi? Tala, iwulilenu chikuma, mukusoka. Kutuluka chenyi chapwa chika? Kuzeneka kufwelela Lizu lya Kalunga, echi chikiko kutuluka chenyi. Kuze, munahase kumona jita yayinene vazungile lyehi? Kuli kaha jingolo jivali: Satana na Kalunga. Kaha chitwa cha Satana chika hali ove? Chili kweseka kukulingisa ove kuzeneka kufwelela Chitwa chove. Ikiye mwakuzula vitwa vyove. Echa—echa twivulilenu mukuhola jino. Iwulilenu. Kachi ikiye mwakulingisa ove kuzeneka kufwelela Chitwa chove nge chinatemo, kachi ikiye mwakulingisa kuzeneka kufwelela Chitwa chove nge kacheshi chakujikizako, kaha ikiye nakuzulu lyehi vitwa vyove.

⁴⁰¹ Mamalelo, Ndumbu walunga Neville, Ngunafwelela etu katwatela kuseza eviko. [Ndumbu walunga Neville ngwenyi, “Ngwafwelela na kuhona kulomba.”—Muka.]

⁴⁰² Tala. Ikiye mwakuzula ove nge mwakulingisa kuzeneka kufwelela echi Chitwa. Nge ove mutulika Chize hamavu, echi chinakumisa kuzunga chove. Ove kaha wakumu. Kwachilila echi Chitwa. Kanda ove muchisava Lika hamavuko. Etu tuli nakumona kuzeneka kufwelela. Echa...

Chuma chimwe Ngwatondo kuhanjika jino, mu munyutu kaha.

⁴⁰³ Russia. Ngwatondo kuhanjika echi chakukafwa vavene, na vyangocho, hano, kaha enu vakakulinangula Mbimbiliya. Chuma muka nakuhita nakuunga hali va Russia? Huu! Enu kamwangwivwa yamiko kumilweka kutunga chisete cha mbomu, keshi ngochoko? Chuma muka muli nakuunga Russia? Russia keshi chumako. Vakiko kaveshi kuya nakutapako. Vakiko kaveshi kuya nakufungulula kayeko. Communism kayeshi nakufungululako. Ukalu uli hali na vathu? Kumana Lizu lya Kalunga nalihona?

⁴⁰⁴ Ivwulilenu, echi chili jino ha tepu. Kukaye, Ngulinakuhanjika, mokomoko kwosena okwo nawakaya. Kaha kuli enu vathu muno, numbathuhu vika naviza nakusoloka kuli yami, enu fwelelenu echi.

⁴⁰⁵ Russia, Communism, kayeshi kuya nakufungulululako. Lizu lya Kalunga kalyahonako. Chiloma chikiko nachiya nakufungulula kaye.

⁴⁰⁶ Echa tumbate chimweno cha Ndanye. Eli likiko Lizu lya Kalunga. “Ove, Ove Ndanye. . .” “Ove, Ove Mwangana Nebuchadnezzar, ikiye mutwe wa ulu,” Mbabilone. “Wangana ukwavo naukaswana ove, ukiko wa usungwa,” talenu, ukiko wapwile Medes-o-Persia. Umwe ukwavo wapwile wa Greece, Alexander uze wamunene. wakushisaho, wejile, Loma. Kaha kakwapwilenga chuma chimwe chakuhanjika hali communism ko. Loma afungulwile kaye.

⁴⁰⁷ Yesu Kulishitu asemukilile mu Wangana wa Maloma, kaha ajihile, Lwola lwenyi lwatete lwejile hano, na wangna wa Maloma. Kaha kuvilika Chenyi chamuchivali, chili nakwiza jino, Mujimbu Wenyi vali nakuujiha na vikungulwilo vya Maloma, ou napu nevo yavosena. Kaha Ikiye omwo mwakakinduluka, Ikiye mwakeza cheka nakukomba wangana wa Maloma, ava va Yuleya vanapunga lwola lwosena kumutalilila Ikiye kwiza na kukomba wangana wa Maloma.

⁴⁰⁸ Jindondelo ja Katolika na vikungulwilo vya muno mukaye, hano vene kwiza hamwe nge lizavu, lya kulinunga cha mauka kulivwasana vavene hamwe. Keshi Russia ko. Ali Loma. MUKIKO MWANAMBE MWATA. Yaah. Ngulwekeni Chisoneka kuze vasoneka Communism, mokomoko kalachuma kusali ya Loma, nayiya nakuyula.

⁴⁰⁹ Keshi va Medes-o-Persia kuswana Nebuchadnezzar? Punduvene. Kumana va Greece vakiko vaswanyine? Yaah. Kumana va Loma vavambachileko, kufuma muze? Kumana kawahokokele mulikumi na ngolo ja Ottoman nge omu tuli nakushikumukako jino? Kumana. . .

⁴¹⁰ *Eisenhower*, kulumbununa “chikungo.” *Khrushchev* kulumbununa “ndambo.” Kumana vapwile na kuliwana chavo

kuze? Kaha Khrushchev afumishile mendelo yenyi, [Ndumbu walunga Branham kungongomweza hakamenga—Muka.] mujila yakuchilingisa kupwa hatoma, chuma cha kusokoloka, kuveta hachitwamo chakusonekela, nge *ngachize*, kulwekesa vathu. [Ndumbu walunga branham kuveta ha kamenga.]

411 Chamwaza, ukalu uli hali na vathu lelo? Kaha lufwelelo lwatela kulinga ika? Ika, kamwafwelela Lizu lya Kalunga kupwa Muchano? [Chikungulwilo ngwacho, “Amena.”—Muka.] Kaha chize chuma kacheshi *Munoko*. Ukalu uli hali navakakunangula valelo? “Communism!” Mukakunangula wosena nalovoka hano kweseka kuzungisa communism. Communism, kayeshi chumako!

412 Chuma kaha, ou liyavolo ali nakuhungisa echi kumazulu ove, kaha kuchijiva chiku; chili Chiloma, vilinga vya vikungulwilo. Kaha Loma ikiye nevo ya vikungulwilo. Eyi Mbimbiliya ngwayo, “Ikiye apwa lihule, kaha vana venyi vama pwevo vanapu mahule,” kuli Kalunga, ku Lizu Lyenyi.

413 Maswalale, mbatenu eli Lizu. Vangelo va keke, twamenu na eli Lizu. nanguya nakunonga likumbi limwe, oloze eli Lizu kalyeshi kanongako. Kaha enu vakweze ja vathu, kachi echi kacheshi kasolokako muli chino chisemunuino, namuya nakumona. Chikiko chuma kana.

414 Mwevwanga ize mijimbu chimene chino? Pwevo. Iya Kennedy kuya, nakumona popu, kaha nachuma hanjikanga popu. Talenu, vyakulifukula vyosena vya muno mukaye! Mamalelo! Chamwaza, pamo etu tupwenga naechi chikuma, Sondo nayizaho.

415 Talenu, kanda kulizakamina hali Russia. Russia ali kalilolwa kakandende hausekeseke. Kanda kulizakamina hali communism. Enu talenu Chiloma omwo chili nakulinunga na mauka. Kakweshi chuma chakusoneka mu Chisoneka hali communism kuyula kaye.

416 Kaha Nanguya na Lizu, chipwe chipwe ngachilihi na kala chuma chili nakuya. Eli linapu Lizu Ngwafwelela. Echi chili Chiloma chili nakuya nakumbata kaye. Kaha Chiloma ikiye nevo ya mazavu. Kakwapwile lizavuko palanga naku Loma, kaha vosena vejile nakulovoka muli ikiye. Kaha eyi Mbimbiliya yahanjika ngocho, “Ikiye apwile uze naye ya mahule.” Ngunahase kutwama aha chimbwa cha likumbi hali echi kaha, cheka, oloze Ngwashingtonyeka Ngunahase vene kwende nakuya.

417 Omwo mukakole mwatutuluka, kahajino, “Mamalelo, Nangumilweka, enu mwatela kwiza nakuliwana etu. . .” Chuma muka muya nakulinga, kunyima hamavu, kulivwasana? Keshi liswalale iveneko, keshi kuhasako. Nduma, mwane.

418 Kaha natulinga ika jino? Echi kujina, “Echa kujina chize chapwilenga muli Kulishitu. . .” Omu mukiko yahanjika

Mbimbiliya? [Chikungulwilo ngwacho, “Amena.”—Muka.] “Chize kujina chapwilenga muli Kulishitu, chipwenga muli enu.” Kujina muka Ikiye apwilenga nacho? Kutwama na Lizu. Echi chakwoloka. Kutwama na Lizu, eli Lizu lya Ise, kaha lyahonesele mukakole lwola lwosena. Jino omwo mukakole mwatuluka na kweseka kuhanjika kuli ove nge watela kuli *echi* nakulinga *chize*, naukaya nakulinga ika? Twama na Lizu. Echi chakwoloka.

⁴¹⁹ Chuma muka ove unatondo kulinga jino? Mbata eli Lizu. Lizu chuma muka? Eyi Mbimbiliya yahanjika hano. Etu tunafumu nakutangaho. Mwomwo Shipilitu, na Kalunga, vapwa Lizu. Talenu? Tala hano. “Kaha mbata litepa lya ulwilo, na Poko yamukwale, na Poko ya Shipilitu.” Eyi Poko ya Shipilitu! Chuma muka? Eyi Shipilitu yeji kwizanga nakwingila muli echi kujina na kwingila muli ove, na eyi Poko yauze Shipilitu apwa Lizu lya Kalunga.

⁴²⁰ Chuma muka Shipilitu eji kuzungisanga nacho? Chuma muka ou Shipilitu Wajila eji kuzungisanga nacho, vyakwivwevwa mumujimba, na kwivwa cha mujimba? [Chikungulwilo ngwacho, “Eli Lizu.”—Muka.] Eli Lizu; muchima! Hee! Upahu! Chuma muka Eji kuzungisanga nacho, kwivwa cha mujimba? Lizu! Lizu! Echa tuhanjike echi, Lizu! [“Lizu!”] Lizu! [“Lizu!”] Lizu lya Kalunga likiko eji kuzungisanga nacho ou Shipilitu.

⁴²¹ Eyi Shipilitu ya Kalunga yeji kutambuka nakuya kuli liyavolo, na kuhanjika, “Echi vachisoneka!” Amena! “Echi vachisoneka!” Kaha liyavolo mwamusela jila.

⁴²² Chuma muka tweji kulinganga? Mbata Poko, eyi yinapu Lizu lya Kalunga, Yikoke na (chuma muka?) na livoko lya lufwelelo, livoko lya ngolo lya lufwelelo, Poko yauvela kuvali. Eyi Mbimbiliya ngwayo, mu Hepelewu 4, “Eyi—Eyi Poko yauvela kuvali,” kuvatula kwosena kuvali kuya nakwiza.

⁴²³ Ndumbu walunga, ikiye eji kulinga ika? Kumbata eli Lizu. Kumbata eyi Shipilitu, echa eyi Shipilitu kwiza nakwingila mumuchima wove. Sokolola muvishinganyeka vyove, nakuhanjika, “Lizu Lyove linapu muchano.” Jino, ove mulinga echi, ndumbu wapwevo. [Ndumbu walunga Branham cheka nawa kuhanjika kuli ndumbu wapwevo wakuviza—Muka.] “Lizu Lyove linapu muchano.”

⁴²⁴ “Mwata, Kangweshi kuya nakwivulila kala mwosena omwo Nguli nakwivwako, kala muthu omwo mwahanjika, omwo nhuli nakuhanjika. Nguli nakwimana, Nguli nakutuva kala jijila jami jakujika, kunyengetela chosena, na kukakasana, na kuzeneka kufwelela chize Ngwapwilenga nacho. Kala kwivwa Ngwapwilenga nacho, kuviza chosena Ngwapwilenga nacho, kala vyuma vyosena Ngwapwilenga navyo, Nguli nakuvitua. Nguli nakuhita vyuma vyosena evi. Nguli nakwiza vene ku

shipilitu yami. Ove Mwata, suluka twaya. Ove wahanjikile Ove wangutengele yami kupwa umwe wakukasunuka.”

“Ove uli, Mwanami walunga.”

425 “Chosena cha kwoloka, Nguli na kusokolola muchima wami na vishinganyeka vyami. Twaya wingile, Mwata Yesu.”

426 Kaha kwata Lufwelelo, eyi Poko ya Shipilitu, MUKIKO MWANAMBE MWATA. Tambakana, “Haleluya!” Amena. Kahajino vatula kala mukakole kulutwe lwove. Amena. Mukiko kaha. Vatula kala mukakole. Kachi nge—nge uze mujimu wa shipilitu kukulingisa ove kwivwa mwosena. . . Kuvatula chuma kana, na Lizu lya Mwata.

Oloze ngolo jetu, jili, “Echi kuwahilila cha Mwata chinapu ngolo jetu.”

427 “Fuma kuli yami.” kumuveta mbanda! Ove muvatule na Lizu. Chipwe apwenga demoni, chipwe apwenga mukakole, chipwe chipwenga kukola, chipwe yipwenga misongo, kala chosena ocho, mbata eli Lizu Likoke na Poko. Kaha kachi ove mumuveta mbanda ha lwola lwatete, keshi nakusoloka kutambukako, muvete mbanda cheka, na kumuveta mbanda cheka, na kumuveta mbanda cheka. Kaha muvete mbanda palanga nomu mutuva wina hululu, nge uze kasumbi wamundende kutokola ivene; mokomoko ngonga, mukiko wapwa. Tokola ove lyavene nakuhita chize chiyawu cha misongo. Vatula jila yove, na kuhanjika, “Haleluya! Mukwavo nawa hiya?” Amena. Eyi ikiko jita. Ou ikiye liswalale. Ou ikiye liswalale wakulusu. Eyo, mwane. Limbula kala mukakole.

428 Mwomwoika? Mwomwoika? Etu, va kutongola lyehi, Mbuto ya wangana ya Apalahama. Omwo Apalahama akanyine vyuma vyosena vize vyapwilenga vya kulimbalaka na Lizu lya Kalunga, ikiye atuvile jila yenyi hululu hali kala chimbuji chize chejile kulutwe lwenyi. Vakiko ngwavo, “Pwevo lyove nakoto chikuma.” Ikiye atuvile kaha jila muli chize chuma. Uze liyavolo ngwenyi, “Ove kaweshi kuhasa kulinga *echiko*. Ove kaweshi kuhasa kulinga *chizeko*.” Apalahama atuvile jila muli chize. Ikiye achivetele mbanda, na kuchiveta mbanda, palanga nomu atuvile hululu.

“Hali cheka, Mwata?”

429 “Tambukisa mbalaka yove *hano*.” Ikiye ayile na kumutungila Ikiye kamenga helu haze.

430 Ayile helu haze, kaha Satana ejile, nakuhanjika, “Jino, Nangukulweka, chino kasheshi chihela chakwolokako.”

“Nanguya nakutwama hano vene. Fuma hachihela chami.” Ikiye ngwenyi, “Haleluya!”

431 Lot ngwenyi, “Ove watela kwiza kuno nguli. Etu kuno tuli kanawa. Etu tukwechi vikungulwilo kuno. Mwomwoika, pwevo

lyami ikiye mutwe wa lizavu lya kakutanga na vyuma vyosena, muze mumbongi. Nangukulweka, ove watela kwiza kuno.”

Sala ngwenyi, “Apalahama . . .”

432 “Hola kulu, Sala.” Haleluya! “Imana hano vene. Hano hakiko anguhakile Kalunga. Hano vene hakiko Nanguya na kwimana.”

433 Hano hakiko anguhakile Kalunga.

Ngolo josena ja mu Lijina lya Yesu!
Echa Vangelo vasuluke;
Kuneha kongolo ya wangana,
Na kumuvwika Ikiye kupwa Mwata.

Hali Kulishitu, Lilolwa lya kukola,
ngunemana;
Hamavu heka hali ha usekulula
wakushikumuka,
Ha mavu eka osena uli usekulula
wakujiminyina.

434 Chipwe vene nakufwa chivene, nakala chuma, uli usekulula wakushikumuka. Hali Kulishitu, ou Lilolwa lya kukola, Ngunemanyina.

435 “Uze Mbuto ya wangana ya Apalahama.” Uze Mbuto ya wangana! Mwomwoika, England na maswalale vakusakula vanapu vawangana va mu England, manyinga awangana, vyuma vyosena. Kaha Mbuto ya wangana ya Kulishitu ili Liuka lya kuzala na Shipilitu Wajila, wakuzala na Shipilitu Wajila. Ika? Mbuto ya Wangana, ha lushiko, keshi na kwivwevwa cha mumujimbako. Oloze, ha lushiko lwa Kalunga, vakiko veji kwimananga ha Lizu lya Kalunga, na kuvatula jila javo, kutamabakana, “Heleluya!”

Chipwe kufwa nachiza nakuhanjika, “Chili nakwiza nakukanduka muli ove.”

436 Hanjika, “Fuma mujila, Yotawu. Nguli nakuzauka.” Vatula jila yove nakuhita, kuya ku Limbo lya lushiko. Amena.

437 Chasolokele ngachilihi omwo jita yakumine? Nguli nakuzauka jino, punduvene. Nge jita yinakumu, kaha vakakujila navakeza nakufwola kwiza Kwimbo, Ngwatondo kumihula chuma chimwe, chasolokele ngachilihi?

438 Chasolokele ngachili na Hitler omu ayile ku France? Mwomwoika, vakiko ngwavo kaweshi numba kukamona utangatangako, hashimbu yayindende, jize jindeke. Navaze mapato mu German kwiza. [Ndumbu walunga Branham kulinga nge pato kuze kukamenga kapapa kavali—Muka.] Talenu, vakiko vemanyine, kuhita, kuwahilila kufungulula.

439 Omwo Stalin ejile ku Russia, jitando kunyima, jitank yimwe nayimwe chindende kunyima hali umwe namukwavo,

kuvashiwila mitelembe muze mu Berlin palanga nomu vahonene kusezako chipwe chuma chimweko. Mukiko kaha. Kaha omu vayile, kaha ava va German. . . Ava maswalale va ku Russia kuwahilila, vayile na chize, munatachikiza, chize kuhema chandende vakiko valingile. Ngwachimwene ha chifwanyisa, lwola lumwe mu London, omwo vejile nakwingila, chifwanyisa chivene chize chakuze, chasolokele ngachilihi, kwingila, kuwahilila. Mamaah, yami!

⁴⁴⁰ Omwo tvevwile nge jita yakumu, etu twatambakanyine, twembile tupyololo. Omwo vindume vakindulukile, etu twavawanyine kuze. Vakiko vatambakanyine. Vakiko vavilikile. Ngwapwile na musonyiwami apwile muli vakiko, ngwenyi, omwo ikiye akindulukile, vosena vakukula. . . Vaze vavene vevwile woma mateli, kavahashile numba kufuma mutuhela twavoko, shikaho vakiko vawashingile helu lya mbopolo omwo vakiko vejile nakwingila, kumona kumona chize Chitamba cha kukasunuka chinemana. Ngwenyi, “Va malunga vavindume vanema kuze, vakiko valilile kaha, nakuholoka hazevene nge *ngachize*, omwo vamwene chize Chitamba cha Kukasunuka.” Vapwile vafumine lyehi kwimbo ha myaka fwoo, nakuzunga, jita yakukomwesa, na kala chuma. Oloze vakiko vatachikijile uze pwevo, na muchima wenyi, na naye, na ise, na vana wenyi, na vyosena vakiko vazangilenga, apwile wakwoloka kunyima ya chize Chitamba cha Kukasunuka. Chize chemanyinyine chize vakiko vapwile nakuzungila. Mamalelo, kwimba tupyololo, kaha mu New York yalinungile mukutambakana, mukiko kaha, omwo vindume javo vejile nakwingila nakufwola. Echi chinapu chuma chindende.

⁴⁴¹ Lwola lumwe omwo Caesar, hanyima ya jita yainene, ikiye ngwenyi, “Ngwatondo liswalale wami wapuho kutambuka hamwe nayami muli echi kuwahilila chachinene cha kuhasa hali mukakole wetu.” Kaha vakulwane vosena vatomesese mangona avo kaha lingishile lukepwe lwavo kuvyakuma, na kutambuka, munatachikiza, nge ngachize, nge—nge maswalale vamwenemwene ngachize. Hanyima chindende, chindende, uze kashinakaji ejile, kuvatula. Yami! Ikiye apwile kaha nge kutala kwilu, na kuputuka nakuya, nge *ngachize*. Caesar ngwenyi, “Vandamina munyutu kaha. Vandamina munyutu kaha. Ove,” keshi numba kuvwala nge—nge mukakuzata, ngwenyi, “twaya kuno.” Ngwenyi, “Kuli enu mwatambwile evi viveza?”

Ikiye ngwenyi, “Kufuma kuchana cha jita.”

⁴⁴² Ngwenyi, “Nyina helu hano. Ove uli mukweze Ngwatondo utwame na yami.” Mwomwoika? Ikiye achisolole nge apwile mujita.

⁴⁴³ Ove Kalunga, pwako nakeke hali ou lunga nahase kuvatula livoko lyenyi ha lilolwa na kupwa na kuhanjika. Ngwatondo kupwa waviveza vya mujita. Nge Paulu ngwenyi, “Ngwatwama

mumujimba na jichato cha Yesu Kulishitu.” Mukiko kaha Ngwatondele kupwa muchana cha jita.

⁴⁴⁴ Likumbi limwe, omwo Mwangana wa Tupitawu wamunene omu mwakeza, Uze atuvwikile vitwa vyajita, Uze natuhane etu vitwa vyajita vya Kalunga, uze Shipilitu Wajila, kuhana Lizu Lyenyi kuzunga nalyo, kwimana haze; omwo Mwangana wa Tupitawu kwiza nakwendemo, Ngwatondo kwingila mulitemba na kutambuka Hembo na Ikiye. Enu munahase? [Chikungulwilo ngwacho, “Amena.”—Muka.] Kahajino omwo Nangumbata pwevo lyami wamundende halivoko, kujinguluka nakutala na kutala vandumbwami na mapwevo javo, na vanavavo, omwo etu natuputuka kutambuka nakuhita muze mujipalachise ja Kalunga, na Vangelo kuzalisa peho na myaso, helu nge ngachize, kuhanjika hali kuwahilila!

⁴⁴⁵ Kaha omwo jita yakumine, etu natukavwala muchama. Mamaah, yami! Mamalelo, maswalale ja kulusu, chimene chino, koka livoko lya lufwelelo kufumisa hano, na kukwata kuli echi Chitwa.

⁴⁴⁶ Ngachilihi echi, ndumbu wapwevo, uli wakulizanga? [Ndumbu walunga Branham kuhanjika cheka kuli uze ndumbu wapwevo wakuviza—Muka.] Koka echi Chitwa, hanjika, “Kalunga, Kangweshi kulizakaminanoko kala—kala liyavolo mwahanjika kuli kuli yami, muka kala muthu mwahasa kuhanjika. Chino chimene, Nguli nakufwelela.” [Uze ndumbu wapwevo ngwenyi, “Ngwafwelela, nayami.”] “Nguli nakufwelela.”

⁴⁴⁷ Nge muze Ngwahanjikanga likumbi likwavo, chindende. . . Ngwafwelela ji Sondo jajindende kunyima okwo, kwapwilenga muthu apwile na chilota. Ikiye alotele nge liyavolo apwile kachuma chamwaka, kulahila kuli ikiye. Ikiye ngwenyi, “Boo!” Kaha ikiye atumbukile kunyima, kaha liyavolo atwalileho kupwa wamunene. “Boo!” Kaha ikiye atumbukile kunyima, kaha liyavolo apwile nakutohwelako. Makumishilo, uze liyavolo apwile nakupwa wamunene nge omu apwile, apwile nakuya nakumufungulula. Ikiye atachikijile nge atela kumuzungisa ikiye na chumachimwe, shikaho ikiye ajingulukile nakutala. Ikiye kawanyinechuma chimwe chakuzungisa nacho. Ikiye ambachile kaha Mbimbiliya. Kaha uze liyavolo ngwenyi, “Boo!” Ikiye ngwenyi, “Boo!” haze vene hali ikiye, kaha uze liyavolo aputukile kupwa wamundende wamundende, kaha wamundende wamundende, kaha wamundende wamundende, kaha wamundende wamundende. Kaha, makumishilo, ikiye amuvetela nakukufwa na Lizu.

⁴⁴⁸ Ove wapwa uli swalale, keshi ngochoko, Ndumbu wapwevo? [Ndumbu walunga Branham kuhanjika kuli uze ndumbu wapwevo wakuviza.] Mbata eli Lizu na kuhanjika, “Echi vachisoneka.” Amena. “Kangweshi kuya nakufwako. Nguli

nakuya nakuyoya. Nguli nakutwama muno mumbalaka na kwalisa Kalunga ha kuwaha Chenyi, na vosena nawa.”

449 Enu mwafwelela echi, vakakujila? [Chikungulwilo ngwacho, “Amena.”—Muka.] Amena.

Echa tunongamenu mitwe yetu.

450 Ove Mwata Kalunga, Tengi wa melu na mavu, echa echi vachitachikize lelo nge Ove wapwa hanga Kalunga. Numbatuhu Nangunangula ngachilihi, vingahi Nanguhanjika, Mwata, Lizu lya kufuma kuli Ove nalizamisa.

451 Awa malesu anasavala hano, kwimanyinako vathu vakuviza. Ngwalombo, Tata wa Mwilu, nge kukisula Chove na ngolo najiya nakupwa hali muthu wosena, omu Nanguya nakuhaka mavoko ami hali vakiko. Kalunga, mu Lijina lya Yesu Kulishitu, Ngwalombo nge Ove uwavise awa malesu na Kupwa Chove chakujila, mwomwo echi vachisoneka mu Lizu. Echi kacheshi chakulimbalaka na Lizu ko. Oloze echi vachihanjika mu Lizu, nge, “Vafumishilenga ku mujimba wa Paulu, malesu na tumapepo. Va shipilitu vavapi valovojokelenga muli vathu, kaha vakiko vavahindwilenga kumisongo yakuhandunuka handunuka.” Jino, etu katweshi Mukajila Paulu ko, Oloze Ove hanga wapwa Kalunga, kaha Ove hanga wapwa youmwe Shipilitu Wajila. Nguli nakuhaka mavoko ami hali awa malesu, mu Lijina lya Yesu Kulishitu, kaha kukulomba Ove kukisula na kuhindula uli umwe wosena.

452 Kaha, Kalunga, omu mukahela munasavala, napunga wakusavala muze, keshi chuma chekako oloze mwana, kupwa kanyike wapwevo wamwaza. Ikiye keshi nakuyoyako, Mwata. Satana nalingi mwamupi hali ikiye. Kaha vakuzanga vimbanda vahano hamavu vaneseka chikuma, kukakasana chauchi, kulwila ou mwana. Vakiko vanahono. Vakiko vali kusongo ya unjiho wavo. Vakiko vanahono kutachikiza na mwakulingila. Oloze, Mwata, Ngunawahilila nge kuli kapetulu vasoneka. Etu tunahase kufukununa lipapilo likwavo, kaha muli eli lipapilo etu twamonomo uze Chimbanda Wamunene kwingila. Etu tuli nakusanyika Ikiye mukakafwa chimene chino.

453 Jino, Mwata, kumana echi kavachisonekako muno mu Lizu Lyove, nge, “Evi vinjikizo navikakavangizanga vaze vakakufwelela?” Mwata, nge Kangweshi mukakufwelelako, ngulingise kupwa umwe jino. Kachi ou kanyike wapwevo keshi mukakufwelelako, mulingise apwe umwe jino. “Evi vinjikizo navikakavangizanga vaze vakakufwelela; kachi vakiko navahaka mavoko avo hali vakakuviza, vakiko navakayoya.” Echi vachisoneka nawa, “Mu Lijina Lyami vakiko navakahanga vandemoni.” Mwata, awa akiko—akiko Mazu Ove. Ali Ove. Eli linapu Lizu Lyove. Kaha jino nge ngamba Yove. . .

454 Nge omu Ove wahanjikile, “Kachi nakuya nakupwa vavali mokomoko vatatu enu namuliwana nakupwa hamwe, Nanguya

nakupwa mukachi kenu; kaha kachi namuya nakulivwasana, nge kukwata chuma chimwe, kaha lombenu, namukaya nakutambula.”

455 Kalunga, ou mwana ali vene umwe muthu ali nakukola chikuma muno muzuvo chimene chino, mwomwo keshi kuhasa kuyoya chakuzeneka Ove, na kushimbula, kaha ali umwe naviji chikumakuma. Shikaho, etu tuli vosena, etu tuli nakulivwasana, nge kala liswalale kwimana hano. Kaha muli eli lizavu munemana Mbuto yawangana ya Apalahama.

456 Etu tuli nakufwola nakuya hali Satana jino. Kaha echa nayove upwenga wakulizanga kuya, Satana, 'mwomwo vitwa vyetu vili nakuvwakuma, namaulomba akuliseza seza; malunga na mapwevo kukwachilila ku Jipoko, kufwola nakuya kulutwe jino hali ove, mwomwo yaou kanyike wapwevo wamundende. Lovoka muli ikiye, Satana. Seza ou mwana. Nge liswalale wa Kalunga wakuyoya, etu tunakujilula. Museze, mu Lijina lya Yesu Kulishitu.

457 Nguli nakuya nakuhaka mavoko ami ahali ikiye. Kaha, Satana, ove unamukase ou mwana, ove unalingi ou wupi. Ngunatachikiza ove uli wakuhona kuhasa kuli vathu, oloze ove kaweshi kupwa wakuhonewa kuli Mwata ko, shikaho Nguli nakwiza mu Lijina Lyenyi. Museze, ove shipilitu wa liyovolo. Ove ndemoni wakuviza, lovokamo mulimwana, kaha echa ayenga wakukasunuka, kufuma lelo nakutwalilaho. Nguli nakuvuluka echi, mu Lijina lya Yesu Kulishitu.

458 Jino, Mwata Kalunga, Ove wasangwile uze wakufwa na kwinjikiza nge Ove wapwa Kalunga, katula ou kanyike wapwevo kupwa na kulikangula na ngolo cheka, chize mwaya nakwimana muno muzuvo. Uze liyavolo naynafumu muli ikiye! . . . ? . . . kuya nakumulingisa kupwa kanawa. Echa ikiye ayoyenga muupahu na kavumbi kuli Kalunga.

Echi—Echi chinapunga kuhanjika, jino echa echi chilingike.

459 Kuliko veka nawa muno vanatondo kwimika mavoko avo na kuhanjika ngwavo, “Ngwatondo vangulombelele. Nguli nakuviza. Ngunatondo Kalunga”? Ngunahono kutachikiza tuli nalwola lungahi. Etu tukwechi lwola lwakutamo etu lwakwechela vathu kuhita kuno. Nguli kaha nakwivwa vene kuvendejeka chimene chino jino. Yaah. Yaah. Ngwatondo ove wizenga kuno, Billy, kaha pamo mbata chihanda echi, hali *eyi* sali ili oku, wukawove. Echa kaha echi chihanda chilivange kwiza chatete, kahajino etu tumbate chihanda chakunyima hanyima yachize, *muze* mulihanya likwavo. Kahajino etu natuya nakumbata vakiko kupwa nge, kahajino vakiko kaveshi . . .

460 Kaha jino Ngwatondo Ndumbu walunga Neville na vamwe vandumbu vamaalunga vami vakakuzata kwimana kuno hamwe na yami, hano vene, shikaho enu namuvambata mulihanya

cheka. Chosena chakwoloka. Chosena chakwoloka. Jino Nguli . . .

461 Vangahi muli enu vanavwale vitwa? [Chikungulwilo ngwacho, "Amena."—Muka.]

462 (Vali nakuya nakupwa vakuhandunuka jino. Yako kwimbo, pwako vene jino wakulikangula, pwako wakulikangula.)

463 Amena. Mamaah, yami! Enu maswalale vosena, kokenu Poko yauvela kuvali. Kokenu Poko yauvela kuvali, maswalale vakulusu, kufwola nakutwalilaho, kufwola nakutwalilaho.

Hali Kulishitu, ou Lilolwa lya kukola,
Ngunemanaho.

Ha mavu eka osena uli usekulula
wakujiminyina.

464 Chosena chakwoloka, twayenu jino vene, kuno vene kusali *oku*. Muthu wosena engile mukulomba jino, shimbu vakiko vali nakuhita oku.

Mu Lijina lya Yesu, hindula ou pwevo. Amena.

Koka Poko yauvela kuvali jino. Twamenu kaha muvitwamo vyenu, nakutambakana.

465 Mu Lijina lya Yesu . . . ? . . . mu Lijina lya Yesu . . . ? . . . mu Lijina lya Yesu . . . ? . . .

Kulutwe, maswalale ja Kulishitu!
kufwola na kuya kujita,
Na kulusu ya Yesu
Kulivangaho lyehi.

466 "Hana jila, Satana!" Ukalu uli hali, enu maswalale? munahono kutachikiza nge etu tuvakakufungulula? [Chikungulwilo kuwahilila na kuhanjika ngwavo, "Amena."—Muka.] Ikiye na fungulula lyehi. Etu twapwa vakakuhambakana vangeji muli Kulishitu Yesu. Kala liyavolo kutapuka, kalachuma chosena. Amena.

Twaya kuno, vandumbwami! . . . ? . . .

Ngwalombo nge ove uyenga nakuhinduka . . . ? . . .

Hindula ndumbwami walunga, Ndotolo; muhindule ikiye, Tata, mu Lijina lya Yesu.

Mu Lijina lya Yesu Kulishitu, hindula ou pwevo wakalemesa. Twaya . . . ? . . .

467 Jino, ikiye ambachile . . . Ngwapwile na kuhula va ndumbwami vamaunga kunyima kuze. Kala kwosena, ove Mwata . . . ? . . .

468 Ove Mwata Kalunga, Tengi ya melu na mavu! Ove Kalunga, Ove unatachikiza chuma muka chili mumuchima wenyi. Ove unatachikiza vyuma vyosena. Ngwalombo hali vosena vavali na naye na ise. Mu Lijina lya Yesu Kulishitu, Ngwakunjika . . . ? . . .

Mu Lijina Iya Yesu Kulishitu, Ngwa . . . ? . . .

Mu Lijina Iya Yesu Kulishitu, Ngwa . . . ? . . .

⁴⁶⁹ Kalunga, pwako naou ndumbu wapwevo. Etu tunatachikiza, myaka yakunyima kuputuka kulijingilamo nakuneha kufwa kutonda kukwata ou mujimba waou pwevo. Jino, mu Lijina Iya Yesu . . . ? . . .

⁴⁷⁰ Mu Lijina Iya Yesu Kulishitu, kisula ou kanyike wapwevo wamundende, Mwata. Jijita jetu hano hashikola, Ngunatachikiza ovyo ikiye ali nakuhitamo. Ngwalombo Ove muya nakukisula. Echa ikiye akoke ize Poko yauvela kuvali, chimene chino, na kutambuka nakuya kulutwe! . . . ? . . . Kisula ou wamundende kanyike walunga, Mwata; ali nakwiza, kusanyika Lijina Lyove, chimene chino; Ngwalombo ngachize Ove uyenga na . . . ? . . .

⁴⁷¹ Kalunga, kisula ndumbwami walunga, kumuhana kusaka chenyi. Mu Lijina Iya Mwata Wetu Yesu, Ngunahanjika echi! . . . ? . . .

Mu Lijina Iya Yesu Kulishitu, etu tunahane eli lilombo.

Mu Lijina Iya Yesu Kulishitu, etu tunahane echi kulombo.

Mu Lijina Iya Yesu Kulishitu, etu twalombo.

Mu Lijina Iya Yesu Kulishitu, etu . . . ? . . .

Mu Lijina Iya Yesu Kulishitu, etu twalombo echi kulomba.

Mu Lijina Iya Yesu Kulishitu . . . ? . . .

Mu Lijina Iya Yesu Kulishitu . . . ? . . .

Mu Lijina Iya Yesu Kulishitu, hindula ndumbwami walunga.

Mu Lijina Iya Yesu Kulishitu . . . ? . . .

Mu Lijina Iya Yesu Kulishitu!

Mu Lijina Iya Yesu Kulishitu!

Mu Lijina Iya Yesu Kulishitu!

Mu Lijina Iya Yesu Kulishitu!

Mu Lijina Iya Yesu Kulishitu!

⁴⁷² [Muthuumwe ngwenyi, “Tata nafu.”—Muka.] Kalunga, mukafwe, mu Lijina Iya Yesu.

Kalunga, mu Lijina Iya Yesu Kulishitu, etu . . . ? . . .

Kalunga, mu Lijina Iya Yesu!

Mu Lijina Iya Yesu Kulishitu . . . ? . . .

Mu Lijina Iya Yesu Kulishitu, Hindula ndumbwami.

Mu Lijina Iya Yesu . . . ? . . .

Enu muli nakwivwushisa jino?

Ove Kalunga, echa echi chiyenga kaha chifume . . . ? . . .

473 Mu Lijina lya Yesu Kulishitu, etu twalombo!...?...Hana ndumbu wapwevo...?...?

474 Ove Kalunga, kutachikiza nge uze naye wamundende wamwaza, ali nakuhita mumaukalu apwaha, Ngwalombo, Kalunga, nge Ove uyenga...?...hali ikiye.

Koka ize Poko yauvela kuvali, Ed, na kuya kulutwe, mu Lijina lya Yesu.

475 Ove Kalunga, hindula uze pwevo. Nahane elu lushiko. Echa ikiye ambate ize Poko yauvela kuvala kumeso eyi, mulwola lwalukalu.

Ove Kalunga...?...chimene chino. Ngwalombo nge Ove unyenga...?...?

476 Tata Kalunga, Ngwalombo nge Ove unyenga na kuhindula ndumbwetu walunga na kumulingisa kupwa wakulikangula. Kaha mu Lijina lya Yesu Kulishitu...?...?

477 Kalunga, Ngwalombo nge Ove uyenga nakuhindula ndumbwetu wapwevo, mulingise apwenga wakulikangula, mu Lijina lya Yesu Kulishitu.

478 Tata Kalunga, Ngwalombo nge Ove muya—muya nakuhindula ndumbwetu.

Hindula ndumbwetu wapwevo, Mwata!...?...?

Tata, mu Lijina lya Yesu, hindula echi, ndumbwetu wapwevo, Tata.

479 Tata,...?...etu twalombo mu Lijina lya Yesu. Kalunga, mwahindula ou pwevo.

Ove Kalunga, Ngwalombo nge Ove...?...?

480 Ove Kalunga, mukisule, Tata!...?...Omwo twazanga vaze vakwetu, Mwata. Kaha ngwalombo nge Ove uvahane kujina chenye ngunalebelela!...?...?

481 Ove Tata wa Mwilu, Ngwalombo nge ndumbu walunga...?...Ove Kalunga,...?...ikiye, Ove Kalunga...?...liswalale wa kulusu. Kaha ikiye mwaya na kuko Poko yauvela, chimene chino, kaha nakuya kulutwe.

Kalunga, etu...?...Muhanecho echi, Ove Mwata, kutonda chenye.

482 Kalunga, kisula ndumbu walunga...?...Ngwalombo nge Ove muya nakumuhindula, Mwata!...?...Muhane ikiye kufwila chenye cha muchima wenye, mu Lijina lya Yesu Kulishitu.

483 Ove Tata wa Mwilu, ou mukakuzata wa Mujimbu wamwaza, ha shingo...?...Kuze ikiye nakoso jindeho...?...Kalunga, Ngwalombo nge Ove muya...?...Kaha shimbu liswalale wamunene wa Kalunga ali nakutambuka jino, na Poko yauvela kuvali nakatuka, muhane kuhasa, Mwata. Lunga lyenyi

wamundende hano, Mwata, uze vanehele kufumisa mu kahela ka kansa muze apwanga nasavala, kufwa na kansa, kaha na ndotolo vanahono, omwo ayile. Kaha ikiye uno, chimene chino, liswalale wamundende wa kulusu. Mujikijise, Mwata, mwomwo ya mujilimo Wove, etu twalombo, mu Lijina Iya Yesu.

484 Ngwatondo uze kanyike wapwevo. . . Kuli chuma chimwe chikwavo naou mukakunangula wamundende hano. Twaya kuno, Ndumbu walunga Kidd. Ou lunga vamwambile aye kwimbo kufuma muchipatela, kalinwaha thuhu, oku ali nakufwa, wakuliwa na kansa. [Ndumbu wapwevo Kidd ngwenyi, “Mwahichi mwaka.”—Muka.] Mwahichi mwaka. [“Ivali.”] myaka ivali, na kajikila. Ndotolo yenyi amuhanyine makumbi amandende akuyoya. Kaha chimene chimwe, etu twayile kuze, pulundundu, twamulombelele, lyolimwe nge eli twalombo hali enu, kaha vakiko vahona numba kuwana mukoka wacho. [Chikungulwilo kuwahilila.] Ikiye vamuhindwile. Amena. Ikiye—ikiye. . . [Ndumbu wapwevo Kidd ngwenyi, “Ikiye etavilile.”] Ikiye nahakilako kukulema chamujimba jino kuhambakana omwo apwilenga. Ikiye na pwevo lyaenyi wamundende vanapunga muwande wa Mujimbu wamwaza, pamo shimbu kanda Ngusemuke. Ikiye uno hano. . . [Ndumbu walunga Kidd ngwenyi, “Fifite faifi ya myaka.”] Fifite faifi ya myaka. Shimbu kanda Ngwizenga nahano hamavu, vakiko vapwile nakwambulula Mujimbu wamwaza. Kaha ikiye uno hano, wakuyoya, ha myaka pamo sevete faifi mokomoko. . . [“Eyite wani.”] Eyite wani. [Ndumbu walunga Kidd ngwenyi, “Etu natuya nakupwa nakuhizumuka, nakuliwana cha vyalumingo vivali, kunangula ufuku hi ufuku.”] Kuhizumuka cha vyalumingo vivali, kukwachilila kaha kukuhizumuka cha vyalumingo vivali, na kunangula maufuku osena. Eyite wani myaka ya kusemuka, nayoyo, na kansa, omwo ikiye apwile kashinakaji.

485 Chosena cha kwoloka, ndumbu wapwevo, elu lunapu lwola lwove jino. Enu mwafwelela? [Chikungulwilo kuwahililana kuhanjika ngwavo, “Amena.”—Muka.] Kulutwe, *Maswalale ja Ukulishitu*. Chosena chakwoloka, ndumbu wapwevo. Enu, kuli enu vosena, natuya nakulinga ika? MUKIKO MWANAMBE MWATA. Ika natuya nakulinga, kutwama lika hano?

486 Satana, ove unahono. Etu tuli nakwiza jino. Etu tuli nakufwola nakuya ku Limbo Iya lushiko. Chuma muka chize? “Nyi eyi pili ika, shimbu kanda Zerubbabel? Hiya ou, nemana shimbu kanda kuze? Ove muya nakukapwa chana.” Mwomwoika? Na Poko yauvele kuvali, etu natuya nakukuvatula nahamavu. Echi chakwoloka. Chosena chakwoloka.

Kulutwe, liswalale wa Ukulishitu!
Kufwola nakuya nge kujita,

Na kulusu ya Yesu
 Kuya kulivangaho;
 Kulishitu, uze Mwata wa wangana,
 Kutwaminyina nakufumbukila mukakole; (na
 Lizu Lyenyi)
 Kulutwe nakwingila mujita,
 Talenu, na jindembele Jenyi kuya!
 Kulutwe, maswalale va Ukulishitu!
 Kufwola na kuya nge mujita,
 Na kulusu ya Yesu
 Kuya ngaho.

⁴⁸⁷ Haleluya! Ika vakiko valingile? Chuma chatete vayile lika, mu jita, hali va isalele, chuma muka chapwile chatete? Vaze vakakwimba vayile lika, chatete. Chuma muka chakavangijileho? Chize Chikasha chalushiko. Kaha jino jita. Chosena chakwoloka. Enu mwafwelela echi jino? [Chikungulwilo ngwacho, "Amena."—Muka.] Etu tuli nakwimba *Kulutwe, Maswalale va Ukulishitu*. Etu tuli nakufumisa kala kukakasana. Kutatuka kumahinji jino, tufwole nakuya mujita.

Echa twimanenu jino, muthu wosena.

Kulutwe, maswalale va Ukulishitu!
 Kufwola nge kuya kujita,
 Na kulusu ya Yesu
 Kuya ngaho;
 Kulishitu, Mwata wa wangana,
 Kutwaminyina nakufumbukila mukakole;

Natumuhasa ngachilihi? Na Lizu.

Kulutwe nakwingila mujita,
 Talenu, na ndembele Yenji nakuya!
 Kulutwe, maswalale va Ukulishitu!
 Kufwola nakuya nge mujita,
 Na kulusu ya Yesu
 Kuya ngaho.

Etu katweshi vakulihandununako,
 Vosena vali mujimba umwe;
 Umwe mulutalililo na kunangula,
 Umwe mu zangi.

⁴⁸⁸ Vosena vanafwelela jino, hanjikenu, "Amena." [Chikungulwilo ngwacho, "Amena."—Muka.] Haleluya! Enu mwafwelela echi? ["Amena!"] Etu tuvakakufungulula. Nyi mukakole wosena alikulihi? Mwishu ya vilyachilo vyetu. Twapa ika lelo? Vakusanguka muli Kulishitu!

⁴⁸⁹ Jino, echi chinahichi, ndumbu wapwevo. [Ndumbu walunga Branham kuhanjika cheka kuli uze ndumbu wapwevo, napunga nakukola—Muka.] Enu mwafwelela echi? Yakonga kwimbo jino.

Ove uli nakwivwa kanawa? Ikiye ngwenyi ali nakwivwa kanawa jino. Vyuma vyosena vili kanawa.

⁴⁹⁰ Vangahi omwo vali nakwivwa kanawa? [Chikungulwilo kuwahilila nakutambakana ngwavo, “Amena.”—Muka.] Kaha omwo vatambakanyine, ize mbango yaholokele hamavu, amena, kaha vakiko vayihetele. Amena. Vakiko vahetele ize mbongi. Amena! Amena! Enu mwamufwelela Ikiye? [“Amena.”]

⁴⁹¹ Jino, kanda kuvulyama kutanga chaufuku uno. Ndumbu walunga Neville mwaya nakupwa hano ufuku uno, na kutunehela mujimbu wamwaza. Kaha ha Sondo, Sondo nayizaho, nge Mwata netava, pwenu hano.

⁴⁹² Jino echa tuyenu, shimbu tunakuya. Kaha jino, hakulovoka muno muzuvo, echa tuyenu, nakwimba, *Kulutwe, Maswalale va Ukulishitu*. Kaha kufuma likumbi lya lelo, nakutwalilaha, kanda kahaka poko mu chindalo chekako. Yikokemo. Echa tufungulule. “Vakiko vayile, nakufungulula, na kufungulula.” Chosena chakwoloka, cheka hali ize vasi yatete.

Kulutwe, maswalale va Ukulishitu!
Kufwola nakuya nge kujita,
Na kulusu ya Yesu
Kuya ngaho lyehi.



JITA YAYINENE VAZUNGILE LYEHI LVE62-0311

(The Greatest Battle Ever Fought)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Sondo na chimene, Kuwana 11, 1962, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2020 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org